



2376




P532
D364
1657
R.B.
16-17



1676

17th

17th



DE Constantiâ libri duo.

Politicorum siue Ciuilis doctrinæ libri sex.

Ad libros Politicorum Notæ, & de vnâ Religione liber.

Monita & Exempla Politica. Libri duo.

Leges Regiæ & leges Xvirales.

Dissertatiuncula apud Principes : Item C. PlinI Panegyricus Traiano dictus:
cum eiusdem LipsI perpetuo Commentario.

De Militiâ Romanâ libri quinque, Commentarius ad Polybium.

Poliorecticon, siue, de Machinis, Tormentis, Telis, libri quinque.

Admiranda, siue, de Magnitudine Romanâ: libri quattuor.

De Amphitheatro liber.

De Amphitheatris quæ extra Romam, libellus.

Saturnalium Sermonum libri duo, qui de Gladiatoribus.

De Vestâ & Vestalibus Syntagma.

De Cruce libri tres.

Diua Virgo Hallensis.

Diua Virgo Sichemiensis.

Louanium.

De Bibliothecis Syntagma.



NOVA, ET
AMAE NIOR
DE ADMIRANDO FONTIVM GENIO
(EX ABDITIS NATVRÆ CLAVSTRIS, IN ORBIS LVCEM EMANANTE)
PHILOSOPHIA.

AD VOTVM.

Illustriss.^{mi.} & Excellentiss.^{mi.} Domini Domini
INNOCENTII DE COMITIBVS

Ex Ducibus Poli & Guadagnoli, Baronis Romani, Sanctissimi Domini
Nostri ALEXANDRI Septimi Pont. M. Magistri Campi Generalis,
nec non S.C.M. Cubicularij, Generalis Vigilum Præfecti, & Pe-
ditum Colonelli, Domini & Mecanatis sui Colendissimi.

PERENNE FLVERE IVSSA
AVCTORE

IACOBO I. W. DOBRZENSKIDE NIGRO PONTE Boemo Pragensi.

P. E. M. D.

OPVSCVLVM

*Quod non solum Curiosis ingenijs ob plurimas & novas hydraulicas machinas ari
delicatiſſimè incisas voluptatem adfert, sed & Philosophos Exoticis
quibusdam erudit discursibus, & Mathematicis campum aperit
alias plures, & ingeniosiores excogitandi inuentiones.*



FERRARIAE CIO. IDC. LVIII.

Apud Alphonsum, & Io: Baptistam de Mareſtis. Superiorum permiſſu.

NOVÆ; ET AMÆNIORIS

DE FONTIBVS PHILOSOPHIÆ

PARTITIO.

Novam hanc de Humidi Genio Philosophiam trifariam partiri placuit.

PARS PRIMA QVASI LOGICA.

De Centro grauium in communi, & in Specie de Aqua. De eiusdem Spæritate & concentricitate cum Terra, de perpendiculari tendentia, & porositate &c. discurret. Vbi etiam de potentia qua ad Centrum commune grauium liquidum vrgetur noua methodo disserit &c. ut in Indice magis patebit.

PARS SECUNDA QVASI PHISICA.

Varias Fontium Ideas ex quinque principijs emanantes proponit.

PRIMO. *Pressione aquæ incumbentis.*

SECUNDO. *Suctu aquæ descendantis.*

TERTIO. *Impetu Aquæ aerem fugantis.*

QUARTO. *Violenta Aeris pressione.*

QVINTO. *Violenta Aeris rarefactione.*

Et hæc multis modis

SEXTO. *Potentia mixta ex aliquo horum principiorum.*

PARS TERTIA QVASI METAPHISICA

Agit de subtilibus quibusdam liquidi experimentis, & efficientia. puta de Perpetuatione motus per Aquas, de Hydrotechnica & Hydrologia, de Aquarum velocitate & lapsæ figura, de modo aquas in sublime euehendi. &c. quæ omnia ex vberiore materia (quam olim) si superis placuerit (in lucem dabimus) ferè incerto ordine excerpsumus.

Illustriss.^{mo} & Excellentiss.^{mo} D. D.

D. INNOCENTIO DE COMITIBVS

EX DVCIBVS POLI, ET GVADAGNOLI ETC.

Domino, & Mœcenati, suo Colendissimo salutem &
prosperitatem precatur.

IACOBVS DOBRZENSKY DE NIGRO PONTE.

IAcienda est mihi pene dixerim reluc-
tanti existimationis alea Mœcenas Il-
lustrissime. Philosophiam enim sub
Illustriss. nominis TVI, an vigilis (quam arma
tua exhibent) Lampadis splendore, curioso or-
bi hoc est iudicijs æquis perinde ac iniquis, ex-
positum eo. Philosophiam inquam, non ad ob-
scuram & profundā Stagirytæ Philosophi noc-
tuā, aut vmbrosam Cleantis lucernulā, sed ad
peruigilis, ne dicam cælestis (Poli enim lucerna
est) facem, horis subseciuis laboratam leuiusq;
in animos mortalium in fluxuram. Sed vt sunt
Critica ætatis nostræ ingenia, neq; res vlla in
solem venit quæ non suum habeat Aristar-
chum; obijcere quispiam posset, quid lucer-

næ cum fontibus, quid ignibus cum aquis,
oleum non aquas inimicas, igni in fomentum,
lampadis, afferre oportebat. Sed enim uero to-
to exerrat Cœlo popularis aura; neq; enim lu-
cerna hæc est eiusmodi, quæ meis opus habeat
fomētis, est enim lucerna Poli, sunt LAMPA-
DES EIVS LAMPADES IGNIS AT-
QUE FLAMMARVM. Martialis calor &
quæ circum Iouis alitem ænea detonant ful-
mina, dabunt splendorem lampadi æuiter-
num. Temperare ergo frigida, & fontano rore
aspergi, ex veteri Romanorum Equitum mo-
re, tanta caloris incendia oportuit. Quis e-
nim nescit, iam pridem orbe toto nominis Cō-
tiani & præclare gestorum gloriam incla-
ruisse!

Te vero Mœcenæ Illustrissimè quid memo-
rè? loquatur fortunatissimū te auspice Bohemię
regnū, loquatur regni Metropolis triurbs Pra-
ga, a cuius mœnibus Balticum Leonem toti-
usq; Septentrionis furias, in eius perniciem vi-
no voto conspirantes, dexterrime propulsa-
sti. Quod enim integra & innocens suo stat
Cæsari, INNOCENTIO debet. Quod fi-

deli

deli semper oculo Austriacum respexit sidus
Septentrionalē auersata Vrsam, Principi PO-
LI debet, cuius consilijs & robore ceu cardini-
bus immobilis & firma hæsit. Deniq; salutem
& incolumitatem Ciuium suorum, Virtuti &
auspicijs TVIS secundū Deū acceptā refert.
Stant etiamnum aggeres & turriū ruinæ Bal-
tico, Fillādico, Lappico, Gottico, Suecico (ver-
bo) hostili pingues sanguine; stant semiruta &
lacera mænia, certissima vrbi pernicies, nisi
tua vigili lampade & fortibus armis hostiles
inpetus retudisses; & qua via venerāt, coegisses
redire. Non est vrbs, non locus Regno toto
(Italiamenim sileo) vbi non factorum vbiq;
fortium vestigia legamus, non possum rerum
abs te fortiter gestarum seriem stylo vel conse-
qui vel prosequi. Plura enim tu ferro & armis
ad gloriam miracula identidem is patratum,
quam aliquis calamo possit ire consignatum.
Et sane nisi me fallo, victricibus acclamationi-
bus regni Bohemi virentia iuga, & in sonos
animatæ Herciniæ Syluæ, dicam amplius vr-
bium seruatarū mænia, numerosius quam olim
olympiæ porticus TVAS laudes cōgeminant.

Et

Et quid mirum est. Si muta, & inanima saxa bellicis clangoribus atq; victorijs tuis toties animata, in plausus resoluantur. Quoniam veró laus nulla verior, nulla maior, quam iuncta militi suo eruditio, eruditio inquam militari robori sociata. Quid de ea dicam? quam in te semper suspexerunt amici, admirati sunt hostes. vt enim plurima compendio edicam; in te prudentia summa, arcanorum consiliorum maturitas summa, ingenij perspicacia summa, agendi dexteritas summa, omnia maxima, summa omnia.

De disciplina Mathematica, & maxime quantū ad rē belli facit, non habeo quod porro dicam; siue enim acies instruēda est, siue castra metari oporteat, siue aggeres & propugnacula erigere, siue machinas & tormenta plantare, & in hostilia euibrare capita sit necesse, prompto ingenio omnia inchoas; & celeri cū fortuna absoluis omnia. Et hæ sunt nisi me fallo prerogatiue, hæc decora, quibus ALEXANDER VII. Opt. Max. Pontifex. ex millibus delectum militiæ suæ Summum magistrum selegit. Et sane quem aptiorem eligeret nisi TE? non
enim

enim (vt de Traiano loquitur Panegyristes Plinius) quærendus erat qui eligeretur, sed eligendus qui eminebat. Quid quod humanis rebus nuper ereptus Augustus Cæsar FERDINANDVS III. vel ideo summam vigiliarum præfecturam tibi detulit & ceu fortem Achillem (custodem diceres) a cubiculis esse iussit.

Quid porro de TVA pietate & religione in Deum dicam, quæ iam inde ab Auis & Atavis longissima serie ceu per traduces propagata in te maxime relucet, robori (quod rarum est) militari comes indiuidua. De maioribus enim TVIS quos pietas & virtus ad summa fastigia sustulit vndecim enim si bene memoria retineo summis infulis Pontificijsq; mitris insignes, ex domo tuo numerant fasti: Et hos omnes TV non tam officiorum munerumq; gradibus, quam grandibus & heroicis virtutum assultibus, ad cellissimum virtutis fastigium scandendo, quam proxime imitaris non degener tantarum aquilarum pullus. Nimirum est, & in natis patrum virtus, & vt vt bene mea musa.

§ Nobis nec imbelles nec ægras
§ Contiades generant columbas.
Nimirum. § Fortes creantur fortibus, & patrum
§ Robur Nepotes utiliter bibunt.

Ite igitur fontes mei, ite lymphæ, & sub
vmbra CONTIANÆ alitis perenné fluite.

Dabam Ferrariæ in Aula Excellentiaæ Tuæ
Kalendis Maij 1657.



PRÆLOGIVM AVTHORIS

Ad Amicum Lectorem.



Posteaquam Diuina Sapiencia Genius QVI LVDIT IN ORBE TERRARVM, primum illud chaos rerum omnium, sub quo totius Naturæ moles indigesta latebat, certis locis seu cancellis ritè coercuisset & circumscripsisset, posteaquam inquam admirabili vi omnipotentia sua, libratis circa mundi Umbilicum Elementis ea discreuisset. Aeri quidem tum alteritatibus obnoxio tum ab omni fæce depurato superas sedes dedit (Ignis enim an Elementum sit & supra aera detur cum de hoc adhuc Philosophi altercentur, incertum pro certo hic apponere non iudicauim; quartoq; loco Elementa inter connumerare) iussitque supereminere, Terraqueam autem molem in centro Vniuersi librari voluit immobilem TERRA ENIM IN ÆTERNVM STAT dicam ne PENDET, ET IN NVLLO PONIT VESTIGIA FVNDØ mole sua an diuina, TRIBVS ENIM DIGITIS APPENDIT MOLEM TERRÆ immobilis hærens.

Ne porrò tanta moles aqueo humore circumfusa & circumflua, vsibus humanis minus apta videri possit; Diuina illa mens Mundi Architectatrix SPIRITVS inquam DOMINI qui FEREBATVR SVPER AQVAS terream hanc diffregit molem, & coalescentia dirupit claustra, iussitque (diuisit enim aquas ab aquis) partim in montes intumescere, partim in valles & humilia sedimenta seu receptacula & sinus terram subsidere, vt aquæ quæ terrenam infesta ambibant Sphæram, in his sinibus reciperentur neque ultra hos cancellos

aut in sublime attolli, aut in præceps abire & terram inundare aut possent
ut vellent. Præcepit enim aquis Deus, & legem posuit ut non transgredierentur
fines suos. Hinc est quod unumquodque Elementum, stationem suam primæ-
uam Sacrosanctè teneat, nec inde ad latum (quod aiunt) unguem abscedat;
hinc inquam est, quod aqua depressa semper conditionis suæ memor & tenax
non nisi ingenioso dolo & fraude aut certe occulta vi in aera sublimis ire velit.
Statim enim ubi in altum aera excussa fuerit se reducit & ad limites sibi præ-
fixos refluit ad Archetypi Orbis circularem ambitum in periodum decurrens.
Idem enim quod parte prima breuiter attingam cum Terra gravitatis centrum
& metam habet, ultra quam abire nefas. Exponam itaque breuissime (hoc
enim propositum meum fuit) quibus artibus, quibus machinis, qua denique
vi & ingenio proteruus iste & pertinax aqua Genius à nobis in sublime
educi & subigi possit. Quod tamen si pleno Opere facturus eram, sed quia sub-
olere capi partum meum serius venire, nondum enim maturus ob diuersa im-
pedimēta esse potuit, iamque forte in Germaniæ officinis deproperari in materia
eadem, malui teneri hunc partem an potius totius molis prodromum, & rudem
Ideam in lucem præmittere quam si placere comperero nouis Stimulis ad totius
Hydrostaticæ (quam urgeo) conficiendam fabricam Deo Vitam & Vires con-
cedente tanto vehementius intendam.

Debat quidē Amice lector rudis hæc Idea anno elapso iam luci dari parata
enim dudum fuerat; at penuria sculptoris qui figuras necessarias incidisset eidem
conspēctum publicum retardauit, modò autem quia idoneum nactus sum Artifi-
cem Iuuenem Gallum Parisiensem Ioannem Sauue diu nunc in Aula Excel-
lentissimi mei Domini Mæcenatis morantem (cuius ingeniosa manus ex insertis
opusculo meo figuris elucescet) minimè quoque cunctari volui quin libello huic
ubiis iam, tum per Italiam, tum per Germaniam proclamato & à multis defi-
derato semel tandem auram fauerem publicā. Reuocaturus in illo totā Pneuma-
tica & Hydraulica vim ad sena potissimum capita siue methodos, quibus
pertinacem Aquæ Genium in sublime urgere oportet.

Et PRIMO quidem, in vim lapsus Naturalis. SECUNDO vim attractiuā
siue suctum. TERTIO vim Expulsiuam. QVARTO vim condensatiuam, &
compressiuam. QVINTO vim rarefactiuam. SEXTO demum in vim mixtam,
siue quæ ex principio mixto procedit.

Quæ omnes Methodi etsi una sola parte tradi potuissēt, prout & traduntur
at si quia mihi videbatur opusculum tum nimis breue futurum, tum quasi in-
forme & Artibus carens, placuit eidem membra quadam partim fundamen-
talia quibus tota moles firmiter inniti posset, partim Volatilia quibus cen-
pennis (cum per Mundum Europæum, & fors ultro euolare sat agat) se selibrare
queat adnectere, ut ita ordinatius, & comptius Vniuersis se spectandum

præ-

præbere possit, in ternas partes illud diuidendo: Prima parte acturus de Aquæ centro & eius Sphæra, de Ratione premendi, de potentia ad centrum grauium aquas impellente. De Vacuo & quibusdam curiosis experimentis.

Pars Secunda habebit fontes hydraulicos & machinulas aquas in sublimē urgentes methodis paulo ante recensitis.

Pars demum Tertia, curiosa experimenta puta Motus perpetuos tentatos, lapsus aquarum & velocitatem, Hydroscopiam & alia curiosa continebit. Quæ omnia citra delectum & ordinem (ut Amicis qui opusculum hoc à me ante maturitatem extorserunt seruirem) tractabo.

Ne autem quispiam fronte libelli mei conspecta turbetur & me nimia arrogantia reum in adhibendo tam superbo titulo accuset, apud hunc sequens interim excusatio satisfaciat. Cum enim procerto sciuerim nullum unquam à temporibus Heronis (qui librum de Spiritualibus intitulatum edidit, & varias curiosas ex Arte Hydraulico pneumatica deductas inibi adduxit machinulas) de eadem materia ex professo tractasse nihilominus ab aliquo tractatum fuit id solum breuiter & occasionaliter effectum fuisse, ratus sum cum eidem Viro primi honores Artis illius pulcherrimæ debeantur neque hos secundos derogare; et si enim paulo diuersæ ab illius hic in solem veniant machinula, at quia ex principijs eiusdem deducta, idcirco Talis & Tanti Viri Nomine (quod cum corpore pene in umbras euanuerat) ceu primipilo & Antesignano in hac Hydropneumatica arena gaudere voluerunt, siue ut melius me explicem: Cum ex Professo Nouam & Ameniorem hanc de fontibus Philosophiam publicæ Disputationi proponam quem meliorem Præsidentem illius habere potui quam primum & Vnicum Philosophiæ illius Professore? & hæc de fronte tituli sufficiant porro cur Nouam, Ameniorem, Philosophiam, intitularim hic breuitatis gratia dicere supersedi, lector opusculum lecturus spero quod ad sufficientiam percipiet.

Vnum adhuc est super, de quo Amicum lectorem monere volui, quod de rebus quibusdam Physicis quas hinc inde inspersi, nolim ultimam omnino ferre censuram & sententiam, alio enim operi quod animo meditor, de rebus istis iudicium sanum reseruo, neque enim per tempus, occupationes, solum peregrinum in quo extra patrios tantisper immoror lares, sumptus, & sexcenta eiusmodi fas & copia ad rerum Magistræ Experientiam appellare. Hydrostatica mea ubi cum bono Deo absoluta fuerint, cogitationes meas & consilia Mundo aperient. De reliquo hoc prodromo meo si te lector delectari comperero, si has cogitationum mearum primitias amica fronte excipere; animum & calcar addes, ut tanto citius quod promisi absoluam, consolando te penes ut non imagineris me circa materiam dictam (Deo Vitam & reliquis necessarijs cōcedente) solum perstiturum, euagaboretiam ad alia quadam curiosa circa qua

ca quæ animus meus occupatur quæ non cuique manifesta sunt, verecundia
iuuenilis causa quæ pro nunc ignorantiam meam contegat illa nominare omit-
to. indicasse (penum meam qualem qualem etsi pauperem at non omnimodè
vacuam, & uni rei alligatam esse) sufficiat. Interim si quos errores aut in
Typo, aut in figuris inaduertenter factos repereris, pro ingenuitate tua quæso
condona; tempus enim & occasio non tulit me qui unicus utrique labori præ-
fui, pro nunc inter externos degens, & non tali commoditate qualem similes la-
bores requirunt gaudens diligentiorē esse potuisse. Vale ergo & laborem
hunc primum, tenuis ingenij mei fructum grato animo suscipe.



NOVÆ. ET AMÆNIORIS DE FONTIBVS PHILOSOPHIAE.

Contentorum Elenchus.

TErminorum quorundam in Hydraulicis, & Pneumaticis frequen-
ter occurrentium prænotitia.
Petitiones seu Postulata Hydraulico Pneumatica, cum quibusdam
suppositionibus iam aliunde probatis, & euidenter deductis.

NOVÆ. ET AMÆNIORIS DE FONTIBVS PHILOSOPHIAE.

PARS PRIMA.

De Natura liquidi, & Principijs fontium.

Prælogium. De fontium Origine	fol. 5.
Discursus Primus	4.
Discursus Secundus	5.
Prop. 1. Graue, Grauitas & Grauitatis Centrum quid sit	10.
Prop. 2. Problema primum. Centrum grauitatis rei grauis inuenire.	11.
Cuiusuis Corporis regularis grauitatis Centrum designare	ibid.
Centrum Cylindrici Corporis, Prismatis, & Parrallelepipedii in- dagare fig. I.	ibid.
In Pyramide & Conograuitatis centrum explorare	fol. 11.
Centrum Grauitatis Hemisphærij explorare	12.
Mechanica Centri eruendi in quouis corpore irregulari & informi Methodus	12.
Tabula Qua ostenditur, quam rationem corpora tum solida, tum liquida mole aequalia, inter se habeant in grauitate	13.
Prop. 3. Theorema 1. Aqua & Spherica est, & concentrica Terra Fig. II.	14.
Prop. 4. Theorema 2. Ostenditur amplius. Centrum grauitatis in Aqua cum Centro Grauitatis Terra commune esse Fig. III.	15.
Prop. 5 Theorema 3. Vna libra aquæ centum millia librarum à lapsu cobi-	

	<i>exhibere potest, fig. IV.</i>	18.
Prop. 6. Theorema 4.	<i>Vnaquaque humidi pars, ipsum humorem ad perpendiculum premit fig. V.</i>	19.
Prop. 7. Theorema 5.	<i>Si fuerint duo corpora equalia in fundo aquae vasorum altitudine equalium, capacitate vero inaequalium, equali potentia à fundo in sublime per Spartum in Statera subrigetur, quod si vero unum vas altero fuerit altius, pro ratione excessus potentia attollens maior requiretur fig. VI.</i>	20.
Prop. 8. Theorema 6.	<i>Potentia quae ad centrum grauium liquidum impellit non inducit vacuum. fig. VII.</i>	fol. 22.
	<i>Experientia pro Vacuo allata discutitur & refellitur</i>	23.
	<i>Digressio de Vitrorum Porositatibus</i>	24.
	<i>Regressio ad Materiam</i>	25.
Experimentum.	<i>Monstrans Aquam Elementarem Mercurio inesse</i>	26.
Prop. 9.	<i>Vnde nam fiat quod non modo aquae sed & corpora solida in sublime attollantur, & suspensa teneantur</i>	30.
	<i>Experimentum 1.</i>	30.
	<i>Experimentum 2. fig. VIII.</i>	31.
	<i>Experimentum 3.</i>	ibid.
	<i>Experimentum 4.</i>	32.
	<i>Experimentum 5.</i>	ibid.
Discursus	<i>Godefridi Aloysij Kinneri, Naturae a metu vacui vindicans, recensitaque supra molimina aliter demonstrans fig. IX. & X.</i>	34.
Prop. 10. Problema 2.	<i>Vt aquae descensus alterius liquidi ascensum causet fig. XI.</i>	39.
Prop. 11. Theorema 7.	<i>Aqua iuri suo relicta iuxta mensuram sui perpendiculi in sublime attollitur fig. XII.</i>	41.

NOVÆ ET AMÆNIORIS

DE FONTIBVS PHILOSOPHIÆ

PARS SECVNDA.

De Varijs fontium classibus, & Ideis.

	<i>Praelogium</i>	fol. 43.
Prop. 1. Problema 1.	<i>Clepsidram Hydrostaticam construere</i>	44.
Prop. 2. Problema 2.	<i>Fontem pressione incumbentis aquae construere</i>	45.
	<i>Fons</i>	

- Fons Hydro Magnetico Horologus. fig. XIII.* 46.
- Prop. 3. Problema 3. *Machinam Hydraulicam construere in qua per tubulum infernè delapsus liquor, alium in sui locum ab imo fentis euocatum substituit & ad leges perpendiculi attollit. fig. XIV.* 48.
- Modus alius eandem Machinulam representandi fig. XV.* 50.
- Prop. 4. Problema 4. *Intra Cylin dri vitrei inane fontem salientis lymphæ suscitare fig. XVI.* 51.
- Prop. 5. Prob. 5. *Lympham intra crystalli cylindrici inane motu vertiginis calos agentem representare, nullis intelligentijs in subsidium vocatis fig. XVII.* 53.
- Prop. 6. Prob. 6. *Fontem construere qui ad duplum sui perpendiculi ascendat. fig. XVIII.* 55.
- Prop. 7. Prob. 7. *Fontem construere qui per vim expultricem aquam in altum euehat fig. XIX.* fol. 57.
- Auctuarium Gratosum. fontem perennè refluentem fabricare. fig. XX. & XXI.* 58.
- Prop. 8. Prob. 8. *Per eandem vim expultricem ad Duplam altitudinem aquas in sublime cogere. fig. XXII.* 60.
- Confectarium 1.* ibid.
- Confectarium 2.* 61.
- Prop. 9. Prob. 9. *Violenta aeris compressione fonticulum manua lem construere. fig. XXIII.* ibid.
- Alius modus facilior & graciosior idem experiendi.* 62.
- Prop. 10. Prob. 10. *Fontem Hydraulicum addensati aeris beneficio fabricare. fig. XXIV.* 63.
- Confectarium 1. fig. XXV.* 64.
- Prop. 11. Prob. 11. *Fons incalescentis aeris virtute sub libero lonspectabilis fig. XXVI.* 65.
- Prop. 12. Prob. 12. *Fons aeris rarefacti exitus imperio intra vitrei gurgustij angustias spectabilis fig. XXVII.* 66.
- Alia eiusdem fontis Idea & Syntaxis fig. XXVIII.* 67.
- Prop. 13. Prob. 13. *Rupem pyramidalem construere per cuius Spiralem Orbitam plures Sphærule aquarum vi excussa, indefessa volutione sursum deorsum ferantur, perpetui motus Simia fig. XXIX.* 68.
- Prop. 14. Prob. 14. *Sphæram Hydrostaticam construere, in cuius centro Geniolus libratus, lento circuitu horas Babilonicas, Italicas Planetarias diu noctuque designet fig. XXX.* 69.
- Prop. 15. Prob. 15. *Hydrologium seu fons in quo lecertula occultis viribus anima-*

animata, orbem horologum in plano Verticali inambulando, ho-
ras designet fig. XXXI. fol. 71.
Prop. 16. Prob. 16. Hydrologium siue fonticulus in quo auicula in aere pe-
dula horizontalem horologum limbum circumuolitando horas
rostro suo designat fig. XXXII. 73.
Appendix. fig. XXXIII. XXXIV. & XXXV.

NOVÆ ET AMÆNIORIS

DE FONTIBVS PHILOSOPHIÆ

PARS TERTIA.

Thaumaturgus Hydrotechnicus.

Praelogium	79.
Prop. 1. Prob. 1. Machinam construere, Sphæram Mundi Elementarem re- ferentem. fig. XXXVI.	fol. 80.
Prop. 2. Prob. 2. Varia Curiosa Spectacula Artis Naturizantis efficere	83.
Flosculi artificiosa intra Vitrum reproductio	ibid.
Integram abietum siluam derepente intra Vitream concauitatem enasci facere	84.
Aquam Mineralem diuersas in se virtutes Arti Naturizanti ido- neas continentem conficere	84.
Prop. 3. Prob. 3. Varia Meteora, puta pluias, niuem, grandinem, tonitrua &c. Ars Natura simia emulatur	85.
Prop. 4. Prob. 4. De instrumento Hydrometrico cuius ope differentia gra- uitatis liquorum indagatur. fig. XXXVII.	86.
Prop. 5. Prob. 5. Altitudinem lapsus aquarum explorare fig. XXXVIII. XXXIX & XL.	88.
Prop. 6. Prob. 6. Velocitatem aquarum metiri	92.
Prop. 7. Prob. 7. Cuius figura sint arcus ab aquæ delapsu cum violentia facti explorare fig. XLI.	93.
Prop. 8. Prob. 8. Ad summa montium & domorum fastigia aquam attolle- re, aut per confragosas rupium crepidines in sublime eue- ctam alio rursus in ualles & humilia loca deriuare fig. XLII. & XLIII.	fol. 96.
Confectarium 1. Aquam ex piscina non perfosso aggere in locum declinatio- nem alio uersum deriuare	98.
Confecta-	

- Confectarium 2. fig. XLIV. *Vrceum constuere, ex quo nihil haurias nisi ad summa labra liquor constiterit* 99.
- Confectarium 3. *Craterem fabricare ex quo nihil delibes nisi ad certum tempus.* ibid.
- Confectarium 4. *Auem fictitiam efformare qua datum liquorem exsorbere videatur.* 100.
- Prop. 9. Prob. 9. *Alia Methodo aquam in sublime urgere fig. XLV. ibid.*
- Prop. 10. Prob. 10. *Fontē Marinis aestib' coeum fabricare fig. XLVI. 102.*
- Confectarium.
- Prop. 11. Prob. 11. *Aeris rarefacti & addensati beneficio motum perennem tentare fig. XLVII. 104.*
- Alia perpetui motus à Sole dependentis Idea fig. XLVIII. 105.*
- Prop. 12. Prob. 12. *Theodori Moreti S. l. in Vniuersitate Carolo Ferdinādea Pragēsi Mathematicū emeriti & Doctissimi Professoris fons perpetuus Solaribus motibus coeum fig. XLIX. 106.*
- Prop. 13. Prob. 13. *Machina Hydraulicopneumatica Kircheriana, qua aeris alterna vicissitudine, nunc rarefcentis, nunc addensati, motus perennis specimen exhibere conatur fig. L. 108.*
- Prop. 14. Prob. 14. *Machina Hydrostatica Bettiniana motus perennis Specimen referens. fig. LI. 110.*
- Prop. 15. Prob. 15. *P. Valentini Stansel S. l. Mathematicum in Vniuersitatibus Pragensi & Iuliomontana Professoris Motus perennis ingeniosè per primi generis Vectem tentatus & Doctissimorum Virorum disceptationi in Carolina Vniuersitatis aula datus & approbatus fig. LII. LIII. & LIV. 113.*
- Prop. 16. Prob. 16. *Motus perpetuus tentatus à P. Nicolao Cabeo S. l. per spirales orbitas aquam iugiter in sublime deuehentes. fig. LV. 119.*
- Epilogus. 121.





TERMINORVM QVORVNDAM

In Hydraulicis & Pneumaticis frequentér
occurrentium prænotitia.

I.

SIPHON, CANALIS, TVBVLVS, FISTVLA. &c. pro
eodem a nobis vsurpantur. Est autem SIPHON vas ob-
longum cylindricum per quod aqua decurrit, horum qui-
dam RECTI sunt, quidam INCVRVI, pro ratione vaso-
rum quibus inferuntur, qui si normaliter super Horizonte steterint
dicentur VERTICALES, si paralleli HORIZONTALIS.

II.

CLAVICVLA, EPISTOMIVM, CANNVLA. idē significant: Est
porro EPISTOMIVM instrumentum compositum ex segmento si-
phunculi & vertebrula pertusa, & hoc Siphonibus vel vasis adfer-
ruminatum aquas aut coercet aut referat.

III.

SIPHONISSECTIO quæ vel diaphragmate vel aquæ fluxu cōtin-
git; si quidem fuerit basi parallela, CIRCVLVM generat; sin planum
fuerit ad basim inclinatum ita vt imaginarie productum concurrat
ELLIPSIM PRODVCIT. Si denique axi æquidistans ad basim nor-
maliter constiterit PARALLELOGRAMMVM facit.

IV.

Si arctior Siphon per ampliorem seu laxiorem Siphonem per me-
dium seu vndique æquiliter à caua superficie distantem transeat,
SPIRITALIS SIPHON seu DIABETES ex mente Heronis vocabi-
tur & hic eiusdem est efficaciz cum Siphone incuruo,

V.

V.

OSTIOLVM, OSCVLVM, FORAMELLVM ORIFICIVM, &c. sunt Synonima, significant extremas Siphonis aperturas, quarum mensura est circulus maior minorue pro ratione tubi &c.

VI.

VAS, RECEPTACVLVM, CAMERA, pro eodem sumuntur, significantque locum in quo aqua vel actu vel potentia continetur.

VII.

VASSUPERFICIARIVM est Superficies corporis ab eo cogitatione sola separabilis.

VIII.

FVNDVM VASIS, est superficies illa cui aqua perpendiculariter incumbit.

IX.

DIAPHRAGMA est medium illud seu planum quod vasa in duo pluraue receptacula seu loculamenta distinguit.

X.

VAS VACVVM, est locus omnis corporis expers.

XI.

VAS INANE, est receptaculum ex quo præter aerem nullum sensibile aut visibile corpus inest.

XII.

ASSARIVM seu **PLATISMATIVM** est camerula habens in vertice vel fundo duos laterculos seu plana seu lamellas æreas politas & leues, modo rotundas, modo quadratas, pro ratione vasis aut modioli cui adferruminantur.

Hæ duæ lamellæ inuicem circa cardines iunguntur: sic vt vna quidem firma & immobilis, ostiolo modico per medium hians: altera per modum operculi sursum deorsum agi possit, & hanc sæpius **ANIMELLAM, LINGVVLAM** vocabo.

Adhiberi solet camerula ista (vocemus **ASSARIVM**) in machina Ctesibica quam Galli Pompe Germani **POMPEN** vocant huius enim beneficio ab imis vallibus aut etiam fontibus & cellis subterraneis, ad alta montium & summa domorum fastigia aquas eliciunt.

Eiusmodi Ctesibica Organa eleganter & ingeniosè fabrefacta passim in Germania conspiciuntur, cuius beneficio quoque infra Parte secunda docebo fonticulum iucundissimum construere à me non semel Pragæ Boemorum visum; vbi supradicti organi ope ex fonte mobili & occulto, grande vas Sphæricum ita aquis imprægnatur vt laxato si-

phunculo fulgoris in morem sublimis in aera aquæ radius exiliat.

XIII.
MODIOLVS est Cylindricum cauum vas cui infernè Assarium ad-
ferruminari solet.

XIV.

EMBOLVS est lignum cylindricum oblongum quod in imo sui co-
rio aut alia simili materia villosa obuoluitur ad cohibendam aquam, &
retinendum, quem exugit aerem, & hoc in modiolum inferi solet. hu-
ius enim frequenti sursum deorsum agitatione, per assarium in modio-
lum aqua subingreditur, & per Siphonem ad summa fastigia (vt dixi)
impellitur, huius schema dabo infra.

Refert Ingeniosissimus Mersennus in suis cogitatis Physico Ma-
thematicis nouum quoddam genus haustri hydraulici absque aspi-
ratione vel impulsione (quod per pompam nostratem facimus) in-
uentum à Gallis. *Situla inquit ex corio vel metallo ad tubi fundum posita
qua tigillis ei insertis, & ad supremam vsque tubi partem ex qua hauritur
aqua peruenientibus ducitur & reducitur, vel potius trahitur, & proprio
pondere recidit, & qualibet sui tractione nouam aquam tribuit ex haustri
osculo superiore salientem & exundantem, quam ad quosuis vsus accommodare
possis. Et hoc haustro cui nempe nil officit aer ad centum si fuerit, opus hexa-
pedas aquam duces dummodo totius aquei cylindri eiusdem cum integra tubo
altitudinis pondus viribus tigillos mouentibus exaques, & tantisper superes.
sic ille.*

XV.

AQVEVS CYLINDER, VIRGVLA, RADIUS, AQVEVS SA-
LIENS, pro eodem a me vsurpantur, & significant continuatum ex
Syphone aquæ ductum, siue illa Verticalis sit siue horizontalis.

XVI.


AQVÆ PERPENDICVLVM, voco longitudinem seu interual-
lum aquei radij, ex siphone aut vase perpendiculariter descendens
vel ascendens, & in terra siquidem descendat: in determinato aeris
puncto si sursum feratur determinati.

Absoluta terminorum explicatione, reliquum est vt ad Postulata ita
rerum serie postulante defluamus.

PETITIONES SEV POSTVLATA.

Hydraulico Pneumatica.

*Cum quibusdam suppositionibus iam aliunde probatis
& euidenter deductis*

I.  Viusuis aquæ summam superficiem planam & horizonti parallelâ esse quomodocumque vas vel siphon inflectatur.

II. Aquam simpliciter omnibus partibus homogeneæ ponderitatis esse.

III.

Maioris ponderitatis aquam esse, cuius quantitas longius perpendiculum siue intra siue extra siphonem concipitur habere, opus est autem vt ab æquali foramine decurrat, & per homologos siphones.

IV.

Aquam suapte natura non minus quam alia graua ad terræ centrum coniti siue oblique feratur siue directe.

V.

Aquam genio suo relictam vltra fontem suum & primam originem non ascendere.

VI.

Pressionem aquæ fieri secundum perpendiculum, & partes magis pressas à minus pressis pelli.

VII.

Aquam transeuntem per æquales siphones (cæteris paribus) æquali tempore transire.

VIII.

Aquam defluentem per vasis imum orificium perindè ac per tubulum perpendicularem à lummo ad imum decurrere.

IX.

Aquarum quantitates quæ per æqualia foramina æquali tempore ab æquali perpendiculo ex vase defluerunt æquales esse & contra.

X.

Si sectiones in tubis æqualibus æquales fuerint, quantitates aquæ æquales

æquales esse & contra si æquales fuerint aquæ quantitates, æquales ab aqua fieri Sectiones (subintellige in tubis aut vasis æqualiter situatis.)

XI.

Aquæ horizontali fundo incumbenti tantum esse pondus, quantum est cylindri aquei vasis fundo perpendiculariter incumbentis, indeque ad summam superficiem continuati quod parte prima proposui deducam.

XII.

Corpus solidum materiæ leuioris quam sit aqua non omnino mergi sed aquæ supernatare, Contra corpus grauius seu materiæ ponderosioris quam sit aqua, ad fundum vsque descendere. Denique corpus materiæ æquiponderantis datum in aqua locum retinere.

Reliquas corporum grauium cum aqua proprietates quia ad Hydraulicam nostram nil conferunt, hydrostaticæ nostræ reseruare placuit.



AL SIGNOR
GIACOMO DOBRZENSKI.
Che per hauer dedicata l'opera sua
Al Signor Donn'
INNOCENTIO CONTI.
restará sempre immortale.

SONETTO.



'Empia Fortuna à nostri danni intenta
Con tirannica legge al mondo impera,
E sotto il giro di rotante sfera
L'vniuerso quà giù regge, e sostenta.

Frà le varie vicende ogn' hor tormenta
Chi trà suoi doni d'eternar si spera;
E alla virtù sempre nemica altera
Indeffessa l'età gli strali auenta.

GIACOMO, non temer tu, che discerni,
Che solo ariua di Fortuna il telo
Della stigia palude a' lidi inferni;

Gia tù risplendi al par del Dio di Delo
E acciò che sempre il nome tuo s'eterni.
L'Aquila CONTI hor ti solleva al Cielo.

Ippolito Albini.

AL SIGNOR
GIACOMO DOBRZENSKI

Alludendo alle fonti da esso così spiri-
tosamente inuentati.

MADRIGALE.



D All' onde d' Ippocrene
Non più fugge i liquori
Per innaffiar gli allori

La fama, onde à più dotti i ferti appresta,

Anzi che hormai detesta.

Di Pindo l' onde, e i monti,

Se à far gl' allori eterni

Meglio di Pindo assai son le tue fonti.

Ippolito Albini.



NOVÆ. ET
AMÆNIORIS
DE FONTIBVS PHILOSOPHIAE
PARS PRIMA

DE NATVRA LIQVIDI, ET PRINCIPIIS FONTIVM.

PRÆLOGIVM

DE FONTIVM ORIGINE.



*N*tequam ad fontium Anatomiam calami aciem pro-
moueam, pauculis in vestibulo Amice lector te conue-
nire placuit. Fontes quam amæni, & blandi vi-
su sunt tam arduum, & explicatu difficile
est eorum scrutinium: nemo certè (mea qui-
dem sententia) eorum proteruum Genium, &
abditas intra confragosa montium latibula,
propagines aut assequi potuit aut satis elucu-
brare; E montibus in valles, & inde ceu per quosdam (artifice natura
efformatos) canales, nunc palam, alias occultis anfractibus & mean-
dris in mare præcipites ire, indeque rursus ad suos fontes remeare,
præter Sacram paginam quotidiana nos docet experimenta: OMNIA
inquit FLVMINA FLVVNT AD MARE, ET MARE NON RE-
DVNDAT, &c. Quo pacto autem id fiat antequam ego sensum me-
um proponam, placuit breuiter aliorum circa hoc opiniones ex Alma-
gesto Io: Bap. Riccioli Tom. 1. lib. 2. Cap: 13. adductas, incerto ta-
men ordine à me desumptas sentire. vt videre lector possit variabilem

A

senten-

2 NOVÆ ET AMÆNIORIS

sententiarum inter se differentiam.

Prima est Molinæ, qui ad pluuias recurrit quæ è nubibus depluæ intra terræ viscera se penetrant, & insinuât, ibidemque coacervatæ fontes parturiunt. Sed vereor ut satis opinio hæc sit solida; experientia enim constat aquam depluam etiam ubi porosissimum, & siticulosum est solum ultra pedes 14. in terram se penetrare non posse quomodo igitur montes Saxeos quales sunt Chilenfes, Peruviani, Styriæ, & Tirolis &c. pervadent? ad quorum tamen crepidines fontes enasci quotidie videmus, quid quod iam inde à condito orbe FONS ASCENDEBAT E TERRA IRRIGANS VNIVERSAM SVPERFICIEM TERRÆ, ET TAMEN (ut loquitur Sacer textus) NON DVMPLEVERAT DOMINVS SVPER TERRAM.

Altera est Peripateticorum qui Aristotelem secuti, fontium originem interno aquarum depluio seu stillicidio attribuunt. Constat enim intra anfractuosos terræ meatus ingentem vim aquarum latere: quæ subinde perruptis, & apertis à fossoribus aut vi propria venis ingenti cum impetu foras eluctantur: quæ ubi aliquantis per in antris subsederint, calidis, & sulphureis in vaporem rarefactæ Spiritibus in sublimè sublata tholis, & fornicibus adfiguntur, posteaquæ in guttas (ut potè frigidioris aeris regione) resoluuntur, & per declives montium sinus deuolutæ fontes creant, quod sitabiliter ante citatus P. Riccio- lus taliter. loco Supra dicto: *Videmus in excavandis puteis terram uelut spongiam guttis desudantem, & in montium cauernis concameratis, supernè guttas manantes, adeo ut ego in una numerarim plusquam 300. guttas quæ unius fontis cisternulam implebant. quod, & ab alijs obseruatum est. At non sufficit ita explicuisse multas ob causas.*

Tertia sententia est Conimbricensium, & quorundā aliorum. Qui aiunt aerem subterraneum diurno aut æstiuo Sole rarefactum superueniente vi nocturni aut hyberni frigoris addensari, & hac sui coarctatione (minus enim tum occupat spatium) violentè aquas in sublimè urgere, quod à Thermoscopijs desumpto exemplo confirmât. Sed nec hi fundum tetigerunt.

Non placent qui ad siderū actiuitatē recurrunt, multo minus ij, qui Copernicum & Galilæum secuti, ad conuulsi Orbis vertiginem confugiunt; Vero similis discurrunt ij, qui à grauiore maris aqua, subterraneas leuiiores, ut pote iam à Salis, & grauiorum corpusculorum pondere immunes, & liberas premi aiunt, itaque per canaliculos, naturæ Artificis opera intra terras elaboratos in sublime attolli, & deinde ad orificia fontium deuolui.

Carda.

DE FONTIBVS PHILOSOPHIÆ PARS I.

Cardanus cum quibusdam alijs fontes generari dicit a riuulorum congerie & coaceruatione, qui ex vaporibus aqueis intra, & extra terram frigoris vi addensatis procreati sunt, quique vna cum extraneis depluijs fluuios tandem efficiant, Apparentesque quasdam pro se allegat congruentias, Puta quod sub ortum Solis humor in montibus notetur, quod incrementa fluuiorum cōmuniter tempore matutino accidant &c. Sed neque hæc opinio satisfacit, quis enim sibi persuadeat, tanta aquarum volumina, & constantem fluminum impetum, ab addensatione vaporum, & exhalationum fieri posse?

Moderni quidam Philosophi statuunt terram quidquid aquarum ex fluminum alueis in mare effudit, iterum recipere. Occultis enim tramitibus (inquiunt) aquam maris subire terras, & in transitu per multiplices anfractus terrarum verberatam, & per arenas atque argillam colatam deponere falsedinem, & amaritudinem, & sic in sinceram aquam transire; at de hac sententia melius illustrata, pluribus inferius loquemur. In eo enim rei cardo vertitur, quando, & qua vi mare in terras subeat, quis tantam aquarum copiam deserto Oceano abrupta, & sinuosa montium claustra subingredi cogat: præsertim cum mare (vt falso quidam sibi ageometræ imaginantur) non sit altius fontibus: quod infra breuiter probabo. Contrarium enim potius tenendum est, fontium loca magis eleuata esse quam maris superficiem, pleraque enim sunt in altis montium cliuis, & verticibus: Vt potius, & facilius inde ad mare defluere, quam ex mari contra naturam ascendere dicenda sint. Hic enim est aquæ genius (quod infra ostendam) vt ad loca magis depressa minusque eleuata moueatur non ad sublimiora. Quod omnibus Hydragogis notum est, & P. Valentinus Stansel in sua Dioptra Gæodetica (vbi ex accidenti de hac materia agit) clare deducit.

Propositis aliorum sententijs, interest, mentem meam quam super adducta difficultate & quæstione habeo, aperire. Quod quamuis illibenter facio, nescio an impatientia an vero pudore ductus, tum ob tantam rerum Physicalium (ignoratis veris fundamentis) incertitudinem. tum ob multifariam contradicentium (quod sequitur inde) quantitatem, tamen sumpto animo conabor pro tenuibus viribus meis aliquot de materia dicta proponere verba. Duplici, & inter se diuerso contenta discursu. quorum primum iam dudum paratum habui, Secundū vero nō à longo tempore didici. Vtrūq; lectori benè ponderandum præbeo, vt me suo tempore qui magis ex illis Veritatem redoleat cōmonere non dedigneretur, gratissimum enim mihi accideret, meliusque

NOVÆ ET AMÆNIORIS
me in promisso futuro opere, vbi sincere mentem meam aperire oportebit regere potero.

Discursus Primus.

Dico itaque fontium originem, & causam duplicem, assignari posse. Remotam, & proximam. *Remotam* dico, Maris conuulsiones, siue Æstus Oceani, quos in incrementis suis Luna facit. *Proximam* tum aeris in terræ cauernis addensationem, vt vult Aristoteles & supra citati; tum vaporū vi frigoris gelascentium, & in guttas solutorum congeriem. Luna enim quādo in incrementis suis aquas maris attollit, & in sublimi in montes coaceruat, detumescere littora facit; postea vbi illi aquarum montes deuolui, & detumescere incipiunt, cum ingente impetu reduces, vicinas aquas mouent, & ceu data plaga fugere, intraque terræ cauernas, & vmbrosas specus etiam editiores recipere se se cōgunt, quæ demū varijs anfractibus venisque eluctatæ, fontes ad montium crepidines causant: cumque æstus illi maris sint assidui, sitque aquarum reciprocatio perpetua, etiam perenne, & vbertim eos manare est necessè.

Confirmat sententiam meam experientia frequēs in Scylla, & Charybdi, ad fretum Mamertinum siue Siculum; vbi ingentia aquarum volumina vno quasi momento absorbentur, quorsum enim tāta aquarum infra prærupta abyssi marini saxa, & scopulos latentium vis, & copia? nisi dicas eas per occultos meatus, & venas, vicinas montium cauernas, & profundissimos abscessus subijisse & ibidemque eousque hærere, donec calidis Spiritibus magna sui parte rarefactæ in vaporē ad tholos, & fornices sublatae, ac tandem vi frigoris rursus congelatae & resolutæ in guttas, ad officia fontium decidant, & mare vnde aduenerant repetant. Quod confirmant aquæ dulces sæpius ab vrinatoribus in fundo maris repertæ; vt refertur in Ormus prope Insulam Bareim ab vrinatoribus aquam dulcem hauriri ad profunditatem 4. & 5. orgiarum. Sed,

Obijcies. Si aquæ marinæ in cauernas illas subterraneas defluerent, necessario salas fore, retinereque suam primigeniam amaritudinem. quod tamen cōmunitèr nō experimur, ergo eæ ex mari nō proueniunt.

Respondeo. Hoc argumentum nihil omninò vrgere: dici enim potest, & vero debet, aquas marinas salas quidem terram subire, at in tran-

DE FONTIBVS PHILOSOPHIÆ PARS I. 5

transitu per tot terrarum, & alueorum anfractus omnino defæcari, & quasi percolari, vt nihil omnino de falsedine illa retineant: quidquod vel exinde sententia mea magis solidatur; nam fontes propè mare falsi sunt, aut falsiusculi, quantoque magis à mari elongantur tanto amplius de falsedine deperdunt. Præterea falsum est absolutè quod nobis obijcitur; nam multis in locis Germaniæ, Italiæ, Hungariæ, Moraviæ falsi fontes reperiuntur, quales etiam non paucos in Boemiæ Regno ipsemet, & vidi, & bibi.

Obijcies Secundo, Dato quod illa falsedo quæ est à Salis Spiritu fixo auferri possit per longam percolationem, non sicutamen a Spiritu Salis volatili, qui difficillimè à subiecto, & materia sua auelli potest vt Chymicis probe notum, sed & huic obiectioni facile.

Respondeo, dicendo quod successiuæ illæ aquarum partes terram, lambentes, intraque terræ viscera se penetrantes, antequam ad orificia fontium confluant misceantur hinc inde dulcibus humoribus ex pluuia vel ex vaporibus (vt dixi) concretis; adeoque parua hæc, & residua falsedo quam forte retinēt omnino insensibilis euadit, Hoc solum igitur opus est, vt longiusculè per terræ alueos permeantes quasi percolentur, & sensim Siquiritus ille Salis volatilis euaporet.

Hucusque se extendit discursus primus: iam secundum audiamus, quem vt candide fatear ex libro Doctissimo, & Eruditionibus pleno (quem quia pauci legere affectant timore perculsi ne cerebella sua inuertant) *Initia Physicæ inaudita* intitulato, Ioannis Baptistæ Helmonti Viri certe ingeniosissimi excerpti, qui ita se habet.

Discursus Secundus.



Fontes nomino non aquarum quoscunque cum vulgo etiam continuos, & indefessos prolapsus, Etenim tametsi fracescens nix iterataque pluuia manantem aquæ per cæcos scopulorum ductus saxorumque interuenia vel anfractus decliues, assiduum iugemque decubitus dederint, fontes proindenomino. Casualis siquidem nimium, & accidentaria adeoque demortua aquarum ista congeries est. Itaque quo constet vitale aliquod in fontibus principium, & scaturiginem esse; Considerandum initio venit Sapientis hæctenus obscurum verissimum tamen Elogium, Quo flumina vniuersa per consequens etiam fontes a mari prodire ac manare, & in mare

E N O V Æ T O A M E N I O R I S

mare postremo suum finire cursum voluit. Anxiam hætenus profectò Philosophorum posteritatem Sirahc reliquit, qualiter nempe a mari aquæ sursum contendât. Quandoquidem maritimum terra vbique labrum constituens victoriam retinuit: quia superioritate situs compescuit. At nondum proinde satis constat, quinam mare (cum aquarum congestarum in imam terræ vallem proluuiis sit) quiret altissimos præterea conscendere scopulos, fontesque ibidem concitare. Hydraulicis certè hic silent regulæ si seruanda vt fieri debet scriptura sit.

Intactum idcirco quidam hunc locum negligunt, alij vero cum modulamine explicandum suscipiunt. Vt nimirum ex mari flumina, vaporetenus elicitæ, scilicet pluuijs, tandem niuibz & imbribus scena metamorphosis laruatæ interiecta mare repeterent. Atqui hoc est contendere fontes omnes ex pluuiâ ortos esse, aut saltem ex aere condensato. Deinde ex terra nequiquam vaporum sed ex solo mari peti inique iubent, aut frustra Sacra pagina ex solo mari flumina, & non pariter e vultu terræ non spernendo halitutenus mendicata asseret.

Aristoteles ait, ex aere in aquam resoluta nasci omnes fontes, fluminaque voluit. nō legerat credo etsi Platonis discipulus in Phædone quatuor illa Paradisi flumina iussu Dei profuisse. quid ni sodes, si & hodie ingentia flumina sola aeris constrictione nata ais etiam Phædone lecto, virgine adhuc natura, eadem a creatione deinceps emanasse: eūque qui mundū ab æterno credidit, Phædonē neglectū reliquisse? nec aeris vllam concretionem expectasse, Nisi forte ante Goropium Becanum delirauit, Quatuor illa flumina nil aliud fuisse quam Oceanū in quatuor orbis plagas fluuios emittentem; quo sensu etiam Siracides Ecclesiastes ait: omnes aquas venire ex mari, rursusque emenso cursu suo mari se reddere. Quæ sic sonant in Scholis. Goropius delirauit, & Plato ante eum, si sine vlla aeris concretione Oceanū quatuor fluuios in oras mundi dispergere dixerit, quo eodem sensu tamen Ecclesiastes id asseuerauit: ergo eodem sensu Ecclesiastes delirauit. Atqui nondum satis dictum, nondum inquam satis obuia sacrorum interpretatio.

Fundorum itaque in terra diuersitatem & strata, ob oculos ponere comprimere necesse est. Alibi enim terra nigra, fimis & sordibus scatens, lutea, argillosa, pinguis, sterilis, palustris, metallica, arenosa, saxea, varioque decore ornata in vultu occurrit, iuxta soli Cælique temperiem, Stellarum influxus, imbriumque adaptationem, quia nimirum fructus sunt, non autem Elementum.

Quam si pertuderis primam Naturæ soleam plurimis locis saxa, meta-

DE FONTIBVS PHILOSOPHIÆ PARS I. 7

metalla; rursus aut minerales succos deteges, nonnunquam vero arenam, eamque hic flauam, alibi cineream, ibi ceruleam, inde parum viridem, iuxta latēis Spiritus protheam ac multiformem azigiam (quippe solo natura subest) Archeique hypogæi destinationem à condente verbo acceptam. latent videlicet in Elementorum condo ac ditissimo promptuario hospitata ab initio rationes in æuum durabiles, Scientiarum sibi in tempore futurarum pro vñibus ingrati hominis instructa patiēterque à condito orbe rerum completas digestiones temporūque plenitudinem seu maturitatem expectantes, quibusque chaos Architectonicum, to enormon, chaos, Spiritus inquam nostris limitatus necessitatibus ideis rerum in progressu suo futurarum repletus assistit.

Porro fundorum non par vbiq̃ue profunditas existit, Alibi enim, multa arena, alibi vero terra plurima occurrit. Mox autem sub sabuli fundo alter plerumque saxeus est. Is enim nostis *Reichberg*, cui rupium propago innixa, metallorum hic denique atque mineralium ditiores classes, sua habent diuersoria; Ac tandem sub longam multamque sabuli difformitatem scopulorum rudimenta subter, sabulum illud nitidissimum occurrit, metallicæ qualitatis & inquinamenti peregrini expers; Quod nemp̃e naturæ fundus est vltimus, & impenetrabilis, non raro tamen in terræ superficie obuius. Adeo namque natura suæ indulgens libertati, nostras ridet leges ac prædicamentorum repagula, vniuoco fundo spernit. Vltimum illum Naturæ fundum ligo hæcenus non traſi ſiuit; quoniam vt vt multum arenæ multumque inde aquæ deplexeris, mox alia inde ſinente celerique cursu aduolat, prioris defectum suppletura. Hinc itaque:

Concludo. Fundum prædictum, vt ordine vltimum in Natura, ita cōtinuare in Centrum vsque, nisi fortē infernus aliquot meditullij milliaria teneat. Sequitur deinde: Sabulum illud, materiam Terræ esse nō vicissitudini obnoxium, sed perpetuum et constans cribrum, quo Natura indefinenter aquarum thesauros fontesque limpidissimos, in Vniuersi communionem tranſcolat.

In hoc inquam vigorem vitalem ebullientis aquæ esse. Quamdiu enim in eodem versantur fundo, viuida sunt aquæ, non respectibus superioritatis, aut inferioritatis locorū obnoxia, nec demū legibus Hydraulicis parentes; Quia enim viua sunt, vitalem proprietatem nō minus quam Centrum ipsum custodiunt illaſam. Attamen quam cito inde decurrunt, non alias quam sanguis extrauenatus, aut amputata manus acturum moriuntur, tum enim primum corporum grauiorum legibus, locorum situumque positionibus importunis, obedire coguntur.

Vt

8 NOVÆ ET AMENIORIS

Vt scilicet non cessent abinde per declivia in mare ruere, tamquam pristinae hospitium quietis repetentes.

Quarto Notandum. Quod prout fundus hic aeri expositus in superficie terræ non minus vernaculas proprietates exprimit, quam qui inde centenis aliquot vlnis infra terræ Horizontem latitat, ita quoque memineris idem fabulum per saxorum commissuras lataque interuenia, in summam montium altitudinem ipsumque subinde apicem ascendere, atque inde fontes vertere assiduos, caloribus æstivis nequiquam imminutos.

In homine enim quamdiu sanguis venis fluctuat, tam in fronte quàm in pedibus par respectus situum est, tamque supra quam infra ignorat, extrahenatus vero illicò grauium sortem induit. Ita quoque in Macrocosmo, quamdiu aqua priori in hospitio communi vita fruitur, sursum deorsumque sine labore properat quia nescit, at semel vitali discussa hospitio non cessat festinare, donec beatos quietis recessus in Iliado recuperet.

Aquas itaque Spiritus intus alit, vasti quoque marmoris æquor, totam diffusa per artus, mens agitat molem. At hic nondum satis enotuit mare, quod fontes rigat, flumina euomit, quorsumque eadem tandem indefessè properare Scriptura dicit. Quod etenim Scriptura mare vocat, aquarum omnium in vnum ac continuum abacum cōgregatio est. Cuius collectionis spectabile hoc & externum nauigabile mare, non nisi est fructus in vmbellam dispositus.

Quocirca omnium omnino aquarū receptaculum, congregatio, radix & collegium, bulliens istud fabulum continet, millesies vtique locupletius, maius, & proinde totidem plus aquæ continens quam Oceanus. Vt pote totam ferè diametrum terræ adimplens, ad cuius duntaxat extimum labium externum mare vnus aut alterius leucæ ad summum, profunditatem adimplet. Separauit namque Archetypus aquas ab aquis, non quidem mare a fluminibus (vel mare non omnium aquarum esset congregatio) aut hæc vtræque à nubibus, sed mare verum, & internum ab externo hoc nauigabili primis disiunxit diebus.

Hoc mare internum, inquam inuisibile (hactenus abyssus, & magnum) sunt aquæ illæ quibus Vates mundi fundamenta inniti cecinit, quæque hactenus etsi neglectæ steterint à rerum conditore in Genesi mare vocantur, abinde scilicet quoque Ecclesiastes pariter fontes & flumina petiuit, & reuersura.

Decurrunt itaque ex hoc fundo, metuque vacui mare externum, rursus penetrant, idē fabulum velut colando, & saluginem suam mox primis

DE FONTIBVS PHILOSOPHIÆ PARS I. 9

primis ferè passibus sequestrat. At quia fontes & flumina, paulatino decursu mineralium omnium semina ac materiam dispensarunt; Celeriter proinde ad mare externum properant, quo rursus ad mare internum, Orphei noctem, Plutonis tenebras apud Hippocratem, Oromasim Persarum, Iliadum Paracelsi (ubi rationes ac dona mineralium inquam, adhuc nondum corporibus sociata semina iacent) fecunda repetant hospitia, feminibus iterum aquæ imprægnandæ.

Non est itaque otiosus aquarum in Oceanum delapsus, Intelligentia quippe gubernantur, tamquàm si intellectu pollerent, sua munia bonitatis, & prouidentiae infinitæ testimonia, non cessant edere. Mirabuntur certè hanc prima fronte quotquot Cabalam aspicient, verissimam tamen, Necesse est utpote plurima ignorantes, admirari plurima. Atqui consentaneum quippiam Oceanus quotidie ante oculos bino fluxu & recessu propinat; Ascendentem scilicet aquæ umbilicum contra Hydraulisim, tumentesque pro Sizygia lunæ fluctus: Viuit namque propemodum suo quodam iure mare, silente nimirum vento spontaneos æstus concitans, lunæ analogum situm curiosè obseruans, fluctibusque turgidum eidem obuiam vadens, variegata demum temporum, luminis, ac motuum vicissitudine, continuataque aquarum mole, nunc hic, nunc alibi, per stata interualla suas in altum exundationes attollens. Itaque naturæ portenta tametsi quotidiana in Oceano quisquis vides, interioris, veri, viuidi que maris, ac longè augustioris Abyssi vitales fontalesque concitationes vñbus humanis dicatas mirari desine.

Sic ille: & meo quidem iudicio si licitum dicere esset per quam optimè; at quia promisi me nihil in opusculo hoc quod Physicam redolet determinaturum, idcirco taceo: & pro interim ingenijs sublimioribus ponderandū relinquo. Commonefacere penes volens lectorem, me ideo & sine omni verecundia Authoris verbis fuisse usum; tum quia varijs negotijs impeditus, eiusdem discursum verbis meis accommodare non potui, tum ut talitèr plurimis aut horrentibus aut spernètibuseundem legere, ex vngue leonem monstrarem, imposterumque aliquali de tam bene merito Viro conciliata beneuolentia, melius sentire facerem, cui ego absque omni adulatione me benè velle animitus confiteor

Sed tempus est, originis fontium scrutinio relicto, me ad scrutandam Aquæ Elementi Naturam eiusdemque alias proprietates conuertere, & ita promissum filum texendum exordiri: Accurus nimirum Parte hac, quam non sine causa quasi logicam alibi intitulauimus, primum quid GRAVE, GRAVITAS, ET GRAVITATIS CENTRVM; quomodo idem in corporibus reperiendum sit, quænam

10 NOVA ET AMENIORIS

Aqua Elementi figura sit, & an unum idemq; cum Vniuerso centrum habeat. Adferens postea aliquot eiusdem curiosas proprietates; tum diuertens ad famosam illam De Vacuo inter Philosophos disceptationem, an nimirum detur, an dum graua in sublime attolluntur, & inibi detinētur, id metu Vacui eueniat, quæ curiosus lector, varijs & nouis discursibus interpretata ad gustum maximum sui, spero quod reperiet, & quadam alia sequentia penes: ad Rhombum igitur.

PROPOSITIO I.

Graue, Grauitas, & Grauitatis centrum
quid sit.



Proterum humidi Genium, ad trutinam & grauitatis momenta penitus expendere possimus, iuuabit tantisper subsistere, & quid rei, quid nominis GRAUE, GRAUITAS, & GRAUITATIS CENTRUM paucissimis edicere: horum siquidē ignarus, ne pedem quidem citra errorem promouebit.

Aio proinde cum Federico Commandino, Centrum grauitatis cuiuslibet quantitatis finita, est punctum illud, vel in illa ipsa quantitate eiusque termino, vel extra positum, circa quod undique partes equaliū momentorum consistunt; Ductum namque per tale punctum planum, figuram quomodocunque secans, semper illam in æqualia momenta partietur.

Voco autem MOMENTA hic: VIM ET POTENTIAM MOVENDI DEORSUM, vnde nihil aliud erit MOMENTVM, quam grauitas carperē inexistens.

Grauitatis porro Diameter, seu LINEA DIRECTIONIS, est linea quæ per centrum rei grauis & Hypomochlij traiecta, in Umbilico Vniuersi concurrat, quæ semper Horizonti ad rectos seu perpendiculariter insistit.

HYPOMOCHLION autem fulcimentum rei grauis voco; quod si fluidum sit, rectius VEHICVLVM, idque vel aereum in aere, vel aqueum in aquis vocabimus.

FVLCIMENTO AQVEO naues in mari, AEREO volucres, SOLIDO corpora solida in terræ plano opus habent ne labescant.

Hinc deducitur, illud GRAVE vocari: quod Suapte Natura, & cōgenito appetitu deorsum ferri (vbi intellige in Vniuersi Centrum) ap-
tum

DE FONTIBVS PHILOSOPHIÆ PARS I. II
tum natum est.

Partiuntur quidem alij, iuxta triplicem quantitatis continuæ Speciem Centrum trifariam, videlicet: in CENTRVM FIGVRÆ, CENTRVM MAGNITVDINIS, & CENTRVM GRAVITATIS: sed quia horum cognitio ad punctum præsens nil facit, non est quod in eo verbosius explicando immoremur.

PROPOSITIO II.

Centrum grauitatis rei grauis inuenire.




Nuestigandi puncti medij, siue centri grauitatis, in lineis & superficiebus, modum ostenderat Guldinus in sua Centrobarica, ad quem nos breuitatis memores remittimus: pauca hic solum afferre placuit, de puncto medio corporum, quæ viri in Staticis eximij commentis sunt.

Cuiusvis Corporis regularis, grauitatis Centrum designare.



Regularia hic voco corpora, quæ Sphæræ inscribi possunt, cum eademque commune Centrum obtinuerunt; Cum igitur horum punctum medium, seu figuræ, sit etiam grauitatis Centrum, inuento magnitudinis puncto, & punctum grauitatis tulisti. Ita Steuinius.

Centrum Cylindrici corporis, Prismatici, & Parallelepipedum indagare.

Xem propositi corporis, si bifariam secueris, sectionis punctum grauitatis centrum erit. ita Federicus Comandinus, Simon Steuinius, Guldinus, & alij.

In pyramide & Cono, grauitatis centrum explorare.



In quatuor partes æquales, eorum axem diuiseris, sectio basi proxima, totius grauis medium exhibebit. Quod si pyramidalis Coniciue fragmenti centrum explorare satagas, datum pyramidis frustum in integrum restitue, sectoque tam minoris portionis, quam totius axe, grauitatis centra ma-

12 NOVA ET AMENIORIS

ioris, & minoris pyramidis coniue inuenisti: puta esse in Figura I.

Num. I. A B. A quidem totius, B vero partis: fiat vt C E, segmen-
tū pyramidis verbi gratia minus, ad frus-
tum propositum C D; ita B A, ad quartā
A F. Dico F esse centrum propositi frag-
menti seu frusti dati.






Fig. I.



N° III



*Centrum Gravitatis Hemispherij
explorare.*

Diuide axem in octo segmenta æqua-
lia, tertia a base sectio totius gra-
uis medium erit; ex quo si molem appen-
di intelligas, seruabit æqualia momenta.
Vide Figuram Num. II. Plura si voles vide
apud Comand: Steuinum &c. ex Princi-
pijs Archimedis deducta. Ego enim tan-
torum Virorum Authoritate fretus, & in
quorum solum nomine, tota Mathemati-
corum Vniuersitas acquiescit, breuitatis
gratia eorundem Demonstrationes in-
medium adferre nolui; lectori beneuolo
taliter, dum compendiose quoque mate-
riam meā tracto, satisfactum iri credens.

*Mechanica Centri eruendi, in quouis corpore
irregulari & informi methodus.*

Appende datam molem A B C, libe-
rè, & ex loco suspensionis defluat
perpendicularum D E. designabit hoc lineam in præfato corpore, quam
accuratè adnotabis: tum variato puncto iterato molem appendes, &
vt prius perpendiculari lineam signabis; vbi enim præfata perpendicula
interfecuerint se se, illinc gravitatis centrum delitescet. Quoniam
enim dictū pondus, iteratis vicibus ex alio atque alio suspensū puncto,
libertati suæ relinquitur, haud dubiè in vmbilicū, & Centrum Vniuersi
toto impetu conuertetur; proinde illic Centrum esse oportebit, vbi
amicè sibi dictæ lineæ occurrerint, vt videre est Num. III.

TABV.

T A B V L A.

Quá ostenditur, quam rationē corpora tum
solida, tum liquida, mole æqualia, inter
se habeant in grauitate.



Vrum ————— 100

Mercurius ————— $71\frac{1}{2}$ Plumbum ————— $60\frac{1}{2}$ Argentum ————— $54\frac{1}{2}$ Æs ————— $47\frac{1}{2}$

Ferrum ————— 42

Stannum commune ————— 39

Stannum purum ————— $38\frac{1}{2}$

Magnes ————— 26

Marmor ————— 21

Lapis ————— 14

Cristallus ————— $12\frac{1}{2}$ Aqua ————— $5\frac{2}{3}$ Vinum ————— $5\frac{1}{4}$

Cera ————— 5

Ole

Oleum

4. $\frac{3}{4}$

A Qua fluminum multo leuior est quam aqua marina, cuius ratio, quod marina multum salis habeat permixti, quæ illam differentiam grauitatis causat; inde fit, vt quædã in fluuijs subsidant, & mergantur, quæ in mari natabant; quod videre est frequentèr in nauibus onerarijs, quæ postquã ab alto mari ad portum fluminum appellunt, fundum petunt. Quæ autem sit inter has aquas proportio, difficile est determinati aliquid statuere, quia nec flumina, nec maria vbique eiusdem sunt grauitatis, potest tamen accipi proportio quæ 46. ad 45. Vt 46. Vnciæ aquæ fluminis, æquiponderant 45. vncijs marinis.

Quomodo autem differentia grauitatis liquorum, puta Vinorum & aquarũ, diuersæ inter se sortis ad amissim cognosci possit, Parte Tertia per instrumentum quoddam non minus curiosum & facile, quam etiam vtile innuam, quo lectorem curiosum remitto.

PROPOSITIO III.

Aqua, & Sphærica est, & Concentrica
Terræ.

Terraqueam hanc molem nostram, ad rotundam seu Sphæricam ab Architecto Deo coagmentatam figuram, nemo est quod sciam ex sanioribus æui nostri Geometris qui dubitet: Antiquorum Empedocles planæ mensæ, Cleantes Conno, Leucippus timpano similem putarunt, hos sæculum nostrum iam dudum castigauit.

Ostendunt & probant Sphæricitatem, Ptolomæus, Copernicus, Clavius, & alij, quos citatos videre poterit lector in Almagesto Riccioli lib. 2. de Sphæra Elementalī Cap. 1.

Persuadet id imprimis, ipsa Terræ & Aquæ Natura, quæ suo pte motu, & congenita inclinatione Sphæricā affectant figuram: partes enim vtriusque non alio fine in idem grauium centrum æquali feruntur conatu, nisi vt in æquali ab eo distantia constituentur.

Vnde credibile est, si terraquea hæc compages in minima Physica, guttas & atomos discerneretur, fore vt omnes ad commune grauium cen-

non prius quiescat, quam partes illius minus pressæ a magis pressis expellantur, ipsumque demum Sphæricam acquirat Figuram. Et hæc est vnica ratio, cur terra e nauibus nõ discernatur, quæ tamen ijs qui in Carchesio Maloue constitierint, spectabilem se præbet: quia nimirum obiecti visibilis radius, intercurrente conuexitate maris intercipitur quo minus videri possit, hinc paululû maris emensi, ex fundo nauis non nisi dimidiatas & extrema turrium spectant, quæ propè li-




tora, integra speculati sunt: vt adumbratum cernitur in Figura II.

Ostenditur amplius, Centrum grauitatis in
Aqua, cum Centro Grauitatis Terræ
commune esse.

pridem Archimedes de his quæ aqua vehuntur l. i. profundè differuit; sed quia huius libelli copia admodum rara, & demonstratio fortassè morosior quibusdam videri posset, ego breuissimis sic rem expedio.

Sit in Fig. 3. Num. 1. Hæmisphærium
terræ A B D. Centrum illius C. cumulus
aquæ G E F D. quoniam C F, minor est
quam C D E. distabit magis E a C. quam
F. ergo F erit in declivi, magisque premet
superficiem ipsa E quam F. & consequen-
ter Sphærica non erit, defluet itaque E.




nec

16 NOVÆ ET AMENIORIS

nec consistet, donec superficiē æqualitèr ambiuerit & presserit; partes enim homogeneæ æqualitèr premant necesse est: Commune ergo habebit centrum cum centro Terræ: quoderat ostendendum.

Sed age rem simili aliquo in corporibus solidis manifestiorem faciamus. Est in eadem Fig. Num. 2. globus terræ $ABCD$, tangens seu planum EBF , in cuius extremo esto globulus F , hic non impeditus haud dubie decurret ad B , ut quantū potest terræ cētro approximet: quod fiet ubi decurrerit ad B , est enim DB pars ipsius DF , ergo in B , est centro D proximior.

Ita prorsus se aqua habet; quæ cū fluida sit & gravitate prædita, conabitur pro virili, terræ centro se approximare, si modò liber ei pateat aditus: & id quidem tam linea perpendiculari quam obliqua, cum au-



tem ut supra dixi fluida sit, illa fluiditas eā in orbem coget, atque ita globi terreni superficiem quaquaversum æqualiter cooperiet, neque enim in montem assurgere potest in B v.g. cum semper ab alia atque alia *minus pressa* in descensum vrgeatur. ex F ergo defluet ad B & H , & inde sensim ulterius, donec illius partes, vndiquaque æqualibus intervallis ab umbilico terræ distēt, & vnam cū globo terræ Sphæram efficiant.

Dixi MINVS PRESSA: Suppono enim, cum Aristotele & Archimede libro de innatantibus humido, eam esse aquæ naturam, ut illius pars quædam magis pressa

a minus pressa expellatur, dum omnes humidi partes inter se continuantur, quæ pressio fit ad perpendicularum, ut dixi Propositione præcedenti. Hinc fit quod vas ABD (consule Fig. prop. seq.) esto ad summa labra AB aqua plenum, tubo suo coniugato aquam communicet, non possit tamen ultra lineam $AHBF$. (quod fusius prop: sequenti ostendam) hoc est ultra F aquam impellere: sed solum ad altitudinem sui perpendiculari HG . Quod si tubus EF produceretur in sublime, affundereturque aqua in illum, tum aquam vase contentam extolleret & expelleret; propter longius scilicet perpendicularum, quod conatur aquam secum continuatam, ad eandem secum altitudinem educere. Plura de hoc argumento, vide apud Claviū, Blancanum, Ricciolum &c. qui probant sufficienter terram & aquam vnum globum efficere.

Quod

DE FONTIBVS PHILOSOPHIÆ PARS I. 17

Quod autem Cardanus & quidam alij superficiem aquæ rotundam inde arguant & concentricam terræ, quod in scaphijs & vrceorum superficie in gibbum rotundetur, miratur Baptista Porta, miror & ego placet candide verba eius huc adnectere.

Cardanus quoque aquæ superficiem globosam dicit & cognosci in Vrceorum superficie, sed nescio quomodo tantam fatuitatem (paulo vehementius loquitur) effutire potuit, quasi aquæ superficiei circumferentia quæ 32000 milliariorū est, in paruo vrcei ore cognosci possit, nec considerauit in sicco vrceorum oris margine aquam suspensam in eundem modum se colligere, quemadmodum quæ in puluere & frondium lanugine sepiissime cogi videtur: supereminet enim gutta ob sicci fugam, nam si madidam lingulam aut cultellum apponas, statim bulla transit in cultrum.

Ridicula proinde illa speculatio quæ passim circumfertur, Scyphū in valle, copiosiori repletum iri aqua quam in fastigio montis, fateor quidem, extimum fore circulum maiorem eo, qui in valle describitur, at quanta quæso portio, aut quale segmentum hoc erit, quanta differentia excessus?

Animaduersio.

Num est quod notare velim amicū lectorem, quod esto aquæ continuatæ & quiescentis in superficie terrena idē omnino ostensum sit centrum, dari tamen posse, imo defacto ita fieri in superficie terræ, valles, fossas, hiatus, receptacula, abyssos &c. in quibus aquæ quiescentes coercentur, neque hanc Vniuersalem sphaericitatem & altitudinem perpendiculari impeditæ assequi possint, sitque non raro vt aliæ alijs depressiores vel sublimiores fiant, & quodammodo centrum mutare videri possint. quæ tamen euariatio, etiamsi ad differentiam vnus leuæ accedat non est pensi habenda, nam cum semidiametro terræ comparata, insensibilis euadit, est enim iuxta meliorem calculum vt vnum ad 859 ²/₃. milliare scilicet ad semidiametri terreni milliaria cuius peripheria 44000. milliaria germanica comprehendit. Sed neque pondere suo euariare centrum sensibilitèr potest, quantumcunque sit illud aquæ exorbitantis pondus, est enim pondus terræ librarum iuxta calculum P. Valentini Stansl in sua Dioptra pag. 59. prob. 20. parergo 3. 1. 063. 400. 260. 800. 000. 000. 000. 000.


PROPOSITIO V.

Vna libra aquæ centum millia librarum á lapsu
cohibere potest.



Admirabile quiddam hoc est & plane (nisi ratio & experien-
tia etiam vulgo nota suffragaretur) incredibile, vt vna li-
bra aquæ vim immerfam alius aquæ ceu lupatis quibus-
dam coercitam adstringat

& intra æquilibrij cohibeat momenta.
Esto in Fig. .iv. vas A B C D librarum
aquæ 1000. habeatque inferne sypho-
nē seu canaliculum D E F ad ferrumi-
natum ad D. Dico quod elapsa per D
aqua, vbi peruenerit ad F, illicò subsi-
stet, neque vltra suum perpendicu-
lum E F, hoc est G H eluctabitur,
ab vnius aquæ libra captiuata. Ratio
quod si enim ascenderet vltra F, hoc est lineam A H B F continua-
tam, superficies aquæ amplius Sphærica non esset, quod propositioni
antecedenti repugnat, non ergo ascendet vltra F, & consequenter
vna libra, 1000 continebit a lapsu; quod erat propositum.



P. oinde quisquis hac Methodo motus perpetui fabricandi rationem
assequi se posse sperat, ne ille aquam verberet; Hinc etiam conclu-
des nullum fontem genio suo relictum vltra suam scaturiginem exor-
bitaturum, nec refert quod ex præcipiti cliuo defluus concitator au-
ras inuadat, statim atque se ad perpendiculum reductus collegerit,
ponet iras.

Hac methodo scies quantum vini in vase reliquum, si incuruum ei
canalem in fundo adaptaueris, tam altè enim ascendet in tubo, quan-
tum intro latet, scilicet ad æqualitatem.




PROPOSITIO VI.

Vnaqueque humidi pars, ipsum humorem ad
perpendicularum premit.



Gerem hanc, aliquibus fortasse paradoxam, quod scilicet
vnaquæque pars, non vnquamque sed eam solum cui
ad perpendicularum incumbit premat, palam faciamus. Co-
gita frustum pyramidis aut defecti coni, cauum intus &
humore ad summa labra refertum. A B C D E F. in Figura v.



Dico quod humor A E, in tri-
gono A E C, solum incumbat
aquæ A C quæ ei perpendicula-
riter subiacet, eaque vnice deor-
sum vrgeat, non autem C D E F
quæ ei a latere contiguatur, sed
nec se insinuat in loculamenta
extra E C, vt aquam intra C D E
F. contentam, ad F D B secernat,
alioquin enim cogeretur aqua F
D B, violento hospiti locum cede-

re, & extra vas desilire; quod tamen experientiæ refragatur.

Quod si nihilominus dicas aquam A E, quæ iam ante substantes
sibi partes ex Natura rei grauis ad centrum Vniuersi vrget, premere
F E C D, debetis admittere, quod in homogeneis partes
quædam sint alijs valentiores, quædam infir-
miores, quod est falsum, nam par-
tes æquales pares etiam
vires nancif-

cun ur.

Solum ergo ad perpendicularum humidum
ab humido vrgetur, quod erat
demonstrandum.

PROPOSITIO. VII.

Si fuerint duo corpora æqualia infundo aquæ, vasorum altitudine æqualium, capacitate vero inæqualium, æquali potentia a fundo in sublime per Spartum in Statera subrigetur; quod si vero vnum vas altero fuerit altius, pro ratione excessus, potentia attollens maior requiretur.



Hæc Propositio quamvis huius loci non sit, sed ad Hydrostaticam pertineat, quia tamen non minus curiosa, quam ingeniosa est, & maxima ex parte a Propositione antecedenti dependens, ratus sum eam huc interfere.

Esto in Figura vi. N. 1. vas AB, capax librarum aquæ mille, vas CD librarum decem, sintque altitudinis eiusdem, habeant in fundo foramina EF sic, ut aqua foras fluere possit, sumantur deinde cubi aut orbiculi lignei in sparto appensi GH, & in fundo vasorum super foramina EF collocentur, superfundatur aqua, usque dū vasa impleantur (detentis interim digito aut alia quapiam re, ne ab aquæ labentis impetu dimoueantur orbiculis) & ecce orbiculi lignei, leuiore alias aqua, & de natura sua mergi nescientes, fundis vasorum firmiter adhærebunt, neque aquam exire permittent; Propositi ergo experimentū si videre animus est, spartū GH, stateræ affigatur, adhibitoque debito pōdere, orbiculus vnus vasis attollatur, numerus potentiæ attollentis adnotetur, idem fiat cū alterius vasis orbiculo, & Dico quod tam ex vase continente mille, quam ex continente decem libras, orbiculi æquali prorsus potentia eleuabuntur. Cuius fundamentū maximum ex antecedenti propositione desumitur.

Nam non refert, quod mille aut decem libræ sint in vno alteroue vase, sufficit vt sint eiusdem altitudinis, cum enim habeant æquale pondus aquæ, sibi perpendiculariter incumbens, (hoc enim solum premit) æquali etiam potentia opus erit vt attollantur orbiculi, quod
autem




DE FONTIBVS PHILOSOPHIÆ PARS I. 21

autem sit plus aquæ in vno quam in altero, non facit ad rem, aqua

enim lateralis nō premit orbiculū, sed quæ ei perpendiculariter insi-
stet, sed quæ perpendiculariter insi-
stunt aquæ, sunt æquales, ergo ha-
beunt pondera æqualia, ergo
æqualem requirent potentiam ad
eleuandum se a fundo. Quod autem
dixi aquam illam solam, illam par-
tem fundi premere, quæ ei incumbit, deducitur ex hypothesi Archi-
medea, quæ ferè sic se habet. HVMIDI
EA EST NATVRA, VTPARTIBVS
ILLIVS ÆQUALITER IACENTIBVS ET CONTINVATIS
INTER SE, MINVS PRESSA A
MAGIS PRESSA EXPELLATVR,
VNAQVÆQVE AVTEM PAR-
SEIVS PREMITVR HVMIDO
SVPR AIPSAM EXISTENTE AD
PERPENDICVLVM SI HVMIDVM
SIT DESCENDENS EX
ALIQVO AVT AB ALIO ALI-
QVO PRESSVM.

In exemplo declaro. Sit vas OP,
in Figura sub N. 2. lib: aquæ 1000.
QR 20. v. g. sint eiusdem altitudi-
nis, & habeant æqualia foramina ad
TX, cum ex hypothesi aqua ST,
perpendiculariter premit suum fun-
dum T, similiter aqua VX, suum

fundum X, sit autem fundum T seu ostium æquale fundo X, ex suppo-
sito sint etiam eiusdem altitudinis aquæ ST, VX, æquales necesse est
esse aqueos cylindros, (voco per abstractionem tamquam si de mate-
ria solida loquerer) cylindri enim eiusdem altitudinis habent se vt ba-
ses, sed bases sunt æquales, ergo & cylindri æquales erunt, tantum
ergo continebit aquæ cylinder ST, quantum cylinder VX, ergo
æqualiter prement, ergo æqualis grauitatis. Addamus nunc æqualia
æqualibus, nempè orbiculos præfatos, remanebunt nihilominus æqua-
les,



les, ergo æqualiter graues, ergo æqualem potentiam ad sui eleuationem requirent, poteritque vno pondere tam ille orbiculus, qui est in vase maiore, quam qui in minore eleuari. Et hæc dicta sufficiunt circa primam propositi partem, iam ad secundam me conuerto.

Quod si autem vas aquæ altius fuerit, etiamsi minus aquæ continēs, maius haud dubiè pondus ad eleuandum orbiculum requiret, & ratio est clara, tunc enim altior est aquæ cylinder, consequenter maius pondus in vno attollendum erit quam in altero; in Exemplo v. g. vas aquæ A B, in Figura sub Num. 3. librarum 50, vas C D librarum 100. sit autem A B, altius quam C D, erit consequenter cylinder aqueus E F, altior quam cylinder G H ergo erit ponderosior, ergo magis premet fundum F quam cylinder G H, suum fundum congruentem H, ergo vt attollatur asterculus seu orbiculus F, maius pondus requiret, quam orbiculus H, maius enim pondus etiam maiorem potentiam ad eleuandum se exposcit.

Certum itaque & euidentis esto Theorema: *Si fuerint duo corpora in fundo aquæ equalia, fuerint autem aquæ perpendiculariter incubentes æquales, æqualem potentiam requirent, vt a fundo in sublimè per Spartum in Statera subrigantur, quod si aqueus cylinder, seu vas altius fuerit altero, pro ratione excessus quo cylinder vnus alterum altitudine superat, erit potētia attollens augenda, crescente enim pondere, etiam potentia motrices amplianda sunt.*


PROPOSITIO VIII.

Potentia quæ ad Centrum grauium liquidum impellit, non inducit vacuum.

Non est propositi mei materiam hanc, quæ tot iam sæculis & potissimum æuo nostro insignes exercuit viros, prolixè discutere & verbosius de ea disputare; Vnam duntaxat elucidabo experientiam, quam vnus aliquis nuper (vt vacuum Philosophis iuxta ac Mathematicis persuaderet) subtiliter est commentus. vereor enim ne sub discursum hæreat perplexus lector, ignarus qui fiat quod Aqua, Mercurius, & reliqua liquida, contra suum Genium in sublimi sine fulcimento, ceu attonita subsistant, interdum vero nescio qua latente vi sursum conniti, & violenter eluctari cogantur, & dum hæc fiunt, quid in eorum locum substituatur natura? vacuum ne

Experientia pro Vacuo allata discutitur & refellitur.

ESto in Figura VII. vitreus tubulus ABC inquit aduersarius, ab A extremitate imperuius, repleaturque ad summū argento viuo siue Mercurio, deinde supposito ori C, digito tantisper obturetur, dum euerfus ad subiectum vas, argento viuo & aqua referto, aliqua sui parte immergatur, amoto deinde digito sibi vniuersa moles relinquitur. Et videbis ergastuli impatientem Mercurium tumultuarie subsidere, attolli, donec vibrationibus continuatis lassus, ceu languescens conquiescat, sic tamen vt magnam tubi partem inanem & vacuum desuper relinquat. Hanc ipsam experientiam ipsemet aliquoties feci, vt de ea ambigere non liceat, numquid igitur vacuum reperimus in Natura, absit, quid igitur in supplementum mercurij subijt? non corpus peregrinum, non proximus aer? ita illi:



Ego quid primò circa hoc fenserim, quidque postea didicerim, breuiter lectori aperiam. Primò itaque ita mecum discurrebam: Constat experientia propè quotidiana tenuiora quædam corpuscula & subriles admodum Spiritus, in aqua & in mixtis crassioribus delitescere, qui vt leuissimi sunt, sic tamen adglutinantur corporibus, vt neque vi propria neque vllò adaucta pondere ex toto abigi ab ijs possint. Hæc vbi iuxta proportionem grauitantis corporis in auras se dispartierint & diminuerint, ceu bellissimè officio suo perfuncta, cum demum conquiescunt.

Sic terra, sic aqua, sic denique perspicuus aer, suas cauernas habent, quibus inquilini isti hyeme perinde ac æstate hospitant impunè.

Hoc discursu præmisso sic ad factam Experientiam Anonymi respondebam.

Certum est ad explendum spatium a descendente Mercurio relictum, peregrinum aerem non posse succedere, sicubi enim ingrediendi foret copia, vtique per vitri poros, at hoc non; nam ea concessa semel, non est ratio cur iterum, tertio, & consequenter, alius, atque alius non succedat aer, dum violente suspensus Mercurius ex toto defertis

24 DE FONTIBVS PHILOSOPHIÆ PARS. I.
fertis vitri angustijs, in subiectum vas descendat atqui talis descensus
non fit, non ergo aer peregrinus per vitri poros ingredi potest.

Digressio de Vitrorum Porositatibus.

HAc occasione multa mihi dicenda forent contra illos
qui porositates vitrorum tuentur, nescio quibus transuda-
tionum experientijs persuasi, at cum hic intenti mei pro
nunc non sit, multis de hoc disceptare, solum vno aut al-
tero experimento illos erudiri volo: Si enim secundum illos vitrum
porosum & transpirabile esset, hoc maximè appareret in recipientibus
illis qui aquas fortes conseruant, hi enim si non satis aut crassi aut gran-
des sint pro cohibendis & coercendis intra se Spiritibus, ab ijsdem
angustiarum impatientibus aut in mille partes rumpuntur, aut si tu
vitri rupturæ cauere vis, oportet te omni die Spiritus relaxare, &
ijsdem aliqualem libertatem concedere, quod sufficiet, si paruula acu
foramen faciendo respirium facias, vnde data pota Spiritus cum ma-
ximo impetu & rumore exilire videbis. (non intelligo autem Aquas
fortes, quales passim in Pharmaceopolijs venduntur quæ hunc effe-
ctum raro faciunt. Sed solum illas quales viris Philosophis cognitæ
sunt.)

Si igitur vitrum transpirabile esset, quæro cur non vehementes &
subtilissimi illi Spiritus per subtilissimos quoque vitri poros exitum
quæsierunt, sed potius aut vitrum ruperunt, aut se relaxari passi sunt?
Quo Experimento edocti Aduersarij, non amplius timeant, vt ef-
fentia rerum per vitri poros effugiant, solum potius attendant orificio
claudendo, vbi maius periculum Spirituum aufugendorum versatur.

Sed videamus quæso breuiter fundamentum illorum quo transu-
dationem Vitrorum defendere conantur.

Dicunt illi: Pocula vitrea infuso illis liquore frigido sudant, Ergo
sunt porosa; at dico ego. Sudorem illum non prouenire a transuda-
tione liquoris; Data enim semel illa, cur non transudaret semper non
video, inuenta enim semel via, & durante humore in poculo, crede-
rem madorem quoque duraturum, prout videmus in filtris, hoc autem
non fit, sed paulo post poculi vitrei madida superficies exsiccat. Ergo
vitra porosa esse non possunt & transpirabilia.

Confirmo hoc Thermoscopiis Aqua ardente aliquando repletis.
& hermeticè clausis, quæ semper æstate & hyeme eiusdem ponderis
deprehendo, imo recordor me simile Bononiæ a 20. Annis clausum in

Musæo

DE FONTIBVS PHILOSOPHIÆ PARS I. 25

Musæo Viri cuiusdam Docti si ni vidisse, quod semper eiusdem ponderis ille obseruat, sicuti & Romæ simile ab annis 70. a Patre Claudio fabricatum in musæo Kircheriano esse intellexi; At si Vitra porosa essent, quid ni Spiritus ille subtilis iam dudum exhalasset?

Vnde autem eueniat quod pocula Vitrea sudent, de hoc multis mihi dicendum foret, Innuo solum, id sine conditione non fieri; nam si hyberno tempore, ad auram frigidam, infundatur liquor frigidus poculo vitreo, nunquam sudat, idem si fiat tempore æstiuo cum liquore calido. at si tempore æstiuo aqua aut vinum glaciatum vitro infundantur, illico illud madore respersum conspiciamus. quod aliunde fieri non existimo, quam a rarefacto inuisibili vapore aqueo, in atomis minimis aëra circumuolitante, vitrumque præsentia liquoris frigidi, in poculi superficie vi quadam imperiosa tum condensato, & in minutissimas guttulas conuerso. & hæc est pro nunc opinio mea, quæ fulissima indigeret explicatione, at suo tempore alibi elucidabitur. Sed ad Rhombum.

Regressio ad Materiam.



Ertum est secundò. neque aerem neque aquam per os fistula subintrare posse, utpote quæ in mercurium immersa omnem omnino aëri ingressum & accessum prohibet, quo pacto enim aqua, Mercurio, ceu vallis quibusdam circumseptus aditus aëri patebit? finge tam subtilem, ut omnia ista peruadere possit. finge illum ingressum in deserta spatia, nonne debebis mihi concedere ut supra, si ei semel viam concedamus, Mercurium totum ad fundum subiecti vasis casurum, quod non fit, non ergo ingreditur aer peregrinus. At quid ergo in prouinciam deserti Mercurij subeat si vacuum admittere absurdum, ita misterium soluebam.

Dicendo: Partes ab argento desertas, tenui quadam substantia & Spiritu ab ipso corpore fluido emanante repleti: hæc namque tenuissima corpuscula descendenti vi ponderis elicitæ, & iteratis vibrationibus rarefacta, eo usque se se extendunt & attenuant, donec ad summam raritatem deuenierint, tum demum vltioris distensionis impatientia, molem ut cunque grauem argenti, in medio suspensam tenent.

Duo itaque in considerationem veniunt in his experimentis. Primò subtiles illi & rarefactibiles Spiritus. Secundo pondus & moles cui adfiguntur. Quo itaque fuerit moles argenti copiosior, eò amplius spatium Spiritibus inhabitandum relinquitur, pro ratione enim grauitatis, crescit mensura attenuationis; Hinc est quod aqua, & eius modi,

D

minus

minus graua liquida parum aut nihil de spatio aereo relinquunt. Non
gitui potentia, quæ humidum aut liquidum deorsum rapit, vacuum
inducit: quod erat demonstrandum.

Hic ergo erat discursus meus ad eliminandum vacuum non con-
temnendus, qui non paucis Philosophis plenariè satisfecisset, at quia
ego casuali fortuna, certo quodam experimento, circa hanc materiam
eruditior factus fueram, opinioni a me allatæ non tantum siltere, sed
eamdem melius illustrare, amore Veritatis & boni publici ergo, sequen-
tibus verbis volui.

Dixeram igitur in communi, de latentibus intra mixta Spiritibus &
effluuijs, concluderamque partes ab argento desertas tenui quadam
substantia & Spiritu ab ipso corpore fluido emanante repleti &c. hoc
autem nullo oculari exemplo comprobavi. At quid dices Philosophæ,
si tibi ostendero in Mercurio ipso, non iam subtiles Spiritus & effluvia,
sed veram & realem aquam Elementarem inesse, credes ne? si credes
& te iam a metu vacui quæ tot ingenia expauescere fecit liberaſti, si
non credis & es obstinatus, ecce amore veritatis, cuius indagandæ me
Alumnum profiteor, tibi lubens modum proprijs oculis intuendum
aperio.

Experimentum.

Monstrans Aquam Elementarem Mercurio inesse.



Accipe Argenti viui quantum vis v. g. 6. aut 10. libras, col-
locatum in Vrinale vitreum benè lutatum, accomoda fur-
nello huic operationi adaptato, & superposito Alembico,
clausoque benè secundum Artem orificio, da ignem len-
tum, & videbis paulo post e Mercurio certum vaporem attolli Alem-
bici hemisphærium replentem, tandem frigore circumambientis aeris
resolutum in guttas, per Alembici rostrum in recipiens decidere, qua-
rum quantitate habita, cognosces aquam limpidam & claram esse,
restat affirmare Elementarem, sed paulo post. Quantitatem illius
aquæ ex sex libris Mercurij ad 3. aut 4. vncias colliges. Quid amplius;
si iam destillatum ita Mercurium, loco aeri per uio collocaueris, opera-
tionemque destillationis reitaueris, & denuo de aqua illa limpida
quantitatem consequeris.

Inferesne tu iam, aquam illam esse fors Spiritum Mercurij diu à
Chymicis desideratum, vt non nemo arbitratur. Sed falleris, nam
sine fine operationem repetendo, quid dico sine fine, saltem sexies aut
oëties

DE FONTIBVS PHILOSOPHIÆ PARS I. 27

octies processu temporis plus aquæ consequeris, superantis datas sex aut decem libras Mercurij. Vide an hic Spiritus Mercurij esse possit? si non; Ergo liberè dicere possum Aquā illam nil aliud esse quam atomos aqueas in aere circumuolitantes, tēpore humido ab Argento viuo eidē exposito attractas, & frigiditate naturæ Argenti viui intro conseruatas posteaque ope destillationis in aquā formālē cōuersas. Placet ne opinio? si nō arridet, Experire Philosophhe, meū enim hic iam non est tibi dicere, cur & quomodo hoc fiat, tuū est indagare, similes enim discursus opportunitiori tempori & postquam plura circa Naturam illius indomiti serui mihi innotescant reseruauī. hic enim solum quod oportuit attulisse sufficiat.

Quid igitur iam ex hac Experientia narrata mihi inferendum videatur, antequam determinem, adducendū prius duxi Doct.issimum discursum de hac materia differentem amici mei charissimi, quinquennio olim contubernalis, viri in Philosophicis & Mathematicis Expertissimi, Veritatisque non illius Sophisticæ indagatoris solertissimi GODEFRIDI KINNERI cuius iam nomen opusculo dilucidati problematis Austriaci a Gregorio de Sancto Vincentio propositi per Orbem famosè viget, sequentibusque pagellis magis viri eruditio manifestabitur, Discursum inquam occasione cuiusdam alterius rei mihi A D 1655. Mense Augusti Praga inter alia docta & curiosa Epistolij sui effata transmissum in hunc modum sonantem.

*De Mercurij destillatione in sicco recipiente conscien- la benè est quod me-
monueris, probabiliter enim aquam pro eiusl m congelatione fuissem adhi-
biturus, quod negotio Vniuerso officere potuisset. Et obseruatione sanè dignum
est quod scribis de humore principio destillationis egrediente. Certum enim
videtur materiam illam Mercurio catero, multo leuiorem esse, cum statim in
initio destillationis eleuetur, transformeturque in humorem. Occurrit mihi
circa id ipsum res memorabilis & quæ auxilium magnum adferat controuer-
sia Philosophicæ ab annis compluribus inter grauissimos totius Orbis Authores
non sine maximo celeberrimorum ingeniorum conflictu agitata. Meministi si-
ne dubio ante annos 9. vel. 10. circiter R. P. Valerianum Magnum Capuc-
cinum in Polonia celebre dissidium de Vacuo excitasse, quod totum deinde per
Orbem diuulgatum exciuit nobilium ingeniorum ad se iudicia, quorum quam-
plurima desudauerunt in eo ut vacuum e rerum natura quod P. Valerianus in-
ductum volebat eliminarent, Scis experimentum consistisse in fistula vitrea
Mercurio repleta cuius orificio infernè Mercurio in alio vase sito immerso Mer-
curius aliquousque a superiore fistula parte descendit, spatio illo tamquam va-
cuo remanente. Hinc illi motus acerbissimi que conflictus tot ingeniorum. Vale-*

rianus in clamat lo triumphē? contra naturam, qui tantum alioqui reluctan-
tem contra Genium suum vacuum pati docuisset, Alius ut amoliretur
hanc a Natura calumniā, volebat gravitate Mercurij descendētis attrahi ex-
ternum aerem per vitri poros, tunc faciliorem sui penetrationem in gratiam
laborantis naturæ patientis. Videbatur hac alijs nimium coacta repletio, ideo-
que confugerunt ad aerem, Mercurium inter & vitri superficiem interpositum
tunc mercuriali pondere eleuatum, magisque solito dilatatum; libuit nonnul-
lis subtilius agere & Spiritum quendā recens a Mercurio ad auxiliandum na-
turæ, productum confingere. D. D. MARCI & suas in hac arena partes egit,
docuitque in libro suo de arcu caleſti, ponderoso Mercurij descensu elici eiusdem
quintam essentiam, & ad ascendendum in vitri summitatem cogi, Alij com-
menti sunt alia, pro suo quisque ingenio atque gustu. Ego existimarem non ine-
ptè, dici posse, locū illū in vitri summitate quasi inanē, aqua illa mercuriali reple-
ri, dum Mercurij graue corpus innato pondere deorsum descendens, cogit illud
ipsum corpus ut pote leuius (esto alioqui Mercurio quasi indissolubiliter vndi-
quaque circumfusum) naturæ tunc laboranti suppetias ferri.

Hucusque ille; & satis meo quidem iudicio benè, in hoc tamen ad-
huc non sibi fidens, aquam illam quam ille vocat Mercurialē nomine
Elementaris compellare, cum nec & ego tum temporis de hoc certus
fuerim, & postea de hoc quoque male supponens, locum illum quasi
inanem aqua illa repleti, non enim repletur ex toto, sed inanis tamen
locus relinquitur, quamuis dubito an ille ita voluerit se explicatum,
non interest tamen sufficit nos penetrasse quid Aqua illa sit; indagata
enim eiusdem Natura, quæso quis amplius vacuum defendere poterit?
Non enim opus erit ad latentia intra corpora effluvia confugere, cum
præ oculis habeamus atomos aqueas a & attractas in eo inuisibiliter
conseruatas, ope destillationis in auras elicatas, tandemque vi circum-
ambientis alembicum frigoris in aquam cōuersas, atq; in Experimen-
to proposito ponderitate Mercurij sursum extrusas, inanemque locum
replentes. Habeo enim pro certo atomos illas ante destillationem
intra corpus Mercurij absconditas, plus ut ita dicam aereo modo se ha-
bere, quam ut nomen aquæ mereantur.

Ex quo etiam facile cognosci potest, cur in euerſione vitri tot vi-
brationes sunt, atomi enim illæ leuiiores corpore Mercurij, &
ipsi vndiquaque permixtæ, superna petere coguntur, a Mercurio velu-
ti naturæ alienæ expulsæ, neque prius pacem affectant, nisi cum vter-
que illorum loco ipsis a Natura destinato constitit proque maiori
copia atomorum illarum, eo magis Mercurius a summitate vitri elon-
gatur, pro minori, minus quoque descendere cogitur.

Et

DE FONTIBVS PHILOSOPHIÆ PARS I. 129

Et hoc fuit, quod Experimento edoctus pro elucidatione materiæ nostræ pro interim adferre placuit, plura suo tempore, inuestigaturus, ubi tamen prius quomodo hæc placeant persenserō. Spero enim Deo adiuuante, me vltius progrediendo eruditiorē euaturum.

Restat adhuc ad complementum vacui, subtilem Ioan. Bap. Baliani Epistolam, ad P. Mersennum datam, huc Corollarij loco attexere; in qua Vir profundissimus ad aeris grauitatem, vacui exclusiuam appellat, quæ si inquit ille absit, haud dubie dari vacuum non repugnat: Sic autem Epistola habet;

Admodum. Reu. Patri. M. Mersenno M. S.

Pulasti a me tuis litteris datis 12. Iulij & alijs, ut tibi quid de vacuo sentiam aperirem: hucusque distuli, quia prius vacuum dari ipsemet experiri volui; quod quidem proximis diebus vti feliciter contigit, ita a me probatum & tibi optime compertum lubens prætereo: ad causam accedo. Ego, iam ab hinc pluribus annis, expertus aeris pondus, arbitratus sum, non repugnare dari vacuum, at difficillime dari, nimirum ob aeris grauantis resistentiam; quam non mirum a nobis non sentiri; ab ea nempe vnde quaque pressis, eadem prorsus ratione, qua in aqua submersi, aquæ pondus non percipimus; & que nammodum illud perciperemus, & ab eo grauaremur, si tum infra nos adesset aer, ita pariter in aere degentes ab eius premeremur pondere, si vacuum infra nos sortiremur. Cum autem, nullo innixus experimento nondum compereram vacuum defacto dari, cum communi aliorum sententia defacto non dari censebam, at hoc non ex Natura repugnantia, sed quia fortè tanta foret altitudo ponderosi aeris, ut ni maxima vi ei contraniteretur, vacuum dari nequiret: quæ omnia sapius amicis communicauī. Gaudius sum, cum primum ex tuis percepi, repertum esse, quæ vis aeris prementi adeo obstat, ut spatium sensibile omnino vacuum remanere coarctet, nimirum Mercurij in tubo latentiis altitudo pedum 27 circiter regionū, tribus palmis nostratibus ferè respondentium, cuius vires æquari censui aeris grauitati desuper prementis; ex quo altitudinem aeris ponderosi metiri liceret, si ubique equalis esset ponderis; nam si mercurius ad aquam est ut 13 7/8 ad vnum, & aqua ad aerem ut 1356. ad vnum, ut tua Prop. 29. Phan. Hydr. erit Mercurius ad aerem ut 18402 7/8 ad vnum, cuius triplum 55207 7/8 scilicet miliaria 9 3/4 proximè, erit altitudo aeris, quæ adhuc esset maior, si ut probabilius videtur, sit aer minoris ponderis, quanto est altior: ut ut sit, ex his videtur inferri, quod dato vase cuiuslibet liquoris pleno, cui tubus desuper clausus, eodem liquore plenus insistat, tum liquorem in tubo quiescere, cum

pars

30 NOVÆ ET AMENIORIS.

pars liquoris, infra tubum pariter gravatur a tubi liquore, ac reliqua ab aere premente, per ea quæ Archim: de insidentibus aqua: si verò altior sit liquor, & proinde liquor vasis infra tubum magis pressus, tubi liquorem descensurum, usque quo prædictæ vasis partes in vase contenta pariter premantur; quod continget, si liquor sit Mercurius, dum sit altus in tubo palmis tribus & aeris uniformis altitudo milliarium 9 $\frac{1}{2}$; & si sit aqua palmis 40 $\frac{5}{7}$; & ita de reliquis: quæ tamen censura tuæ libenter submitto. Tuas reflexiones quas nondum vidi auidè expecto, & tibi interim plenam exopto felicitatem. Saonæ die 25. Nouembris 1647.

P. Tux adm. Reu.

Obsequentissimus

Io. Baptista Balianus.

Adducerem quoque huc Authoris cuiusdā Probationes, vacuum quod impossibile Aristoteli & ascleclis eius habetur, euasisse iā requisitum Naturæ, at quia initio Propositionis subito me declaravi, non velle in Quæstionē illā nimium me intromittere, nisi quod experientiam a P. Valeriano adductam concernebat. idcirco verba captiuo. & in aliud tempus differo. Ordine postulante, ut rationem suspensi Mercurij, sicuti & aliorum multorum experimentorum inquiramus.

PROPOSITIO IX.

Vnde nam fiat, quod non modo aquæ, sed & corpora solida, in sublime attollantur, & suspensa teneantur.



Ntequam Nodum hunc gordium extricare aggrediar, placuit primo curioso lectori Experientijs aliquot non minus proprijs quam peregrinis Propositionis huius titulum magis illustrare, ut capacior imposterum reddatur subsequen-
tis tantorum effectuum disquisitionis.

Experimentum.


CAnaliculum vitreum argento viuo ad summa labra exple, & in subiectum vas aquæ amoto sensim ab ore tubi digito, aliquantis
per

per immerge, res mira, videbis totum Mercurium, ad ima vasis præcipitem ceu fractis repagulis indomitam feram ire, quod antequam assequatur, multis vibrationibus ceu furijs agitatus insolescet, donec nihil tale meruentem lympham totam in desertam stationem sursum impellat, ipseque solus dominetur fundo. Quis sua contentam sparta in sublime attollit?

Experimentum.



Etant in Fig. viii. duo Sphærica v. g. vasa A B liquido recipiēdo idonea, iunganturque supernè ad ferruminato tubulo A B fundo vtriusque ad ferruinentur canales C I F G, quorum alter F G vasi immittatur in G, alter perpendiculariter ultra vas protendatur habens clauiculam ad C, Inseratur eidem vasi A infundibulum, cui clauicula ad E stabiliter adglutinetur. Vas porro vinariū optimo turgat falerno. Cum igitur ex vase H G per osculum D haurire vinum voles, clauiculam Caperi, vt humor aqueus in A contentus liberè per canalē C I defluat, hoc enim exināniente vas A, aer in B emigrabit ad A, & consequenter huius locū occupaturus ascendet vini liquor ex vase H G per G F, dum totum spatium B occupet, quo peractū referata clauicula D, & clausa K poteris pro genio & gustu exinde haurire. At quis tam insigni actu ex dolijs intra cellas vinarias abditis vinum exorbet. tanto Patris



familias commodo?

Experimentum.

Vitreum tubulum in subiectum vas aquæ, propè fundum immerge, clausoque demum superne ostiolo sensim ab aquis subleua & attolle, & videbis in medio ceu ligatā teneri lympham semper descen.

descensum minitatem, nunquam tamen deciduam donec captivæ misertus, aerem substituas lapsuræ.

Sic & amplum vas, rotundæ verbi gratia figuræ, nullo ullibi foramine scatens, aquæ lateraliter (quo aer egressus pateat) immissum, postmodum perpendiculariter ab eadem leuatum, multam secū aquæ sequi faciet molem, neque elabi permittet, quousque & ipsum vas aquæ contiguum & ad angulos rectos perstiterit.

Experimentum.



Molem sphæricam utcumque grauem sic in altum attolles: Ad vnius imperialis magnitudinem, aut etiam aliquanto maiorem ex molli corio partem circumcide, traiecto per centrum funiculo, ut attolli possit, madefactum deinde corium æquabiliter Sphæræ accomoda, lentèque attollere incipe, & videbis nullis affixam ligatamue chordis Sphæram in sublimè leuari nequidquam reluctantem.

At mirabilia audi: Duas æqualissimas leuigatissimasque planas tabulas, puta de ligno vitro &c. pōdere si vis dispare, sibi inuicem iunge, grauiore inferiorem, leuioreque superiorem locum occupante, fiet enim, quod leuior ex centro normaliter funiculo subleuata, secum inferiorem trahet, neque vllō respectu ad grauedinem suæ sociæ habito decidere aut vlla vi auferre permittet, nisi ad latera vna illarum dimota fuerit.

Aut inferiorem tabulam firmiter horizonti & ad angulos rectos affige, eidemq; superiorem appone, iterumque ex centro planitie i fune autem crassissimo, ad perpendiculum accomodato tabulam attolli non ab vno sed a multis iube, at frustra operam perdere facies, nam nulla vi possibili tabulata hæc ab inuicem separabunt, citiusque funes tabulataque rumpent, quam coniugium earundem diuellent. At quisnam has tabulas ita forti glutine adhærere fecit?

Experimentum.



BEnè plano mortarij limbo (8. 10. &c. plus minusue librarum) vitrum supernè accomoda sic, ut labra labris perfecte congruant, ne aer subingredi possit, quod prius quam facias, circumferentiam fundi intro fermento illines, & iniecta in mediū aliquot chartæ frusta succendes, cooperto demū vase extincta.

que

DE FONTIBVS PHILOSOPHIÆ PARS I. 33

que flamma aliquantisper subsistes, dum rarefactus aer se contrahat & tum lentè & æquanimiter sublato vitro tota æris moles vna subsequetur.

Plura eiusmodi experimenta passim reperies & nos in decursu per transfennam insinuabimus. His ergo recensitis.

Nunc videamus quamnam tantorum moliminū assignent Philosophi causam, qui vt se nodo hoc quam facillimè expediant, omnes vnanimiter experientias a me recensitas, metu vacui euenire inclamant.

Tantum enim esse in rerum Natura vacui odium, tamque exosum nomen, vt præ illo grauissima pondera in sublime suspensa tenere malit, quæ nulla omnino vis dimoueat gradu, quam vacuo locum permittat. Et hæc est responsio omnium, hac contenti quietissimos Philosophando traducunt dies.

Ego Tyro pariter ita a iuuentute philosophari edoctus eundem semper cuculionis cecini cantum, cecinisseque vtrò nisi me quasi ex abrupto vocatum Doctissima olim Pragæ conuersatio, supra a me laudabiliter memorati Godefridi Kinneri obmutescere fecisset in mentemque eiusdem in materia hac mecum factos eiuditissimos discursus suppeditasset, Vndè illico reposta ad partem sine vlla conclusione materia hac, eidem scripsi rogando, vt suos in materia dicta conscriberet sensus, mihiq; transmitteret, promittens; publico vsui & fructui daturum honoris ipsius ergo prolata verba; quæ olim in vanum Auræ sparsa, adhuc volitassent, & inter priuatos fors parietes computruissent. Paruit vir mihi charissimus, & subito volitantes hinc inde conceptuum illorum atomos in vnum collegit,

& Discursum pro sinceritate maxima erga me immeritum portante, copiosissimum Sapientiaque refertissimum trans-

misit, quem ego hic quia opportunus, & ex promisso, de verbo ad verbum mundo spectandum

præbere volui. Indignum enim cen-

sissem (vt ille me admonuit)

talis viri non dicam sensum

& verba, imo nec mini-

mam litterulam,

vti non om-

mittere ita quoque non immutare. Audiant igitur Philosophi

ex Pragensi Triurbe quasi Tripode desumpta oracula

in hunc modum effata.

E

Dis.

Discursus Godefridi Aloysij Kinneri Natu-
ram a metu vacui vindicans, recens-
taque supra molimina aliter
demonstrans.

Non immeritò vereor, nè non pro amicitia nostra feceris, dū
me ad inu diosissimum vocas certamen; quale non iniuria
vocare possum illud, quod inter literatos concitare solet o-
pinionum Sententiarumque dissensio: Vix enim a Romanis
olim pro aris ac focis tam acriter decertatum est, atque hodie non-
nunquam a Philosophis pro opinionis suæ quam sibi quisque siue præ-
iudicio siue apparente aliqua veritatis imagine allectus impressit alti-
us, prerogatiua pugnari solet. Quod esto in plerisque literatorum dissidijs quotidie in oculos nos-
tros, incurrat; multo tamen maximè in illis sententijs est animadu-
tere, quæ & temporis diuturnitate, & Authorum frequentia atque
ex estimatione nixæ, id sibi iuris videtur acquisuisse, ut sacrilegij pæne-
reus sit, qui eousque processisset audaciæ, ut earundem veritatem au-
deat in controuersiam vocare. Et talis est nisi fallor questio tua quam
mihi proposuisti Vir doctissime, qua scilicet vi efficiantur illi motus,
quando in varijs machinis Hydraulicis grauiora sursum, leuiora vero
deorsum contra naturæ suæ genium feruntur. Responsionem uti non
dubito pridem ex Herone, Guidobaldo, Vitruuio & vniuersa veteri
simul atque hodierna Philosophia didicisti, omnes nimirum illos tam
prodigiosos effectus ex horrore & metu vacui naturam operari.
Sed quid si ego (nullius assuetus iurare in verba magistri) ne omniū
quidem Philosophorum autoritate motus, attentè contradicere; an nō
animaduertis Amicissime Iacobe quam periculosam mihi prouinciam
delegaueris; cum in ea re sententiam meam libere exquiris, in qua si
aliorum opinioni accessero, veritatem, sin propriam sequutus, totalijs
contradixero, totam Philosophiam me offendere necesse sit? Parebo
nihilominus amicissimæ petitioni tuæ, & quid in hoc puncto censeam
tibi paucis exponam; cum bona tamen Philosophorum venia, a quibus
in hac parte nō inuitus dissetio, animante me ipsomet Aristotele qui r.
Ethicorum ad Nicomachū: Amicus inquit Plato, amicus Socrates, sed
magis amica veritas.

Prius-

DE FONTIBVS PHILOSOPHIÆ PARS. I. 35

Priusquam verò ad rem ipsam veniamus neque ad propositū meum inutile, neque tibi tanquam anatomico erit vt arbitror iniucundum, si paulisper in microcosmi cōtemplationem defigamus obtutū, vt inde de macrocosmo siue mundo, rectius iudicemus. Vbi ex te lubet quærere, quando in homine vniuersa membra intermedijs singularum partium vnionibus vides in vnā compagem pulcherrimē conspirare, quando itidem obseruas diuinum illud venarū arteriarūque per vniuersum corpus extensarum artificium; an isthæc omnia inania duntaxat ornamenta, an necessaria prorsus ad finem a natura intentum organa esse existimas? Sine dubio affirmabis, illam membrorum omnium continuationem, ad participandos & mutuò communicandos vitales influxus; illam verò venarum arteriarumque non interruptam extensionē ad recentis e corde sanguinis vitaliumque Spirituum derivationem omnino necessariam esse. Atque istud ita se habere facile tibi persuaseris, si animaduertas auulso per sectionem qualicunque membro illico vires illius vniuersas deperire, atque emori, vt partium continuationem ad influxus participandos requiri, euidentissimo sit argumēto. Hæc idcirco a me afferuntur vt sensim te manuducā ad illud, quod potissimum est opinionis meæ fundamentum, vtque tibi persuadeam non minus ad influxuum in mundo participationem eiusdem partium continuationem requiri, quam illa in compositis particularibus necessaria sit.


Et certè si ex mente Aristotelis lib. 2. de gener: Textu 59. *adimpleuit vniuersum Deus continuam faciens generationem.* facile apparet, & ipsa mundi corpora, per quæ velut quædam vehicula influxus suos natura distribuit, saltem quoad materiam esse debere omnia continua. Cuius euiternæ continuationis effectus est, vt moto quocunque corpore, statim succedat aliud, saltem aer si aliud nullum præsto sit, repleatque locum a priore derelictum; Quod ipsum etiam animaduertit Aristot: lib. 1. de Gene: Cap. 6. inquiens: *omnia ferè quæ apud nos sunt cum mouentur mouent.* dum videlicet vnumquodque mouet & trahit id quod proximè contingit. Sed nec ille corporum sibi tam sollicite succedentiū nexus adeo debilis est, vt ab agentibus naturalibus possit aut debeat interrumpi, sicut enim abruptio membri in particulari composito toti violenta est, eò quod discontinuatio illa influxuum beneficio priuet; ita pariter in pulcherrimo vniuersi composito, partium interruptio contra naturam est, quia generationum ordinem interturbaret, adeoque quidquid moliantur partes vniuersi, non sufficiunt aduersus commune naturæ decretum destruere con-

tinuationis illius nexum.

Venio tandem ad principale caput disceptationis nostræ, & consequenter ad ea quæ hucusque disputata sunt, omnino iudico, nullum unquâ in mundo vacui periculum esse, adeoque neque naturam ciere motus illos grauium in sublime in machinis hydraulicis & alios contra ordinariû naturæ cursum, ad vacui prohibitionem. Cum enim ut paulo ante dictum est, vniuersi continuatio à particularibus causis interrumpi non possit, vacui consequenter introductio ab iisdem intendi non potest; atque adeò non est cur illius metu naturam oneremus. Sed quonam ergo inquis impulsu, in machina verbi gratia Ctesibica tracto embolo, & contiguo eidem aere subsequente, supposita aeri aqua, contra naturalem suam inclinationem ascendit, perpetuo quasi in aquæductibus portento?

Respondeo: non alia vi aquam illic sursum ascendere, quam pondus aliquod funi insolubilitèr alligatum, tracto fune ab adæquata ponderi potentia & ipsum rapitur in sublime. Sed age, vtrumque comparatione inita paulo clarius explicemus.

In machina Ctesibica sit embolus A B, consule Fig. IX. aer in D, aqua in E. sit etiâ pondus F. alligatum funi G H, His positis ex te quæro-



quam ob rem posita in H potentia, quæ ponderi sit adæquata, pondus contra grauitatis suæ inclinationem ascendat?

Respondebis: quia potentia in H virtute sua ponderi præualer, & funis rumpi non potest; si enim horum desit alterum pondus vtique persistet immotum. Rectè iudicasti, sed idem ego prorsus assero de aquæ E, intra machinâ ascensu, quia enim aqua E aeri D, & aer D insolubilitèr alligatur embolo A B, posita in B potentia pōderositati aqueæ præualente, sursumque embolum trahente, necessariò attrahetur aqua esto ponderosa, non secus ac aliud pondus supposita insolubili alligatione ad funem in altum eleuetur. Et verò aquam E, trahi sic a potentia in B meo iudicio euidentis est, quod potentia in B posita sentiat pondus aquæ in E, quam ne attollere quidem poterit si aqua ob capacitatem machinæ nimium fuerit ponderosa, non sentiret autem potentia B grauitatem aquæ si solummodo traheret Embolum & aerem D, ipsa natura vi propria ad vacui in D

ablato

DE FONTIBVS PHILOSOPHIÆ PARS I. 37


ablato aere imminentis prohibitionē, aquam in superna propellente.

Quod si in loco aeris aquam inter & embolum intermediij, foramen pertuderis, iam funem illum, quo pondus aqueum embolo alligabatur rupisti; tunc enim aer interior cum exteriori continuatus, ut pote naturale ius habens ad ascensum, tracto embolo sequitur, aqua eodem quem grauitas eiusdem exigit loco persistente. Vides opinor vir Doctissime, aliam superesse viam ad motus illos explicandos, præter inanem vacui metum; ut mihi penè perindè ridiculè respondere videatur, qui motus illos in vacui periculum refert, atque videretur ille dicere, qui pondus fune tractum in altū ascendere, aut currum robustissimis equis alligatum, ob periculum vacui cōtenderet moueri.

Eadem omnino facilitate motus cæteros explicabis aut effectus, qui ab alijs metu vacui fieri perperam asseruntur, e quibus vnum adhuc alterumue videamus.

Folles vndique clausi diduci violente non possunt quin rumpantur: non ob inanem vacui metum, sed quia asserculi qui diducuntur continuantur cum aere incluso, & hic cum follium plicis e corio, qui violentè dilatatus, secum vna trahit & latera, quæ debiliora si sint, omnino rumpi necesse est; non secus atque rumperentur si folles iam aere pleni exitu eidem omni intercluso violentè complicarentur: perinde enim aer violentè dilatatus atque condensatus obiecta sibi obstacula conatur amoliri. Simile quid contingit in lagena vino plena, quæ si toto orificio auide vinum extraxeris, rumpes eiusdem latera debiliora, quod hæc cum vino quod extrahis continuentur, & tracto isto trahi & illa, atque adeo ob impotentiam resistendi omnino rumpi necesse sit; Sed libet in tui gratiam pro totius dissertationis meæ complemento hydraulicam quandam machinam non iniucundam a me pridem excogitatam tibi communicare, quæ motum suum omnem ab ea qua de hætenus differui tractione & partium continuatione sortita est: vide Fig. x. Constat illa sex omnino vasculis vario tuborū ductu sibi coniunctis, corporibusque diuersæ densitatis plenis. Vas A globus est vitreus e vitro benè denso, habens applicatum sibi tubulum E F angusti meatus, qui intra globum ad dimidium aut ultra pertingit, infernè verò ad F epistomium eidem annexum est, ut arctè claudi possit. Ad orificium tubi E F, exterius F trochlea sit, ut tubo G H facile coniungi possit ne aer transpiret. Tubus G H inflexus, pertingit ad fundū vasis B quod aqua plenum est: ex huius fundo descendit tubulus K L, ad fundum vsque vasis M N, quod Spiritu vini rubro aut alio humore rubeo qui aquæ non facile permiscetur est repletum, & alias vndique clausum,

38. NOVÆ ET AMENIORIS
 clausum, nisi quod fundo superiori insertus sit tubulus OP, fundo vasis
 C quod Spiritu vini rubro plenū est supernè applicatus, ex quo denuo



descendit tubulus QR, pertingens ad fundum superiorem vasis ST, quod aerē solummodo continet, & vndique obseratum est, excepto quod per tubulum VX, aeri pateat ascensus in receptaculum D aqua limpida plenum, quod in fundo præterea aliud foramellum Z habet, epistomio ad libitum referabile. Ut vero in vasa B C D, facilius humores infundi possint, esset operæ precium ita eadem superne suis tubulis applicare in I K P Q X, ut ad libitum demum a tubulis, at his rursus annecti possint, quin & epistomiola iisdem locis adiungere non obesset, quæ humorum descensum clausa prohibeant, & aperta iisdem dum opus est transitum concedant, quæ omnia praxis docebit. Hæc machinæ descriptio est, videamus & vsum, qui vni duntaxat oblectationi seruit: Aer intra globum A ad prunas lentè rarefactus per epistomium F panè omnis expiret, tum clauso epistomio seruetur globus donec refrigeretur.

Quod si iucundo spectaculo initium dare libeat, applica globi orificium ad tubum GH, & epistomio referato viam aeri laxa videbisque in vase A exilientem fonticulum aqueum; in B verò in aquæ medio fonticulum rubeum e Spiritu vini; in vasculo C in medio Spiritus vini scaturigo aerea se attollet, ac demum in vase D, inter medias aquas fonticulus quidam aereus exorietur. Hæc verò ita contingere certum est;

DE FONTIBVS PHILOSOPHIÆ PARS I. 39

est; nam aer in A violentè rarefactus, accepto spiraculo ius habet in naturalem suam extensionem se contrahendi, quod dum agit rapit vnā secum aerem in tubo GHI sibi contiguum, & hic contiguam aquam in vase B, quæ ob violentam tractionem per E necessario exiliet, aqua rursus in B attrahit ex MN Spiritū vini, qui ob leuitatē suā accedente tractionis violentia, ex K per mediū aquæ ad locū superiorē haud dubiè feretur, eadem ratio est in cæteris vasis vt facile patet.

Hic rursus vacui metum ab alijs in auxilium vocari sentio; sed non a me, qui non aliam huius rei causam agnosco, præterquam eam quā supra fusè proposui. Et vnde quæso isthic periculum vacui? In globo inquires A. Erras certe; nam per multos dies aer ita rarefactus intra globum illum asseruari potest, citra omnem vllius vacui metum; vnde ergo quæso reſerato epistomio tantum subitò vacui periculum exortum est? Sed abrumpo tandem & finio meum super proposita a te mihi Vir doctissime quæſtione discursum, qui fortassis ideo præter opinionem meam prolixius se extendit, vt magis contra id quod impetit vacuum esset: quem & tanto libentius amplector, quod scio eundem placere subtilissimo & ingeniosissimo Geometræ ac Mathematico admodum R. P. Theodoro Moreto vtrique nostrum familiarissimo a quo eundem hausi, & frequentius de eodem cum illo disceptaui. Hunc tu Charissime Amicorum quamquam de vacuo est, non aspernabere tamen opinor vt inanem, multoque minus obseruantiam atque affectum in te meum, qui coegit vt contra alios in hac odiosa quæſtione differerem. Vale & tum demum in natura vacui periculum expecta vbi amorem erga te animo meo excluſero. Pragæ 7. Octobris 1656.

Ita hic Vir mihi; at ego omnibus Discursum hunc communico, legant, iudicent, sensus suos dicere non dedignentur, vt si quid male dictum est emendetur, si benè, imposterum a Philosophis acceptetur.

PROPOSITIO X.

Vt aquę descēsus alterius liquidi ascēsū causet.



Liquam huius rei Propos. IX. Exp. 2. præmisi mentionem. Sed quoniam aliquanto fortatsè operosior, aliam huiusmodi machinulam sum commentus, quam etiam ornamentī gratia hospitum mensis adhibere possis.

Esto vas Sphæricum in Fig. xi. A B. in duo recep tacula diaphragma-

te

40 NOVÆ ET AMENIORIS

te interstitium D E, cum medio supernè foramine ad P, ex duobus istis receptaculis adferruminati fundo descendant tubi ad subiectum



Fig. XI



vas, F G quidem pertingens ad fundum G inferioris receptaculi, F Q verò propè fundum superioris, vterque obarmatus clauicula F. I. In fundo Sphæræ promineat canaliculus cum clauicula H, in C verò infundibulum, fietamen vt infuso liquore ad receptaculū A D, benè claudi rursus possit ne quis aeri ingressus pateat. Cum igitur voles vinum in L M N O latens, ad Hæmisphærium B E cogere, vtramque clauiculam resera F I. tum enim aqua ex D per canalem F G, in G defluens coget aerem qui est in E sibi succedere & consequenter vinum quod est in L M N O, per fistulam Q I K ascendet in E tantum, quantum descenderit aquæ ex D. Bibiturus ergo clauiculam H resera

ra aperto ostio C, et clauso epistomio I.

Nota: si interstitia in vase inferiore multiplicaueris, & cuius receptaculo indideris canalicum, qui vt prior ad hæmisphærium B E sit adferruminatus, posse te distinctissimos exinde humores & liquores haurire, cuius fortè adhuc mentio redibit.

Ratio horum omnium est grauitas; quæ cum in longiori ductu superet, necessario pondus minus attollet,

Quoties igitur in Syphone crus est longius, superabit illud perpendiculum breuioris cruris (cæteris paribus)

Quod si perpendicula fuerint æqualia, in æquilibrio aquæ pendebunt; non enim est ratio cur vna potius descendat quam altera, sed nec discontinuatio dari potest, neutra igitur fluat,

Grauitas igitur est quæ aquam in sublime vel in uitam attollit, perinde ac maius pondus in libra minus.



Perinde atque in libra, cuius vnum crus ab hypomochlio, si deorsum aliqua virtus viderit, crus alterum necessario eadem longitudine perpendiculi eleuabit. Quoniam enim triangulorum ACE , BCF . duo latera EC , CA , duobus BC , CF , & angulus ECA , æqualis BCF , erit & basis AE , basi BF æqualis, ergo descensus EA , ascensui FB conformis. Consulatur Fig. xii . Declaro id similitudine alia Sparto Statica. Concipiantur æqualia duo pondera in æquipondio I pendentia super KL horizonte, quod si pondus H protraxeris ultra KL , ascendet necessario pondus G ad altitudinem descensui parem, quantum enim H discedit a KL , tantum G erigitur super eandem. Eodem planè modo se habet Syphon: quod si enim liquor contentus fuerit in æquilibrio, consistet, sin vero crus vnum seu perpendiculum produxeris, statim destructo priore æquilibrio aqua breuioris cruris attolletur, cedens potentia maiori, neque plus neque minus quam sit motoris potentia. Quod igitur hic præstat tractio & productio sparti cum pondere deorsum, hoc agit perpendiculi aquei protensio centrum versus.

Aqua igitur iuri suo relicta iuxta mensuram sui perpendiculi in sublimè attollitur, quod erat probandum.

Et hætenus ferè de Causis & principijs fontium; nunc de ipsis fontium machinis aliquid breuiter dicamus. Quæ ex abditis Naturæ scatebris negotiosus Artis genius in auras elicuit, sibi quæ æterno fædere sociatos, perennitèr deinde manaturos ad votum omnium fluere iubebit.



NOVÆ. ET AMÆNIORIS

DE FONTIBVS PHILOSOPHIAE
PARS SECVNDA

DE VARIIS FONTIVM CLASSIBVS ET IDEIS.

PRÆLOGIVM.



*P*osteaquam breviter, pro instituto meo, de aquarum & fontium e terræ visceribus scaturientium natura & origine; de earundem Sphæra & centro, de potentia in communi fontes in aëra subrigente &c. differui, materiae ordo rerumque series postulare videntur, ut ad ipsa in particulari fontium technasmata & Thaumaturgum aquarum Proteum (quod potissimum consilij mei fuit) sensim defluamus. Agam proinde in hac Secunda Parte in particulari, de principijs ex potentia motrice, ad cuius imperium contra congenitum appetitum & inclinationem fontes in sublime subiguntur. Possunt autem (ut supra innui) ad Sex capita seu principia potentiae motrices reuocari: Vt pote in vim, quæ oritur ex LAPSV NATVRALI, quam voco VIM LAPSVS.

Secundo VIM ATTRACTIVAM SIVE SVCTIVM. Tertio VIM EXPVLSIVAM. Quarto VIM ADDENSATIVAM ET COM-PRESSIVAM. Quinto VIM RAREFACTIVAM. Sexto demum IN VIM SEV POTENTIAM MIXTAM EX ALIQVO HO-RVM PRINCIPIORVM.

44 NOVA ET AMENIORIS

Ex his potentijs Machinula nostra Hydrostatica aguntur in quarum fabrica & descriptione non tam Ordinis delectum aut principiorum seriem, quam gustum secutus sum. Superi bend vertant ut fontes isti etiam ad votum Orbis perennè fluant.

PROPOSITIO I.

PROBLEMA I.

Clepsidram Hydrostaticam construere.



Longa observatum est ab Hydragogis experientia, fontes modicis in sui primordio semitis ceu verecundia quadā coercitos in auras eluctari consuevisse, qui ubi longiusculè processerint, posita modestia, in amplissimos alueos & metuenda raribus flumina insolentes desinunt; Hunc imitari Genium & Arti placuit, proinde a tenuissimis exordijs, & modico principii præludium facit.

Fiant duæ vitreæ phialæ, æquales (magnitudinē arbitrio Artificis permitto) figuræ aut rotundæ, aut parū oblongæ pro libitu. in quarū vnam id est inferiorem humor leuior immittatur puta hic Ferrariæ aqua, in superiorem vinum rubiū quod grauius (pro cuius certitudine indaganda vtetur curiosus, instrumento Hydrometrico parte tertia, adferendo) Impleantur ad summum vsque sui, & in oscula minuta ad orificium desinant, sintq; ita accomodata, vt vna alteri commodè & absque effluuiō liquoris super imponi possit. aut adferruminetur vni earum subtilis canaliculus, qui apposita altera phiala, vtriusque liquores extremitatibus suis attingendo pertransseat. Et ecce videbitur iucundissimo spectaculo, vinum quod in superiori ampulla utpote grauius collocatum est, tenuissimo descriptum radio ad ima contendere, aqua vero in desertam eluctari stationem: Si ergo in superficie ampullarum iuxta mensuram temporis quo vinum rubrum descendit horæ describantur, poterit Clepsidra Horometra haberi. Vinum enim descensu suo in fundo inferioris ampullæ se collocādo & paulatim crescendo, colore suo interualla horaria distinctissime designabit. Idem præstari poterit cum liquidis alijs distinctæ grauitatis, vt sunt Spiritus Vini, & oleum de Becc: Vt porro differentia horaria notari possit, iuuabit

DE FONTIBVS PHILOSOPHIÆ PARS II. 45
iuuabit alterutrum coloratum esse, v. g. Spiritus Vini poterit croco-
tingi, alioquin enim horaria interualla non poterunt distingui.

Nota tamen, experientiam allatam cum vino rubro & aqua, non
totaliter effectum suum in designandis ad finem vsque ampullæ, inter-
uallis horarijs sortiri, sortitur quidem & ad aliquod spatium, puta
medietatem Vitri interualla horaria a vino rubro distinctim designā-
tur, at postea non vltra ita notari possunt, ob confusionem vini cum a-
qua inæqualem. neque etiam aqua superiorem ampullam petens colo-
rē suum naturalē reseruat, sed de vini rubedine per minima sui parti-
cipat, vt vnum chaos in posterum remaneat atque ita experientia ex
prædictis liquoribus facta pro vna sola vice valet. Si igitur quis clepsi-
dram absque renouatione liquorum & perpetuam habere velit, im-
permixtibilibus & grauitate magis differentibus vtatur liquoribus,
& negotium desideratum consequetur.

PROPOSITIO II.

PROBLEMA II.

Fontem pressione incumbentis aquæ
construere.


PErinde atque prior, simplicissima hæc est aquas in sublime
euehendi methodus, ex montis, domus, aut turris fastigio,
per occultos canales & tubulos, aquam defluere iube, hæc
natio impetu delapsa, in angustum coacta radium, foras
in aera profiliet, & con fractis repagulis in omnem animosa partem
dispersis radijs euagabitur. Amænissimum Spectaculum viris etiam
Principibus feceris. Si tubulum alicui Conchæ, Draconi, statuæ, Bale-
næ &c. ad ferrum inaueris. ex quo occultis deducta vijs lympa in au-
ras exiliat: videntur eiusmodi complures machinæ præsertim Romæ
tam in foris, quam in hortis Principum. tum vbiuis Italia tota reperi-
untur. in Germania Augustæ Vindellicorum. in Boemia in Principis Iu-
lij Saxonis Slaccouerdensi Viridario per quam pulcherrimæ visuntur.
Inter reliqua miracula est Neptunus in ripa cernuus, cubito incum-
bens, Hic prægrande lapideum vas brachijs adstringens tanto impe-
tus vomit aquas, vt delabentis per confragosa impetus, toto penè exau-
diatur

45 NOVÆ ET AMÆNIORIS

diatur horto iurasses ad Nili catadupa te consistere. Totum porro mysteriū in eo est quod ingens aquæ ductus ex alto in eā se se præcep amphoram latenter exoneret. Placet curioso Orbi ex hoc principio nouam & amænissimam virisque Principibus dignam fontis ideam deriuemus.

Fons Hydro Magnetico Horologus.

FIGVRA XIII.



A Mænissimi & curiosissimi fontis huius prima vestigia & lineamenta fateor primum me Pragæ ante discessum meum in Musæo Mathematico P. Valentini Stanfel e Soc: Iesù Amici mei charissimi suspexisse, quod tam nobile machinamentum ne temporū iniuria aut interiret aut intra priuatos parietes obscurū transigeret æuum; huic meo de fontibus opusculo inferendum (bona ipsius pace) putauī. Sic porro instrumētī fabrica habet: Super inani base siue camera aurichalcina siue etiam ex laminis ferreis confecta ABCD (quæ pro arbitrio artificis vel quadrata, cubi in modum vel oblongior, vel denique alterius irregularis figuræ (vt hic factum) confici potest) in medio statuitur columna parallelepipedā, oblonga, concaua, de foris ex ligno leui & terfo, puta ebano pyro &c. intus

DE FONTIBVS PHILOSOPHIÆ PARS II 47

intus lamina ferrea seu tubulo ampliore instructa qualis est E F G H in huius superficie seu fronte diei horæ æquis interse intervallis distributæ distinguantur, supernè columnæ huic insistit statua aliqua puta Neptunus &c. cum suo Tridente: A lateribus vtrinque duæ vitreæ columellæ N O P Q statuuntur; quibus vel quadratum vel cuiusvis alius formæ aquæ recipiendæ idoneum incumbit. ex eius fundo vtrinque duo tubuli I L, K M, ex lamina confecti ad I & K adferruminati descendunt ad basis planam superficiem L M. & hi, II quidem ad I. K M vero ad M infernè in columnam parallelepipedam mediam insinuantur, patentque osculis vt in R. Vterque duo epistomiola habet, nisi quod tertium tubulo I L addidimus, vt per incuruum & continuatum canaliculum si velimus aquam ad subiectum vas immittere, possimus machinulam aquis plenam exoneraturi vt in S. Habeant præterea tubuli isti laterales tubulos incuruos duos, qui in cylindros vitreos N O P Q ad O & Q inferuntur, & adferruminantur. In fundo recepta culi parallelepipedi, ad R. est scaphula vel asserculus subereus, super quo iacet bonæ virtutis magnes (vide litera T) in fundo verò cylindrorum vitreorum sunt duo ex leui vitro Genioli, vel etiam ex cera, nutum artificis expectantes. Cum itaque horas monstrare voles, apertis lentè Epistomiolis ad G & H. defluet aqua ex vase I K, & influet in anteriorem parallelepipedi cameram per foraminella R, attolletque magnetem cum subere vel scaphula sua sensim in altum, vt veniat primum in I. siue horam primam, tum II. &c. sic deinceps. Quod si igitur à foris lacertulam pictam ex charta vel cancrum vel auiculam &c. ac ferrea magnete affixta grauem superfici ei extimæ ad I collocaueris, statim adhærebit, & quod visu amantissimum sensim ascendente intro magnete & ipsa lentè de foris subsequetur atque ita fidelissimè horas ascensu suo emetietur, pariter intra vitreos Cylindros cum ascendente aqua duo Genioli ascendent, & virgula horas in superficie expictas demonstrabunt,

Illud duntaxat accuratè aduertendum, vt aqua non precipitet, sed lentè feratur, & quasi guttatim descendendo, crescat, iustèque horis commensuretur, quod facile præstabis, si epistomium modice duntaxat fuerit refferatum. Nota: quando aqua per canaliculos in prædictas cameras intromittitur, tum Syphonem incuruū ad S claudi oportere ne aqua non in R sed deorsum per S delabatur, similiter si nolis magnetem attolli, siue lacertulam moueri, sed solum laterales geniolos etiam epistomiola reliqua V X claudenda erunt.

Pro-

PROPOSITIO III.

PROBLEMA III.

Machinam Hydraulicam construere, in qua per tubulum inferné delapsus liquor, alium in sui locum ab imo fontis euocatum substituit, & ad leges perpendiculi attollit.

FIGVRA XIV.




Onge pulcherrima mihi semper visa est huius fontis constructio, experientiaque didici, viris insignibus, nymphæ huius ingeniosissimæ genium placuisse. Constructur autem hunc in modum: Est vas A B C D. cupreis stanneisue laminis in quadrum coaptatum, quod per medium diaphragmate sit interstinctum: Eritque receptaculum vnum ex toto supernè patulum ad A, alterum ad B benè clausum & imperuium aeri, nisi quod canaliculum cum clauicula desuper adferruminatum habeat ad vsum. Fundo eiusdem receptaculi, cohæreat tubus, similiter clavi adornatus F I H descendens ad patulum & inane H. Super hoc vase eleganter fabrefactam machinam (Atlantem si placet aut neptunum tridentiferum) constitue, per cuius viscera occultis meatibus tres deducantur tubi, vnus quidem præcisè pertingens ad operculum E Beidemque adferruminatus; alter propè fundum in loculamento altero ad K. consistat: Tertius demum eodem ex N descendat ad S, qui omnes vs. que ad Sphæram vitream moli tori incumbentem producentur.

Vsus. Intromitte primum in loculamentum B E F D per canalem O aquam ad summum, & intromissam benè clauso canaliculo O, per inferius ostiolum F ad subiectum vas H defluere iube: hæc ubi morem gesserit, videbis amænissimo spectaculo, aquam quæ in vase A C, ad omnem nutum intenta tantisper substiterat, ceu accepto imperio excitam, statim in pedes se surrigere, & per tubulum K L, in vitream Sphæ-

DE FONTIBVS PHILOSOPHIÆ PARS II. 49

Sphæram festino gradu accelerare, & in vitreo mundo spectabilis fieri



In similem Machinam, paulo fusius descriptam, nuper dum P. Athanasij Kircheri Artis Magneticæ opus per- uoluebam, lib. 3. Mundi siue Catenæ Magneticæ Parte Secūda fol. 420. in- cidi, diuersam quidem paululum fi- guræ formam præferentē, in substā- tia tamen cū isthac eādē, quam Vir ille Eruditissimus perquam maximē extollit; esse non tantum iucundam, sed & infinitam inuentionum variarū materiam præbere, quod ut Verum apparet, curiosus lector ex sequen- tibus percipere poterit: Excellentissi- mus. n. meus Mæcenas, pro singulari ingenij sui perspicacitate, proque ma- gno gustu quem erga hasce meas nu- gulas habuit (tantū enim quandoque sibi sumpserat laboris, ut ipsemet doc- tiori penna plurimas ex hisce passim delinearit figuras) ex principio allato, sequentem forma diuersa & faciliori construxit Machinulam, quam lectori curioso, auctuarij loco inuidere mi- nime visum fuit.




G

Modus

Modus alius eandem machinulam
representandi.

FIGVRA XV.

Fiat vas A B C D, ex laminis instar pedis, Vitreæ Sphæræ apponē-
dæ formatum, diaphragmate E F in duo receptacula diuisum, ex



receptaculo A B, propè fundum ascē-
dat tubulus in Vitream Sphæram G H
in minimū foramen desinens, alius ex
fundo Vitreæ Sphæræ descendat I K,
diaphragma E F pertransiens, Sub finē
vasis L D fiat Syphon O P, ad L clau-
icula instructus, & ad M N in quatuor
aut plures tubulos minutis osculis suis
sursum eminentibus desinens.

Constructa ita machina: receptacu-
la A B C D, ad Sūmum vsque aqua re-
plebuntur; quod fieri poterit, si ex par-
te vasorum foramina adaptentur infū-
dibulis inseruentia & quæ iterum op-
portunè post infusionem aquæ claudi
possint. tum volens habere iocum, cla-
uicula L referetur, & ecce aqua ex re-
ceptaculo C D defluet in Syphonem
O P. & dein per tubulos N M foras in
subiectum vas Q R sursum saliendo
profiliet, interim dum hoc fit, aer ex
vitrea Sphæra per canalem I K succe-
dere cogitur, cuius loco (alius enim si
vitrea Sphæra ad amussim pedi suo ad-
fixa sit succedere nequit) aqua ex rece-

ptaculo A B, per canalem G H attracta, sūmo impetu profiliens, in-
tuentibus iucundo spectaculo tripudians se prodit, tamdiuque conti-
nuat spectaculum, quamdiu aqua in receptaculo A B vel in superiori
machina A C persistit, vnde si occulta via aqua receptaculo suppe-
diteretur,


DE FONTIBVS PHILOSOPHIÆ PARS II. 51
diteretur, eo diutius lymp̃ha saltum continuabit. Machinulam curiose
lector duplici principio nitentem habes; at non sufficit, videamus
quid sequens Propositio ex hoc principio nobis adducat.

PROPOSITIO IV.

PROBLEMA IV.


Intra Cylindri vitrei inane, fontem salientis
lymphæ suscitare.

FIGVRA XVI.

 Abet limpidissimus fons iste idem cum priore motus princi-
pium; quia tamen com̃ptior fortassè in scenam prodit, vt
pote crySTALLINEO adornatus palliolo, iterato in lucem da-
tus placebit: libenter autem Authoris sui fatebitur nomen,
neque enim hodierno abs me in auras effusus partu: Annus iam quar-
tus in decursu est, ex quo in Cæsarea Vniuersitate Pragensi à P. Va-
lentino Stanzel Mathematicum Professore primum quidem discipulis.
priuatim in scholis expositus, tum etiam extra puluerem Scholasticum
in ampliorem lucem eluctatus, coram Illustrissima Eminentissimi Car-
dinalis ab Harrach Archiepiscopi Pragensis Purpura non erubuit pro-
dire: magno & illius & reliquorum Boemiæ Procerum qui tum fre-
quentes Collegium inuiserant gustu & admurmuratione. Hunc ego
vt pote affinem meis fontibus bona Patris Valentini pace in Urbis
Pragensis pomerijs eductum, mihi que inde ab amicis transmissum in
Orbis lucem asserere volui: Breuem huius machinulæ Syntaxin amice-
lector habe.

Esto Cylinder vitreus, intus cauus, superne hemisphærio ad elegan-
tiam si placet, infernè stabili fundo contra aeris insolentiam obarma-
tus: E meditullio fundi delicatus ascendat tubulus, qui etiam foras
spectet, sic tamen, vt pedibus cylindri non obturbet. Huius osculum
erit aliquantò diductius, sed lamina modicis foramellis interpuncta
conuestitum, sicut solent hortenses amphoræ rori spargendo adapta-
ri; Tubulus alter eidem fundo adferruminatus ad subiectum humi vas

52 NOVÆ ET AMÆNIORIS
 descendat: vtraque autem clauiculam habebit aquæ laxandæ idone-
 am & fidelem.




Cum igitur intra vitreum hoc ergastulum petulantem lymphæ radium in superos connitentem spectare voles; prius machinam euertere oportebit, & per ostiolum A aquam immittere sicut pristino & debito situi reposita prope osculum B consistat. Infusa aqua machinulam in vas aliquod aquæ plenum usque ad fundum vasis crystallini ut pedibus existat immitte Res mira! quanto molimine aqua intro conclusa per Syphonem longioris cruris C A deproperabit in vas A, tanto impendio aer intro ex vase medio per B D Syphonem hauriet aquas. ibitque vanissimo se se circumspiciens supercilio in vitreum cælum nympha. Quod si gradienti quandoque clauicula moram iniecerit, tum enim vero ceu ruinam & fata sua persentiscens sensim ponet fastus, & singultiendo in omne crystalli latus, lacrymabilem sparget imbrem moritura.

Notabit hic porro ingeniosus lector, varia fonti huic addi posse ornamenta. Puta si tubulus intro aquam euomens in modum serpentis, balenæ, hydræ, Crocodili &c. adaptetur.

hic enim mirum quantum Thaumantidem nympham adornabit.

Quod si plura fuerint monstra, plures tubulos cum suis clauiculis necesse erit fundo adferruminare.



PROPOSITIO V.

PROBLEMA V.

Lympham intra crystalli cylindrici inane,
motu vertiginis ælos agentem repre-
sentare, nullis intelligentijs in
subsidium vocatis.


FIGVRA XVII.

DEscrip̃ta vt prius machina, solum opus erit internum tubu-
lum in subline produci, & modicè in apice incuruum in su-
biectas latentes rotulas depluere; rotarum enim circumuo-
lutione corpora affixa in gyrum mouebuntur, Siue igitur
zodiacum, siue planetas &c. velis, omnia vna circumuolutione cum
præfatis rotulis rapiuntur. Exaggerabis miraculum, si morrices po-
tentia spectatorem latuerint; fabricam porro rotarum lector suo pte
Marte non difficile inueniet. Ego breuitatis memor cogor ad alia
promouere stylum. Quod antequam facio, Auctuarij loco fluidam
lampadem seu lucernam honori Excellentissimi Mecænatis mei erigo,
perennè manaturam obseruantia & obsequij mei liquidum Argu-
mentum.

Sic autem lucernæ nostræ Syntagma habet A B C D est lucernu-
la, ex cylindro vitreo supra & infra benè clausa, vt nullibi aer se in-
sinuare possit, in extima superficie est lamina circumducta, cum tur-
ricula lucernæ Mecænatis mei idea. Hæc incumbit galeæ C D N M,
in qua est ad summum vsque aqua: in hanc ex cylindro descendit
canaliculus F H, (vt in priori problemate) supra ad E angustissi-
mus, ad H laxior & cum plurimis minutis foraminellis ad I in ipsa
basi cylindri est ad ferruminatus canalis alius protensus vsque ad K,
per quem aqua ad vas L K, ex C D cylindro defluit per I ad K.
est enim basi E F L K quasi per modum occulti recipientis, ad
quod

34 NOVÆ ET AMÆNIORIS

quod aqua defluere Possit ; quod ubi repletum fuerit, aqua per Sy-



phonem I foras demittitur. lu-
uabit porro tubulum I K oc-
cultum epistomiolum habere
ad O verbi gratia, vt aqua
prohibitu sisti possit: res omnino
amænissima est, mox atque aqua
quæ in cylindro est per I deflu-
ens in vas inferius ad K des-
cenderit, statim alia aqua quæ
in galea fuit per tubulum E H
incipit exhauriri, & violentè in
cylindrum eluctari ascenditque
vsque ad summam cylindri alti-
tudinē radij instar, exhibetque
lucernam nō flammis sed aquis
collucentem & radiantem,
Consule figuram. penes quam
tamen :

Obserua primò. quod tubulus
K, transeat per totam gale-

am. Secundo. quod galea sit su-
perne ad C D aperta.

Tertio. quod sit intus per

modum Sphæræ cavæ, vt aquam continere possit.

Quarto. aquam infundi per ostiolum tubulo H vel K. everso instru-
mento.

Quinto. quod aqua debeat esse in lucerna vsque ad E orificiolum
tubuli.



PROPOSITIO VI.

PROBLEMA VI.

Fontem construere qui ad duplum sui perpendiculari ascendat.

FIGVRA XVIII.




benter inuentum hoc sanè ingeniosissimum Ioanni Baptista Portæ Neapolitano fauebo qui lib. Pneum. c. 7. sic de eo præfatur: *Cum ineuitabilem Naturæ necessitatem exposuissimus quod nulla Arte potest falli, ut nec ipsa fallere quarit. Et cum genium & ingenium meum nisi circa difficillima & ferè impossibilia versari a Natura donatū esset, nullis laboribus nullis experientijs peperci, ut potuissē breuiori perpendiculari aquam in maiore altitudine attollere, tandē modū adinuēnimus, antiquis inditum, & inexcogitatum, humanum omnem captum excedentem, quo pacto fauisset nostris votis Natura &c. Vellem Authoris stylo eius fabricam lectori proponere, nisi typographorum mendis vitiata ad manus meas venisset, hic proinde breuiter verbis meis expectam habe.*

Apertur tria receptacula eiusdē magnitudinis quæ altitudinē habeant eandē ut hic factū vides. Ex fundo primi ad ferruminatus descendat tubulus pedum Verbi gratia 50. C D, ad E clauicula instructus: ab operculo si niliter alius pedum 100. erigatur: qui ad fastigium vasis pertingens in id modice intromittatur. Ab hoc rursum fastigio in vicinia compar priori deducatur tubus, & ad fundum secundi vasis immergatur, operculo firmiter cohærens. Tum subinde alius operculo propinquus in vas subiectum introducatur, qui propè fundum immotus exstat; Tandem ex tertio vase priori æquidistans procedat Syphon in vas subiectum fundo vasis N ad ferruminatus, qui ut prior non omnino ad fundum pertingat, sic ut aquam commodè exhaurire possit. Cauendum porro ne ultra perpendicularum B D vas P O descendat, sed in æquali altitudine cum D, aut erectius consistat.

Sic

56¹ NOVÆ ET AMENIORIS

Sic disposita machina vasa A B, I H, Q N, aqua repleantur, syphoni-



bus interea ad T & E clausis. Euocaturus itaque lympham in sublime ad duplam perpendiculari altitudinem, hoc est ad vas F G, sine primo aquam ex A B delabi ad D; attolletur igitur aqua ex vase I H ad 50. pedes perpendiculari sci. licet altitudinem; cum enim exinanietur vas A B, succedit aer ex G R & huic alius ex G F & huic tandem ex H F usque ad 50. Hac ratione aqua ad dimidium itineris promota, laxabis clauiculam T, & descendet aqua ex N per N M ad vas P O, cogetque aerem illic latentem per tubum L K egredi in vas H I, qui maius spacium occupaturus protrudet aquam supra 50. ad vas F, hoc est numerum 100. Sic igitur duplici potentia aqua in sublime coacta ultra suum perpendicularum ascendit. quod erat faciendum.



PROPOSITIO VII.


PROBLEMA VII.

Fontem construere qui per vim expultricem aquam in altum euehat.

FIGVRA XIX.



Non minus ingeniosus est fonticulus iste, qui per vim expultricem aquæ delabentis aerem loco violenter emouendo, supernas cogit adire Stationes: hic namque continuato perennè fluentis aquæ allapsu noua subinde incrementa accipiens, ad tantas cogitur angustias, vt nequidquam reluctantem lympham, per angustum canalem proturbare compellat, si saluam ipse & diutinam habere velit Stationem. Construimus porro machinulam nostram in hunc modum: Fiat vas A B C D habens labium A B, quod in duo receptacula æqualia diaphragmate distinguatur. a fundo vasis E B descendat tubulus I K in vas subiectum M N, propè fundum K similiter alius ex vase seu interstitio A E modicum a fornice H remotus in vas subiectum pertingat ad L, ambo adferruminati supernè & infernè vasis, vt nihil aeris aut ingredi aut egredi per eos possit. Tertius demum tubulus a fundo interstitij A E ascendat per canalem seu labium ad G productus, clauicula ad F adornatus & firmiter labro cohærens. In labio A B a parte B modicum erit foramen aquæ infundendæ causa, idque apertum semper vt defluenti aquæ ex



H

B E

B E, aer succedere possit, his ita constitutis Sic in praxi procedemus Aperto epistomiolo F, ad P vero clauso, aquam in vas A B C D (vtrumque scilicet loculamentū) infunde ad summū, ijs iam repletis tantisper clauiculā E claudes, & ad P relaxa, descendet igitur aqua ex E B in vas M N, & aer illic stabulantē per ductū L H coget ad receptaculū A E, qui in angustias redactus aquā supernē repertā violente per tubulum O G (laxata prius clauicula) propellet, atq; adeo fontem causabit desideratum.

Auctuarium Gratosum.

Fontem perenne refluente fabricare.


FIGVRA XX. & XXI.



Lepsydrum perennē fluentem Problemati huic adnectere placuit, non tamen mole sua angustam, quam genio spectabilem visuque iucundam opportunum. Principum mensis Auctuarium. Est fonticulus qualem penes intueri licet, qui posteaquam vas summum in aera exiliente vnda exinaniuerit, euersus, iterum fluit, sic semel, sic iterum, sic tertio, sic semper, quo fluxu & refluxu certa diei interualla & horas metitur, fabrica eius est talis.

Cōstruuntur duo vasa æqualia magnitudinis cuiusvis. extrinsece v.g. duo magna labra referentia, intrinsecē vtraque diaphragmate p mediū diuisa, quib⁹ inseruntur tres tubuli satis longi C B D. E F L G N M. tali pacto vt in Figura videntur alijque duo breuiore Epistomiolis suis instructi aquæ salientæ idonei. ad ferrum nantur etiam extremitatibus labrorum 4. columellæ tubulos aliquanto prominētes, in euersione machinæ ab omni læsionis iniuria sua altitudine defendētes. taliterque habita machina ad vsum eiusdem proceditur.

Sit aqua in diaphragmate A C. aperto ad A & B. ostiolo fluet aqua per




DE FONTIBVS PHILOSOPHIÆ PARS II. 59

per C B D ad D diaphragma seu vas inferius, & pellet aerem per tubulum inflexum E F L G ad alterum diaphragma I M, qui aer illic contētā aquā, foras per tubulum I H aperto epistomio K expellet, causabitque fonticulum primum. Inuertatur iam vas, aqua quæ fluxerat ex A C vase, ad vas inferius D fluet deorsum per inflexum tubum E F L G. ad vas aere iam plenum (aqua enim iam effluxerat,) quæ & coget aerem inde exire ad vasis N diaphragma, qui ingressus pellet aquam illic contentam per tubuli O P orificium foras.

Nota quod quando fluet primo ex A C ad E D inferius, quod tubuli P O N R M clausi esse debeant: Similiter dum fluit per O P foras quod tubulus I K H debeat clausus esse.

Nota secundo. aquam in Diaphragmate I M. & O N. debere anticipatē collocandam esse.



Nota Tertio labra eo ampliora esse debere quibus saliens aqua recipi posset, post finitū enim semel sui cursū in utroque labri fundo clauicula erit, per quam subito aquæ descensus patere possit, in superiori scilicet vase ad diaphragma A C, serrata prius clauicula B, & in altero ad diaphragma N O, hoc enim obseruato habebitur clepsydra perēne fluens & refluens.

Quod si velis ut aquæ intra machinam profiliant. finge machinulam similem diagrammati appposito, & habebis intentum facillima & expeditissima praxi, aqua enim ex A per canalem A B C defluens, exiliet per C, quam si circum duos axes versatilem effeceris, ex E per canalem E F G foras per ostiolum tenue G eluctabitur. Non habet hæc machinula nisi duos incuruos Syphones duobus vasis adferruminatos, & duos tubulos D & H, per quos aqua descendens ab aere in vasa ingreditur nec tamen regredi potest.

Si fontem tam intra quam extra, aquas iaculantem desideras. fac compositū ex dictis modis, & habebis intentū. nō plura, inuisse sufficit.

PROPOSITIO VIII.

PROBLEMA VIII.


Per eandem vim expultricē ad duplam Al-
titudinem aquas in sublimē cogere.

FIGURA XXII.

Eontis huius origo & principium idem cum antecedente ;
nisi quod hic potentia intenda-
tur ad duplum. Totum itaque
mysterium fundatur in eo, quod
vas superius debeat in tria domicilia duo
quidem parva, medium vero clausum di-
stingui. inferius vero in duo: oporteat-
que præterea duos novos inferi tubos ;
alios quidem qui ex fundo lateralium se-
ptorum in subiectum vas descendant, alios
qui propè fastigiū interioris alterius me-
dij locati ad vasis operculum inferioris
deducantur ibidem adferminati. His
ita constitutis in vasa superiora aqua im-
mittatur, quæ utrinque delapsa per laxa-
ta ostiola A B coget aerem in vasis C D su-
biectis, per ductus E F G H egredi & illo
urgente aquam latentem per Syphuncu-
lum I K in aera exilire, quæ quia duabus
urgetur & intenditur potentijs, concita-
tior in auras vadit, quod erat faciendum.

CONSECTARIUM I.

Si osculū superius per quod foras aqua
violētē elabitur, lamella in hemicyclū
arcuata, & minutissimis distincta forami-



nellis

DE FONTIBVS PHILOSOPHIÆ PARS II. 61

nellis indueris. petulanter exinde emanans & in Orbē sparsus imber Solaribustinctus radijs, deliciosissimā loco præsertim subobscurō Iridem efformabit.

CONSECTARIUM II.

Si in interseptum medium vinum infuderis, aqua descendente vinum inde profluet; quod si aquam intersepto infuderis, vino ad lateralia interualla infuso, aquam hauries. Si vero vinum rubrum inter septo clauferis, albumq; lateribus infuderis, in scijs hospitibus iucunda metamorphosi salientis rubri fonticuli eosdem illudes. Plurimiusmodi pauculis immutatis hospitibus referre poterit ingeniosus artifex, quæ hic consultò ne longior sim, cogor abrumpere.

PROPOSITIO IX.

PROBLEMA IX.

Violenta Aeris compressione fonticulum manualemente construere.


FIGURA XXIII.



Micè hætenus cum aere transactum, nullam omnino fecimus utcunque morigero violentiam; at nunc pleno iure utemur, & infestis armis cum eo transigemus, & primò quidem angustis circumseptum sedibus retinebimus expecturi, quanta viaque occurus sit Elemento. Age igitur Orichalcinam chalybeam aut si mauis (quod deliciosissimum est intueri) vitream continue Sphæram qualis est A B C. huic tubulum eiusdem materiæ insere, qui proximus fundo consistat ad D eundemque ad C solidè agglutina, habeatq; ad C clauiculā qua aeri & succedaneæ aquæ pro lubitu pateat egressus. Osculum porro erit delicatum & utcunque angustum, ut subtili radio elapsus liquor tanto sublimius feratur. Syphone igitur per osculum aquam violentè vrgebis ad diuidium circiter vasis donec tibi satisfactum putaueris. Cautela & prudentia opus

pus erit nequid nimis. Iocū postea hospitibus gratiosis facturū, clauiculam reſera, & videbis magno molimine aquam in ſublime vrgente addenſati aeris furia impelli. Nihil hoc ſpectaculo delicioſius fateberis. At vinū vt te faciliorem modum idem experiundi & cum maiori admiratione doceam, tam abſque ope Syphonis aquam intro pellentis, quam clauicula extrinſeco tubuli orificio annexa? Accipe.

Fig. XXIII



*Alter modus facilior & gratioſior
idem experiendi.*

Machinulam melius Vitream, modo ſupradicto apparatus, ſine clauicula tamen tubulo annexa efformari cura, diſinatque orificium tubuli extrinſecū in foramen acui ſubtiliſſimæ pertranſeundæ nō abſimile. Machinulā ita conſtructam adſtantibus propone, quæreque quo pacto quis eorum illam ad medietatem circiter aqua Vino &c. abſq; ope Syphonis impellere ſatageret? Inſcij ſpectatores id impoſſibile aſſerent factū, At tu ore tubulū eminentem claude, & eidem quam fortiffimè potes Spiritum inſpira uſq; dum ſatisfactum tibi eſſe credideris. & tum exemptam ore machinulam illico orificio pelui aqua frigida aut vino plenæ immerge ad medietatem, videbisque aerem occuſu aquæ frigidæ ſe ſe conſtringentem & in locum ſui aquam ex pelui per orificium illud minutulum introſugentem. quam tam diu immerſam aquæ tenebis quouſq; conſpexeris aerem non amplius aquam trahere; & tum exemptam aqua Sphærulem adſtantibus propone & an non ſatisfactum ſit exquire. Vrgeque ultro; At quis Veſtrū Machinulam hanc denuo aqua exinaniet? probantibusque illis idipſū neque ſuccedente effectu, de nouo orificium machinulæ ore claude, & quantum ſufficit aerem tuum fortiter inſpira, exime, radiumque tenuiſſimum lymphæ in altum ſalientis ſpectantibus viſendū præbe, qui tam diu iocabitur, quantum aeris ad expellendam lympham opportuni intro

DE FONTIBVS PHILOSOPHIÆ PARS II. 63
 intro clausisti. & tum de promisso, a te feliciter exhibito, Victor gloria-
 re. At nonne hoc deliciosius? a quo ad spectaculum sequentis machinæ
 amicos deduces.

PROPOSITIO X.


PROBLEMA X.

Fontem Hydraulicum addensati aeris
 beneficio fabricare.

FIGVRA XXIV.

HAtenus ferè incūbente aquarum vi aerem aggressi sumus &
 feliciter, age nunc ab inferis
 ingentia aquarum molimina in
 exitium eiusdem suscitemus.

Fiat vas ex Aurichalco, cupro, aut alia
 simili solida materia ad Sphæricam rotun-
 datum figuram, habeatque amplum labi-
 um in modum conchæ in quo decidua ab
 aere lympa cōmodè excipi& demum per
 traiectum canalem rursus in antiquā Sta-
 tionem delabi possit. Statuatur aliquan-
 tulum extra labium productus tubulus qui
 in vasis interiora ingressus propè fundum
 consistat clauicula supernè adornatus, Ali-
 us præterea tubulus a fūdo vasis intra vas
 spectet, qui in imo recuruus ad modiolum
 adferruminetur, propè animellā seu Epi-
 glottidem, in eodē fundi loco agglutina-
 bitur eidem tubulo assarium quod ingre-
 diēti aquæ patebit, egredi volenti claud-
 tur. Vas aliud quadrum & patulū instruc-
 tum esto, inferne super cuius fundo stabit
 anthlia cum suo modio & embolo, benè
 firma & immobilis. His ita ritè compara-
 tis ludicrum alicui spectaculum factururus,




refera

refera primò clauiculam A, & F firmiter claude, tum frequenti agitatione Emboli seu pistilli sursum deorsum, sensim ex fundo aquam exhaurias, & per ductus seu canales modiolò agglutinatos in Sphæram, vrgebis tam diu, donec te vehementer grauari & delassari sentias, Post hoc laxabis ostiolum ad A & F concludes, prodibitque ingenti impetu in auras aquæ radius, & nequidquam reluctante grauis natura, in sublime sagittæ in modum euibrabit. Iurares furijs agitatæ aerë qui tam valide hæc flumina an fulmina cōtra superos eiacularur.

Fig.

XXV.



A ostiolū, B E tubulus, C clauicula, D asarium cum animella. E clauicula, F clauicula, G I Embolus seu pistillum, G H modiolus, H animella, L K Vasaquæ.

CONSECTARIUM I.

FIGVRA XXV.

A Quam non vt ante in sublime sed per pēdiculo ad rectos in aereos hostes iacu' abimur. Construaturs vas in modum hemicycli intus cauum, incuius summitate globus cupreus v. g. aqua grauis itatuatur. per quem canaliculus a fundo aliquantum remotus foras traducatur, supernè vt dixi inflexus, cum clauicula ex more. Ibidem tubulus alius esto ab ipso fundo vasis ad fornicem cauum porrectus & vtrinque patulus. Spectaculum igitur amicis facturū tubulū primò supernè aliqua fictili statua conuesti (puta hominis explosuri) & machinam super aquæ superficie colloca, hæc si aliquo pondere aut vrgente manu fuerit deorsū pressa, coget aerē in hemicyclo per tubulū in Sphæra aquæ subire, quæ ad imperiū aduētatis hospitis nolens volens per alterū incuruum canalem foras emigrabit.

CONSECTARIUM II.

S I in superius receptaculum loco Elementaris aquæ Spiritum Vini ter rectificatū infuderis, res mira, excussus (feruente tamen Cælo) per fictile sclopetum tenuissimus vini radius, statim atque amicum senserit aerem, in eū pulchra Matamorphosi se transformabit. Sic porro miraculum nouo Phænomeno exaggerabis, facem eualaturo subde Spiritui, illico flāmam concipiet protheus ne an prometheus nouus? Sed iam a denso ad rarum promoueamus gradum.

PRO.

PROPOSITIO XI.

PROBLEMA XI.


Fons incalescentis aeris virtute, sub
libero Ioue Spectabilis.

FIGVRA XXVI.

Quod Stendi Pragmatijs antecedentibus quo pacto arctari impa-
tiens aer, in aqueum debachetur fu-
riosus Elementum, Nunc quo pacto
æstu an æstro percitus insaniat dispi-
ciamus, Et primo quidem in liberū effusus æ-
rem, tum vitreis cæli arctatus angustijs prode-
at in scenam.

Constructio Machinae & Praxis.

Aptetur machina qualem iam sæpius de-
pinximus, duo receptacula vnum supe-
rius inferius habens alterum, fastigio inferioris
adferruminetur tubus, qui in superius vas
intromittatur, & propè fornicem seu operculum
eius consistat alius, a fundo summi vasis foras
prominens & in tenue discedens osculum cum
clauicula supernè, Tertius addi potest per quē
aqua decidua rursū in subiecto vase recipi possit
habens & ille clauiculam, Hoc posito, Replē
vas superius aqua, similiter & subiectum sed ad
medium duntaxat, tum carbones vasi subijce
donec aqua & aer contentus rarefiant, videbis
que laxata supernè clauicula subtili radio foras
lympham emigrare & petulante subsultu omnem circum viciniam
rorifero imbre aspergere.




PROPOSITIO XII.

PROBLEMA XII.

Fons Aeris rarefacti excitus imperio intra vitrei gurgustij angustias Spectabilis.

FIGURA XXVI.

Non est facile edicere quomodo oculos spectantium afficiat & recreet intra crySTALLINEOS luxurians lymphæ cancellos; quando attenuante se se ad caloris imperium latente spiritu & amplius domicilium ambiente, cogitur debilior & infirmior hospes vasa deferere, & in exterâs vel inuitus emigrare regiones Breuem eius accipe ideam.



Esto Cylinder vitreus superne & inferne pice aut resina cum cera, Terebinthina, aliaue mixtura glutinatus, nullus ut aeri vim passuro pateat egressus.

In medietate fundi delicati oris prominent tubulus qui propè fundum subiecti vasis consistat, transeatque per superius assarium (quod aere rarefacto aperietur, condensato claudetur) Discriminetur porro vas in duo domicilia, quorum vnum ad dimidium aqua oneretur A, reliquum B maneat inane. Fundum cylindri tenui osculo hiet, à quo tubulus ad operculum usque vasis B descendat, habeatque vas B spiraculum C; Facturus itaque periculum, carbones vasi substerne, fietque ut sensim aer & aqua in vase A rarefiant, cumque nullum effugij locum habeant prement aquam deorsum in D, cogentque per syphonem aperto assario in cylindrum euolare, quæ ubi morem gesserit, rorido stillicidio singultiens, factam sibi iniuriam contestabitur.


Tubulus autem lateralis seruiet aeri in cylindro contento ut aduente

DE FONTIBVS PHILOSOPHIÆ PARS II. 67
 tante aqua tantisper cedere queat. Quod si in diaphragmate fuerit
 affarium cum tubulo ad fundum descendente, poterit frigefacto vase
 totus ille humor effusus iterum exorberi, de quo fusius infra.

Alia eiusdem fontis Idea & Syntaxis.

FIGVRA XXVIII.

Commodius forrassè in hunc modum fonticulus iste fabricabitur.
 Super concha iaceat recliuis Vitrea Sphæra, sit autem concha



diaphragmate in duo
 receptacula interstin-
 cta, vnum quidem pa-
 tulum, aliud vero a-
 quæ recipiendæ ido-
 neum. Ducatur dein-
 de tubus a fastigio re-
 ceptaculi vsque ad
 vas inferius aqua ali-
 quousque turgens, &
 alius ex eodem recep-
 taculo prope fundū
 consistens vsque ad
 Sphæram vitream in-
 troeat; Calefacto de-

inde ab igni aere & aqua (vt prius) ascendet aer in concham, & exin-
 de per tubulum aquam lātentem ad Sphæram impellet; Opportebit
 autem in Sphæra fieri vt in priori casu ostiolum egressuro aeri & aquæ
 aptum, quæ si voles super aliam concham aut labium poterit defluere,
 & rursus occulto meatu resorberi vbi aer refrixerit, Conferantur
 figura hæc & præcedens, videbiturque quod in substantia nihil dif-
 ferant. A B est Sphæra vitrea, C D E concha cuprea, F G H Dia-
 phragma, K L tubulus adferruminatus Sphærae qui ingreditur came-
 ram clausam, proximus fundo, M N tubulus prodiens ex Sphæra &
 proximus diaphragmati, O infundibulum cum sua clauicula, P Q Basis
 cui incumbit machina, super qua acerra cum ignibus, seu carbonibus
 collocatur.

PROPOSITIO XIII.


PROBLEMA XIII.

Rupem pyramidalem construere per cuius spiralem orbitam plures Sphærulæ aquarū vi excussæ, indefessa volutione sursū deorsū ferantur, perpetui motus Simiæ.

FIGVRA XXIX.

Non contemnendo Principum viridaria ditaveris auctuario, Si rupem in excelsam assurgentem pyramidem construi feceris, perque confragosa eius segmenta Spirales ductus & cochleas incidi iusseris, sic ut Sphærulæ binæ & plures a summo ad pedem usque festinæ decurrant, & postquam cursum absoluerint nova rursus molitione in altum occultis itineribus sublata iterum atque iterum descendant ascensuræ.

Totum autem misterium in eo consistit ut per ampliorem occultum meatum aqua ab alto descendendo pressione aquam alibi sursum impellat ut docui supra, Hæc enim Sphærulas intra occultos meatus decedentes sursum una secum abripit, & per laterale ostiolum in semitam spiralem extrudet, qua confecta decurrendo cum ad ostio-



DE FONTIBVS PHILOSOPHIÆ PARS II. 69

lū quod ad pedem erit appulerit mole sua incidit in cavernā latentem, vnde eadem vi aquæ ascendens iterato abripietur in sublime, vt prius & sic perpetuo.


Quod si canalem infrā basim pyramidis in plures tubulos distribu-
eris, tota illa laxea moles rore iucundissimo respersa inter liquida
virgulta illacrimabit; Quod si oscula tubulorum animalculis varijs
conuestieris, magnum toti machinæ accedet ornāmentum. Consu-
latur figura. Canalis A B C D, ostiolum A, occultus meatus A E.

PROPOSITIO XIV.

PROBLEMA XIV.

Sphæram Hydrostaticam construere in cuius
centro Geniolus libratus, lento circuitu
horas Babylonicas, Italicas, Plane-
tarias, diu noctuque designet.

FIGVRA XXX.

 lat vas quadrum ex laminis cupreis, stanneis &c. coagmen-
tatum, & diaphragmate in duo receptacula discrimina-
tum, fundum primi tenui osculo pertusum sit, vt aqua in
superiori consistens, sensim in receptaculum inferius de-
labi possit, prouideatur eidem de epistomio infernè & de spiraculo
ad latus

Ita constituto vase pondus aliquod seu incubum aquaticum ex
eadem materia cauum intus fabricabis in forma quadrata, qui
aquæ innatans cum descendente sensim descendendo, cylindrum
supernè adaptatum chorda tenui circumaget; Vt autem lateat mi-
sterium, poterit funis ille occulto tramite per tubum aliquem trans-
mitti, & cylindro (qui Sphæræ crystallinæ in summitate versatilis
incum.

incumbit circumplicari. Huic demum cylindro in ferreo filo appen-



datur geniolus, pisciculus, Syren &c. quod voles monstrum, medijs. in vndis natans. In Sphæræ cingulo horarum. spacia proportionaliter fluxui aquæ poterunt describi; Descendens porro incubus, mediante chorda, cylindrum & consequenter Geniolum dependentem per horarum intervalla lentè circumgyrabit magna spectantium admurmuratione. Quod si in axe cylindri supernè geniolum adferruminaveris aut Aquilam, poterit ea in limbo horas Babylonicas, Italicas, aut etiam Planetarias sine vlla Magnetica tractione monstrare.

Qui eiusmodi miracula virtute magnetica patrata plura velit. Artem Magneticam P. Athanasij Kircheri consulat. Reliqua prudens lector suo-
pte marte facile assequetur.

Incubus A, Diaphragma B, ostiolum C, Cylinder D, Vncus pro chorda E, Geniolus F.

Cum tamen contingere possit, quod non quivis æque facile librum Artis Magneticæ P. Athanasij habere queat, volo, ut gustui talium satisfiat, duas Machi-

nulas adnectere de virtute Magnetica participantes, quarum ope alias plures concipere, facile postea erit.




PROPOSITIO XV.


PROBLEMA XV.

Hydrologium seu fons in quo lacertula occultis
viribus animata, orbem horologum in
plano Verticali inambulan-
do, horas designat.

FIGURA XXXI.

 lat vas cupreum in modum Segmenti cylindrici elabora-
tum: in cuius fronte speculum metallicum planum aptetur
in formam rotundam, aut si velis benè levis & politus orbis
ex ebano A B. in hoc circulus horarum Astronomicarum
describatur. In huius vasis interiori claustro applicetur volubilis ro-
tula circa axes M N, in cuius summitate affigatur fragmentum boni
magnetis ad D v. g. Inducatur deinde & circumplicetur huic orbicu-
lo volubili spartum E F, in cuius extremo appensus sit quadratus asser-
culus aut qui quis aliud aquam premens (sic tamen vt aquæ innatet)
& pondere suo rotulam in motum leniter impellens. Vas porro istud
cylindricum pedi incumbat, per cuius medium (tunc enim mysterium
magis latet) spartum istud transiens immediatè aquam in F conten-
tam continget. Basis porro huius machinulæ a foris cylindrica intus
in formam quadratam concavata erit, habebitque ad G v. g. diaphra-
gma & siphonem inflexum qui isthic adferruminatus foras extra
camerulam in altum protendetur ad H v. g. rursusque descendens
crure altero ad cameram I K ingreditur: tertius denique canaliculus
adferruminabitur in K, K L, habens ad L vertebrulam seu clauiculam
aquæ seu sistendæ seu emittendæ idoneam, in axe ad M erit contra
pon-

pondium M O. quod rotæ aliquam dabit resistantiam ne tam facile



gyretur aut spartum minus tensum effectum suum non præster. Rebus ita comparatis emensoque ad horarum intervalla aquæ fluxu, applicetur ranuncula, viperula, aut etiam auicula papiracea bene picturata modica acu ferrea occultè instructa ad currentem horam; sinaturque sensim per Siphonem G H aqua in cameram I K destillare. hac enim sensim imminuta & decre-
sciente, insensibiliter quadratus asserculus F una descendendo spartum tendet & rotulam lentè circumaget, qua in orbem eunte & ipse affixus magnes in gyrum ibit, ad cuius motum & ipsa à foris lacertula animata horaria intervalla serpendo emetietur; Machinula hæc si dextrè adornata fuerit, mirum quantum oculis intuentium arridebit non enim facile nisi ingeniosus oculus assequetur, quo pacto (ceu viua foret) motu naturali sursum deorsum nullo extrinseco aut vehiculo aut fulcimento nixa gradiatur.



PROPOSITIO XVI.


PROBLEMA XVI.

Hydrologium siue fonticulus in quo auicula
in aere pendula horizontalem horolo-
gum limbum circumuolitando
horas rostro suo designat.

FIGVRA XXXII.

Iisdem omnino principijs & cau-
sis machinula præsens regitur,
nisi quod hic situm horizonta-
lem illic Verticalem obtineat,
descendens enim pondus A cum defluen-
te aqua per foramen B rapit secum spar-
tum rotulæ dentatæ circumplicatum, &
hæc in gyrum lentum animata, maiorem
dentatam rotam D E offensans magnetem
affixum ad E circumducit, quo circumdu-
cto & ales virtute magnetica imbuta or-
bem circumuolitando & ceu amicitias cum
occulto magnete & amasio prænsando ho-
ras in limbo descriptas rostrello suo fide-
lissime designabit. quod si axem maioris
rotæ per ipsum geniolum F G occultis vijs
traduxeris, & ille cum alite sua semper in
Orbem ibit.

Plura eiusmodi curiosum ingenium
poterit ioca comminisci, nobis sufficit lu-
cem aliquam dedisse & aperuisse viam.



K


AP.

DE FONTIBVS PHILOSOPHIÆ PARS II. 75

ta est; cum eodem tympanum cauum constituens: intra hoc tympanum aliud minus H I K L situm est, orbi A B C pariter adferruminatum; E I diaphragma indicat, tympanis & orbi adferruminatum, constans ad E modico foramello; hæc omnia cogitentur claudi anteriorius altero quodam orbe æneo, qui posteriori per A B C repræsentato, æqualis sit; Omnia verò ita cōiungi necesse est, vt neque aeri extrinseco, neque aquæ intra Spacium cauum A B C constitutæ trāsitus dari possit, excepto solo foramello ad E. Hæc interior cōstructio, exterior sic habet: Orbi postico A B C prope axem per M transeuntem affixa est rotula O N nihil differens ab illa rota ex qua in horologijs communibus pondera dependent, & ita constituta est, vt ope illius attractio ponderis P perfici possit, hoc est, vt tracto fune ex parte parui pondusculi se sola circumuoluatur, & ponderis P attractionem promoveat, nihilominus tamen ita se habeat, vt ad nihil ponderis P circumuolui non possit quin simul rotetur tota machina eidem cohærens. In tympano deinde exteriori D E F G affixi sunt varij dentes inæqualibus interuallis (quæ experientia designabit) a se distantes, qui in malleolos supra D positos impingant, vt hi in campanellas recidētes sonum edant: dentes autem ita se habent, vt in R sit vnicus, in S duo tres in T, ac in V quatuor, singuli numero quadrantū respondentes; axi vero M ante orbem anteriorem affixus est index, qui aliquo plano orbe in partes inæquales (quas eadem experientia discere oportet) diuiso quadrantes designabit. Hæc constructio; videamus nunc vsum. Intra spacium A B C aquæ quantitas infundi debet, cui proportionatum pondus ex fune circa rotam O N appenso ex parte opposita suspendendum est, ita vt intra horæ spacium delabente sensim aqua per foramellum E atque idcirco ob imminutum pondus supra diaphragma E I existens, sensim præualeat pondus P, & totam machinam paulatim circumagat donec cessante ponderis oppositi resistentia, vno impetu tota machina circumuoluatur & iterum restituatur in priorem statum: quo facto iterum aqua fluere incipiet, & vt prius dare suæ machinæ idoneū motum. Concipis autem vt opinor facile, quomodo sensim dentes, de quibus supra, impingendo in malleolos peragant officium suum: substantiam solum scripsi, & ob temporis breuitatem meo iudicio satis obscure, sed quam tu modicum speculando, pro acumine ingenij tui facile assequeris, atque ad libitum tuum & quoad figuram, & quoad explicationem clarius diducere poteris, Vides etiam hanc machinam proprie solummodo clepsydræ esse pro vnica hora valentem, neque enim horas designando continuat illas

ordine . quo alia horologia rotatilia solent, nisi vna alteraue adhuc rotula adiungatur, quæ a pondere tympanoque circumgyrato impulsâ illud officium præstet; quod in R. P. Moreti factum esse video, & quod ipsum tu, si volueris facili negotio assequeris sine vltiore mea explanatione.


Petisti etiam vt si fons aliquis, ex alio principio, præter ea quæ tu expressisti deductus occurreret, tibi exponerem. Et video te quidem attigisse principium pressiois aquæ incumbens aut aeris condensati; sed nondum terigisse illud, quando aqua ab alio pondere sibi incumbente violentè comprimitur, atque adeo cogitur in altum exsilire: ex quo non iniucunde fonticulus exhiberi poterit qualè tibi breuissimè designabo. Sint duæ antliæ intra aquam existentes, habeantque singulæ ventilia duo A, B, e quibus A introrsum versus aperiantur, B vero extrorsum, vt communiter in antlijs esse solet. Sint Emboli C habentes



supernè affixum pondus plumbeum & anulū D cui funiculus alligatus sit. Tracto igitur embolo C in fundo antliæ A B constituto, aperietur ventile A & aqua contigua per foramellum ascendet, implebitque antliam: quoniam vero superincumbens embolo pondus, aquam violente comprimit, quæret illa sibi exitum per ventile B tubulum B E F spectans, cogeturque per foramellum F in altum exsilire. vt ergo fluat continuè, poterunt emboli alternatim attrahi, vt dum alter attrahitur, alter interim aquam sufficiat per tubulum E F eiacularandam. quæ si rursus vase inferiore excipiat, poterit iterata attractione rursus in altum deriuari, quod in fonte aliquo manuali æque iucundum dabit spectaculum, quam si ex quocunque alio principio deductus esset. Saliet autem hic fons eo altius quo maiuserit pondus incumbens embolo & foramellum F angustius. Inventionem tibi dedi & substantiam, tu applica Ephod, & illam circumuesti gratiosa pictura & causæ occultatione, neque enim mihi libet aut vacat pingere.

Vt omne trinum sit perfectum, adhuc vnum tibi fonticulum exhibebo, ex principio quidem aeris rarefacti deductum, sed propter diuersam applicationem aliquid noui præferentem. Sit vas A B supernè

pernè clausum lamina aut fundo D E, per cuius medium transeat tubus BC pertingens ad fundum inferiorem: sit deinde globus FGH,



habens ad K foramen, cui tubulus adiunctus sit, pertingens extremitate sua adusque fundum D E; si ergo per foramen ad H constitutum immittatur candela accensa I rarefiet aer intra globum & quærens dilatationem exhibet per K penetrabitque ad vas A B, neque inueniens exitum premet aquam illic existentem & ascendere coget per tubulum B C & exilire per C; & quoniam alius aer densior ex natura rei succedit per foramen H ab inferiore parte candelæ; iterum ille idem rarefiet & causabit aquæ ascensum

ut prior, donec aqua ex vase A B omnis ascenderit. Ita quidem ego iudico: tu si quid contrarium habes, potius hanc speculationem omitte quam proponas. Vale mi dilectissime amice, me ama, & mei memor viue. Dabam Pragæ 17. Martij 1657.

Tuus ut nosti.

Godefridus.

Ita inquam Godefridus; Et etsi in Horologio illo aquatico parum, quid obscuri reliquerit, quod a me elucidari tum quoad eius descriptionem tum figuram (ut ipse in progressu discursus monuerat) debu-erat; tamen eodē pariter ut ipse morbo, ego etiam laboravi, breuitate nempe temporis, opportune enim ut supra dixi litteræ aduolarunt, dum iam vltima pagina partis huius componebatur, vnde solum relicta mihi tantisper morula, materiam transmissam reuidendi & quo legibilior foret transcribendi, eam subito Typographo imprimendam commisi, & obscuritatem hanc cuilibet ingenioso lectori Marte suo proprio eruendam ita reliqui, a me Deo dante alio tempore fusius diducendam.

Quoad alias duas machinulas inibi adductas, difficultatis credo quicquam occurrere, imo facillimè & per quam pulcherrime ab Authore descriptas esse, ut cuilibet primo intuitu ipsæ illucescant.

Restat nunc solum dū fors amplius in opusculo hoc Tui Vir aman-

tissime

tissime mentis non redibit Tibi tot gratias reddere quot vocabulis illud augmentando & condecorando fauisti, penesque veniam incommodorum petere, quæ tot vicibus meis importunis Epistolijs (te tum alijs pulchrioribus materijs tam Philosophicis quam Mathematicis occupatum) attuli. Scio enim Te vir Doctissime nunquam feriari, qui ab incunabulis semper laboribus quidem difficilissimis, at delitiosissimis addictus vixisti. cuius Specimen iam quartus Annus est quod dedisti, in lucem mittendo ingeniosissimum & de materia profundissima tractans Opusculum, supra a me Parte prima citatum, in quo demonstras tuos iuueniles Annos in materia ita difficili, ad quam alias capiendam cæteri vix senes deueniunt, tantum potuisse. Sed scio etiam te non solum in tam abstrusa materia semper occupatum vixisse sed quandoque ad alias Physico Mathematicas Delicias & ad occultum earundem Thesaurum inuestigandum (qui infinitus est) conatus tuos conuertisse, tamque multum in eodem eruendo profecisse, ut ingentem faraginem paucorum Annorum spatio curiosissimorum secretorum in unum coaceruaueris, quos cum Thesaurus tuus sint in occulto detines. Hæc tu semel fortuna arridente (quam tu, sicuti & pariter ego, & ut in mea peregrinatione didici omnes, (exceptis fors paucis) qui Orbi prodesse desiderant aduersam experiuntur) ad utilitatem totius Orbis, & Tibi inde enascuram immortalitatem, Posteritati dedica, neque inter domesticos parietes emori sine. Pro hoc te Amicus tuus rogat, cuius quoque Viue memor, eum ama, sicuti & Tu ab eo amari cupis. Vale.





NOVÆ. ET AMÆNIORIS

DE FONTIBVS PHILOSOPHIAE
PARS TERTIA
THAVMATVRGVS HYDROTECHNICVS.

PRÆLOGIVM.



*Ab solutis fontium fabricis, & explicata per varias
machinulas portentosa vi & potentia in sublime
fontes subrigente, nescio quis tenuis undarum su-
surrus mihi aurem vellicat, ut ad alia fontium
technasmata & stupendas liquorum proprietates
stylum conuertam.*

*Consilium enim mihi est hac Tertia parte (ut in
decursu copiosius patebit) fontium praesidio variè
tentatum Perpetuum mobile, Meteororum mirificam productionem, fluminum
& fontium lapsus & itinera, &c. recensere, & id quidem omissis verbo-
rum ambagibus & fucis planè & dilucidè, neque enim decet ut dum de lene
perspicuoque fluente aquarum radio differitur, asperior & turbidior fluat
Oratio. Sed ad rem.*

PRO.

PROPOSITIO I.

PROBLEMA I.

Machinam construere, Sphæram Mundi
Elementarem referentem.

FIGVRA XXXVI.



ARs Naturæ Simia possitne sic Chymicis rectificationibus aptare liquida, ut vnū ab altero amplexu circulari adstringatur & in motus Cælo æmulos girari queat, asserere nequeo, nam ignoro, Scio quidem Drebellium in Epistola ad Angliæ Regem satis audacter locutum, ut non modo eius rei possibilitatem pronuntiare, sed & inuentorem se asserere non dubitarit, verba eius ex Magnete P. Athanasij Kircheri desumpta placet audiamus.

Ego ut certum faciam me cognitam habere primi mobilis causam, possum construere globum perpetuo secundum cursum ætheris singulis 24. horis semel circumrotabilem, aut toties amplius, quoties mihi visum fuerit, ita ut vel mille annis ne semel fallat: Ostendentem nobis Annos, menses, dies, horas, cursum Solis, Lunæ &c. demum sic habet: Ita in Vitro clauso terram in medio aquæ, aquam in medio aeris, atque aerem in medio ignis suspendo, ut vnum Elementum aliud ambiat, veluti circulus alius alium. Hucusq; ille. Sed nescio quid dicere debeam, speciosius ne an verius sit locutus, siquidem alibi sumptus inculcat, quo minus negotium procedat; Scio etiam & Sæculo nostro plures eiusmodi prodijisse, qui certis quibusdam Chymica Arte præparatis Spiritibus Harmonicos & Sympathicos Cæli motus occulto quodam Magisterio repræsentaturos se iactitarunt, & motum quidem fecerunt, sed nummorum, in Principum marsupijs. Imo ante pauculos Annos eiusmodi Epistolam ad Excellentissimum Virum Dominum MARCVM MARCI Philosophiæ & Medicinæ Doctorem & eximium Mathematicum, Physicum Regni Boemiæ Seniore &c. meumq; tum in Arte Medica Professore datam legi, vbi inter reliqua scribit amicus, vidisse se se in vitreæ Sphæræ Celo, totius Vniuersi viam & explicitam imaginem repræsentatam, compendium omnium rerum sublunarium, idq; beneficio cuiusdam liquoris, chymico magisterio præparati.

Ego

DE FONTIBVS PHILOSOPHIÆ PARS III. 81


Ego cui primo modicum in Chimia partim videre, partim a fide dignis tum audire tum quædam communicata habere contigit, negare non possum, quin non eius ope stupenda miracula tum Medicinam spectando: deploratissimorum morborum felicissimæ curæ, tum Artem Transmutatoriam: Metallorum vnum in aliud conuersiones, tum Magiam Naturalem: variæ curiositates producantur; ita vt in plurimis Natura iam ab Arte pene superata esse videatur; & vt ad propositum quædam commemorem quæ curiosum præferunt. Nonne mirabile quid est, Terram pariter & aquam quandam, secundum lunæ incrementa augeri, & decrementa diminui? nonne stupendum, Plantam arefactam, radice sua solum aquæ cuidam impositam, 3. aut 4. horarum spatio de nouo virescere. Nonne portentosum ex improviso intra Vitrei vasis inane, Siluam Abietum exsurgentem spectare? & vt alia multa omittam, nonne omnem penè fidem excedens, posse Plantas & flosculos diuersos, intra Vitreas Phialas pauco tēporis spatio & semper quando libuerit tã Æstate quam Hyeme ex liquida quadam materia produci? Nonne inquam hæc omnia incredibilia sunt, curiosa & pulchra, & tamen ab Arte ad inuidiam Naturæ experiri se permittunt; Quid tamen dicendum sit ad illud quod Excellentissimo illi Viro scriptum fuit, hic pro nunc ne aut nimis temerarius in credendo, aut detractor in impugnando esse videar, respondere nescio, Scio enim ab alijs possibilitatem rei illius, iam dudum rationibus explosam esse, Scio tamen iterum multa quæ ratio confutauit, Experientiam ad stuporem contradicentium manifestasse; Sed relictis his discursibus, videamus quid porro Ars in Natura possit in proposita machina, quam breui declaratione & Pragmatia amico lectori ita expono.

Quatuor aut quot voles vitreæ Sphæræ sic adaptentur, vt vna intra aliam certo spatio dissita, recipi commodè possit, quibus vt 4. v. g. Elementa ritè referant, certa materia immittetur, de qua mox. In intimam Sphæram materia terrea puta argilla picta, aut lazur, siue smaltum, in secundam ipsum aqueum Elementum, in tertia aer continebitur, in quarta demum Oleum de Been confectum, quod rufo colore ignem referet, quod si eiusmodi oleo careas, Vini Spiritum crociuctum infunde, hic sincerissime ignem defæcatum æmulabitur, Vt porro hæc omnia intra Sphæras suas concentrica consistant omnibus axis (vbi hæmisphæria insimul glutinantur) traijciatur, vt a se inuicem nisi violente discedere non possint. Tandem Machinula hæc in Superficie extima cælestibus zonis, puta Æquatore, Tropicis; Zodiaco, Ecliptica, & imprimis Meridiano conuestietur per quem axis lo

ci vbi degitur traicietur, vt circum polos omnes isti circuli materiales stante vitreo Cælo circumgyrari possint. Quo pacto autem motus induci possit consulatur. Problema XV. XVI. & XVII. Partis II.

Quod si diebus singulis Solem per vnum gradum in Ecliptica promoueas, Sympathicum omnino in terris cursum cælestium Orbium circumuolutioni expressisti.

Quæres quo pacto Sphæræ istæ sibi inuicem inseri & includi possint. Respondeo. aut in officinis vitriarijs in hæmisphæria fundi debere quæ deinde glutinentur. aut certe integra ab artifice in duo hæmisphæria scin-



di, & demum glutinari. Glutinandi vitri rationem optime norunt artifices, Consule si placet P. Athanasij Kircheri Magn: fol. 346. vbi praxim eius breuibus insinuat.

Innueram superius obiter, admiranda quædam Artis Naturizantis Opera, quæ scio plurimis curiosis lectoribus eorundem inscijs, maximum post se rescindi desiderium relictura, vnde vt talibus faueam, libenter aperiam, quantum circa ea tum vidi, tum ab alijs didici:

Videram autem ego in itinere meo apud Virum in Chymicis consummatissimum quem illo ita commendante nominare non possum, flosculorum diuersorum veram & non imaginariam, intra vitreas Phialas productionem, qui ex liquida quadam & quasi vliginosa materia intra Vitreas Phialas Hermetice clausas contenta, modico adhibito calore illico erigebantur & in formalem plantam folijs & floribus onustam desinebant, tamq; diu perdurabant, quamdiu à calore fovebantur At quid tum, videram quidem, Sed Secreti particeps esse non potueram. vnde tristis hinc inde diu multumq; egi, quo illud consequi possem, Tandem amicus quidam meus charissimus pro ingenuitate sua mihi fuit & nescio etiam à quo acceptum pro verissimo mihi

com-

DE FONTIBVS PHILOSOPHIÆ PARS III. 83

communicauit. Ego longo tempore id secretum a secretis habui, & perquam maximè æstimaui credens nec dum cuius cognitum esse. At non dudum contigit quod in librum quendam Germanici Idiomatis inciderim in quo integram operationem illam, publico iuri datam iam reperi: vnde tu Amice charissime qui mihi a secretis habendam commendasti, ignosces, si etiam ego amplius non silebo, & hocce opusculo meo quasi per transennā interserā, tū illam, tum quasdam alias quas non solū a te, sed etiā aliunde consecutus sum. Mundo communicaturus, partim quod ab alijs iam auræ publicæ esse datum video, partim quod proditum breui præuideo. Sit igitur pro illis.

PROPOSITIO II.

PROBLEMA II.

Varia Curiosa Spectacula Artis
Naturizantis efficere.

Flosculi artificiosi intra Vitrum reproductio.

Recipe de semine illius floris aut herbæ quam producere vis quantum sufficit, quod benè maturum colligi debet, aere tranquillo & celo sereno, illudque in vitreo mortario contusum seruetur in vitro probe clauso ne euaporet; In vere deinde nocte vna alteraue in Phiala vitrea sub dio irrorandum expone, ablatumque ante solis Ortum in vasculo reconde; Capiantur etiam ope expansorum mundorum lintheaminum aliquot mensuræ mundi roris quem iterato filtrabis ac destillabis, donec quantitatem notabilem collegeris de fece aut sedimento roris, quod in Salem calcinatum ac denuo in rore destillato solutum semini contuso affundes, vt ad 3. 4. ve digitos supra semen humor emineat.

Hæc in vase congruo pro altitudine naturali herbæ aut floris hermeticè clauso sepelies per mensem in loco humenti, aut fimo equino, videbisque elapso Mense, pelliculam varij coloris humori supernatare, eidemque adherere viscosum quodam sedimentum, humorem vero saturum viriditate tinctum conspicies. Exponatur deinde vitrum, interdiu quidem sereno Soli, noctu vero lunæ ac sideribus, aere vero

pluvio in loco sicco feruetur, ingruenteque iterum serenitate, denuo Soli pateat, donec materia sufficienter excocta sit; Signum porro operis ad finem respicientis est, si materia viscosa sensim in fundo crescat, pellicula vero supernatans depereat, & totus humor in massam vliginosam ingrossescat. Apparebunt etiam Sole subinde valide calido umbratilia quædam herbarum lineamenta, evanido spectaculo sine colore tamen adhuc assurgentia; In fine demum subalbidus quidam cinis in fundo subsidebit, è quo accedente calore modico germinabit ex tempore umbratile quoddam Idolum colore & Specie herbarum aut florem referens, in cuius semine operationem absolvisi. Potest operatio tota, pro operantis felicitate atque auræ favore bimestri tempore absolui, aut etiam in biennium & amplius extendi.

*Integram Abietum Siluam de repente intra Vitream
concauitatem enasci facere.*

R Ecipe Terebinthinæ vulgaris albissimæ lib. i. ponatur in retortam, ad moto recipiente amplissimo, iuncturis non lutatis pro diuersitate oleorum emanantium, & fiat destillatio ex arena. Ex lib. vna semis terebinthinæ elicere poteris libram Semis Spiritus & olei ætherei, postea mutato recipiente immota retorta auctiore igne elice uncias duas olei flauissimi; tum vas adhuc calens mediocriter, ita ut materia in fundo retortæ restibilis adhuc sit fusa ex abrupto auferatur, cauendo ruptionis ex frigore subito appellente periculum: tum eo in loco ubi materia in fundo retortæ restat, palma manus hinc inde leuiter leuiterque deducatur sursum & deorsum, & tandem refrigerata plene materia videbis innumeras abietum formas non sine strepitu erumpere, cum varijs fissuris, per totam vasis circumferentiam, ea proportionem & modum, ut fissuræ illæ abietum formas vndique præferant tanta elegantia, ut magnæ fissuræ truncos, minores ramos, minime folia & fructus denotent, solida autem & fissuris non intercepta materia occupat interstitium quod pro aere existimatur.

Aquam Mineralem diuersas in se virtutes, Arti Naturæ anxiis,

idoneas continentem, conficere.

R Ecipe de Minera Bismuti libras nouem, priusquam vllum ignem experta sit, ponatur in retorta competente, magnoque & capaci appposito recipiente destilletur secundum gradus ignis per horas duode-

DE FONTIBVS PHILOSOPHIÆ PARS III. 35

duodecim, ascendetque aqua quædam tota candida & dulcis, hæc iterum ac tertio rectificata purificatur magisque dulcescit. Cuius hæc virtutes sunt.

Primo Recipe huius aquæ libram vnā, & in vitro competente repone, ita tamen vt tertia pars vitri vacua sit, clausoque probe vitro relinque in loco quieto: videbisque huius aquæ quantitatem semper in plenilunijs augeri, in nouilunijs autem præter partem illam quæ accreuerat, amitti insuper aliam de prima sui quantitate: idque luna cursum suum iterante semper continget, hoc autem notabile, quod aqua illa sub parua æque ac magna mole pondus primum nunquam immutet.

Secundo. In hanc aquam si quamcumque plantam vna cum radice sua totaliter arefactam ita vt in puluerem teri posset solum quoad radicem immittas, ibidemque relinquantur horis 3. aut 4. planta illa de nouo virescet, quasi nunc primum de terra germinaret.

Tertio. Huius item aquæ quantitatem infunde in vitrum & eidem adde aquam destillatam ex herba aut flore quocunque, itemque vncias tres de Sale eiusdem floris aut herbe adijcias, vitrum deinde residuum aqua priore impleatur ad summum, & videbis non sine miraculo intra 2. aut 3. dies crescentem inter medias aquas plantam, ei similem, ex qua Sal & aqua principio accepta erant, & illa plantula moto vitro dissipatur, eodemque denuo quiescente restituitur in præteritum Statum.

PROPOSITIO III.

PROBLEMA III.

Varia Meteora, puta pluuias, niuem, grandinem, tonitrua &c. Ars Naturæ simia æmulatur.



Achina Meteo Technica in hunc modum construi potest. Ex laminis ferri, cupri, aut cuiusvis metalli hemisphærium fiat, eique fundum a foris in modum scutellæ cauæ adornetur: Huic per superius ostium nives, glaciei frusta, vitriolum nitrum &c. ingerantur, & ita machina compendio admirabili absolui-

soluitur. Rore itaque primum Iouiali amicos respersurus, in subiectum angustioris colli vas aquam infunde, & igni admoue, hæc sensim calore in vaporem resoluta, ferrei Cæli tholis adfigitur, rursumque vilabentis frigoris adstricta in frigidum rorem abit, accensos sui spectandi desiderio hospites aspersura.

Si minium aut rubricam in vas Subiectum immiseris, & cum aqua insigniter dilueris, sanguineus imber a cauo Cæli fornice depluet. Si denique iratum mortalibus Iouem mentiri voles, folles adde follibus, & violente Æolum in hemisphærium impelle, tunc enim & niuei flocci & grando, & reliqua irati Iouis instrumenta artoniti spectabunt. Vide quæ de hac re prolixè tractat P. Athan. Kircher. in Magnete.


PROPOSITIO IV.

PROBLEMA IV.

De Instrumento Hydrometrico cuius ope differentia grauitatis liquorum indagatur.

FIGVRA XXXVII.


Formetur instrumentum vitreum huius magnitudinis & formæ ut figura annexa demonstrat id est fiat Sphærula Vitrea A B, cum annexo sibi canaliculo C D, in partes v. g. 10. punctulis colore aliquo imbutis diuiso, ad fundum sphærulæ fiat alia minor E quæ argento viuo per canaliculum immittendo impleatur, obseruatione in immittendo habita ad liquorem in quo Sphærula ad aliquod canaliculi punctum pro libitu librata sit Collo-



cando

DE FONTIBVS PHILOSOPHIÆ PARS III. 87
cando enim argento viuo turgidam Sphæram in liquidum aliquod
puta aquam aut vinum, diligentèr adnotabitur quousque ea merga-
tur, si enim liquor necdum ex punctulis quempiam contingat signum
erit plus de argento viuo addi debere, in tantum illud augendo, quo-
usque Septimum aut Sextum a liquido tangatur punctulum; quod si
vero in vno ex liquidis dictis instrumentum totaliter demergatur & si-
gnificabit nimium de argento viuo inditum esse quod exemptione
modica eiusdem corrigi poterit; Ita præparato instrumento totaliter
ad vsum procedetur. Accipientur differentes liquores pura aqua fon-
tana, fluuiatilis, palustris, marina, Vinum rubrum, album diversæ
sortis inque pocula collocatis mergetur instrumentum iisdem, & quous-
que sphæram immergent canaliculique puncta attingent, diligentèr
adnotabitur fiet enim quod in liquoribus leuioris substantiæ sphæru-
la profundius mergetur inque grauioribus altius prominebit, quæ dif-
ferentia ex punctulis delicatis sibi proximè vicinis per quam iucundo
spectaculo cognoscetur quodque sensibus imperceptibile antea pu-
tabatur hoc allato instrumento quasi quodam cultello Anatomico
clarè patefiet.

Vnde crederem Medicis & æconomis quibus ex substantia graui-
tantium liquorum bonitas indaganda incumbit non abs re futurum
cum faciliiori & infallibiliiori modo hoc haberi alias non queat. Cau-
sam autem cur instrumentum in leuioris substantiæ liquoribus pro-
fundius mergatur, in grauioris nō ita profunde pro nunc adferre distu-
li maiori id operi Deo dante reseruans; vbi fusius de hoc inibi agetur
hic solum promisso stare volens innuere non omisi.



PROPOSITIO V.

PROBLEMA V.

Altitudinem lapsus aquarum explorare.

FIG. XXXVIII. XXXIX. & XXXX.



Via ad pauculos fortasse libellus Dioptræ Geodeticæ a P. Valentino Stanisl in Vniuersitate Carolo Ferdinandæa Praguenſi Mathematicum profefſore per Chriſtophorum Ferdinandũ Turek de Sſturmſfeld & Roſenthal Iuuenem omni virtutum & vitæ modeſtæ titulo præditum, meumque chariſſimum Patruelem, ſollenniter Diſputationi publicæ propoſitus peruenit, in quo Problemate 22. de lapſu aquarum & libramento fuſius agitur; breuem eius methodum Propoſitioni meæ per opportunitam bona venia Authoris hic adducere complacuit.

Voco itaque cum ſupra citato. *libramentum aquæ*. horizontalis plani per quod aqua decurrit decliuitatem. Siue vt vult Ricciolius. Inclinationem aluei per quem hydragogi ad aliquot millia pedum paſſuumue aquas deducunt.

Sit ne porro planum illud verè planum aut potius Sphæræ portio diſputant Clauius & Claramontius. non curo.

Quæres itaque primo, quanta eſſe debeat altitudo fluminis, vnde ad certam horizontalis plani diſtantiã aqua deduci poſſit, Vitruuius diſtantiæ 1000. altitudinem pedum 5. aſſignat. Keplerus vero ait Vitruuium pro aquarum libramento ducentiſimam abſoluti interualli partem requiſiſſe.

Saluo meliore iudicio putarem ego pro ſingulis paſſuum millibus vnum pedem lapſus aſſignari debere pro duobus duos &c. quod etiam Romani aquæ ductores obſeruarunt. Ricciolius in Colmographia ſua millenis paſſibus 5. pedes ſiue paſſum aſſignat vt flumen lente moueatur.

Nota non eſſe neceſſarium vt tubi per quos aquæ deducuntur, in aere ſublimes erigantur, nam eodem effectũ per terram iuxta vallẽ in locum deſideratum promouebuntur.

Nota

DE FONTIBVS PHILOSOPHIÆ PARS III. 89

Nota secundo, nullum fontem sibi relictum sua scaturigine altius processurum, rationem iam supra attuli. Hinc deliberaturus an ex aliquo montium ad alium aquam perducere possis, libellam accipe (de qua mox) & montem explora, quod si enim fuerit altior fonte, altum agis, sin humilior apparuerit, poterit eo aqua deduci.


Instrumentū autem libellandi fontes sicuti & toti Geodesiæ inseruiēs ingeniose nō ita pridem fabricatus est supra citatus P. Valentinus.

quod DIOPTRAM GEODÆTICAM libello super illud in publicum edito intitulauit, sed vt pluribus palam fieret (inopia enim Exemplarium non paucos tam utili instrumento priuos facit) proque maiori commendatione Viri mihi amantissimi (de quo pluribus paulo post) eiusdem fabricam verbis authoris pro bono publico adnectere decreui, habet autem taliter:

Fiat ex materia solida & tractabili puta Ebena, buxo, pyro, pomo, aut etiam ligno Indico, quod flexibilitati mage resistit baculus parallelus pedus, mundissime politus & in modum regulæ aptatus, vnus & dimidiæ circiter vlnæ longus, ad digiti robustioris crassitiem latus. ad A & B extremitates collocentur pinnacidia per quæ deinceps obiecta speculabimur. Fiant autem extremitates cylindricæ vt præfatæ pinnulæ pro arbitrio mensoris torqueri possint. fiat alia regula CD in modum portulæ priori ad rectos insistentis AB ex materia eadem, longitudinis eiusdem, aliquanto tenuior & compressior, quæ infernè aliquantum extans in quadrum excauabitur, vt facilem priori ligno præbeat ingressum, quo ad vsum & votum mensoris deinceps vtrò citroque commeari possit. Infra portulæ fornicem E circa transversum axem mobilis & delicata esto rotula ex qua pinnacidium in delicatissimo appensum filo, sursum deorsum intra portulæ latera agi possit, Ad F perpendiculum esto quod Geodætam manuducet vt cum


M

usus



vsus tulerit AB quidem parallelum horizonti, CD verticalem retineat
stum, (intellige quando altitudines dimetiendæ erunt) alias vice
conuersa. Hoc si negligas grauissimè Geometram in dimetiendis al-
titudinibus rerum necesse est hallucinari.

Pinnacidia autem talia instrumento adaptabuntur. Est lamella
orichalcina quadrata tenuis ABCD, habeatque ostiolum circulare
obiectis benè distinguendis EGF, ad cuius centrum conica pertingat
lamella EHF, huius vertex H minutissimos deinceps apices contactu
suo imaginario designabit. Altera Dioptrarum quæ oculum imme-
diatè contigere solet, si minutum habuerit ostiolum nō est quod aliam
induat figuram. Tres autem requiruntur pinnulæ, Pendula cuius



schema est IKLM
reliquæ in extremi-
tatibus circulariter
mobiles, prior qui-
dem NOPQR
posterior ABCD.

Constituto In-
strumento restat nu-
meros appingere.
Incipiendo itaque
ab vno extremo-
rum quod oculum
respicit, signandus
erit decimus quis-
que gradus suo cha-

ractere, productis post quemuis paululum lineolis, iuxta quas sequen-
tes numeri 10. 20. 30. 40. &c. vsque ad 100. aut si placet 1000. prout
libuerit & tulerit proportio instrumenti scribendi erunt. Demum in
portula iisdem intervallis eosdem characteres poteris adhibere quos
ad duo latera faciem scilicet anteriorem & obliquum latus commodè
inscribes, sic tamen vt denarius siue vnitas a basi portulæ principium
numerationis sortiatur.


Hæc igitur est fabrica. Vsū eiusdē si placet in librandis fontibus.
ita experieris. Si nimirum ex A monte vbi fons incipit per pinnulam
vtramque in C locum quo fontē deducere intendis prospiciens, situm
instrumento dederis horizonti parallelum, quod fiet ope perpendiculī
in medio portulæ dependentis; siquidem enim nec in dextram nec in
sinistram vacillauerit, prospicienti ad C erit C in eadem cum fonte
altitu-

DE FONTIBVS PHILOSOPHIÆ PARS III. 91

altitudine: proinde aqua ex A ad C ægrè admodum pertinet; itaque aliquanto infra C ad D locum humiliorem designa, & certus esteductam per canales aquam ex A in D defluxuram, & hæc ad materiampropositam. Quod autem alios vsus Altimetriæ & Planimetriæ inferuientes attinet de quibus per quam pulcherrime citatus Author inopusculo edito tractat, cum nec locus nec materia nostra requirat eosdem huc adducere ad illud consulendum lectorem curiosum remittimus. de quo vt sibi provideat animitus hortamur. Vniuersam enimGeometriam Practicam paucis pagellis contentam & delitiosissimisfiguris adornatam reperiet. hic constructionem instrumenti insinuasseufficiat.

Si autem ægrè tale haberi posset aut fors non arrideret. en aliud
longe facillimum depromo.

Est parallelipedum ex ligno solido ad amussim & regulam dolum AB, super hoc adglutinetur tubulus vitreus cuius duo crura extrema inflexa perpendiculariter regulæ incumbant, in modum cauerum cylindrorum CD, EF, huic tubo aqua infundatur & ne qua via



elabi possit super-
nè obturetur; ver-
ticibus porrò cylin-
drorum qui æqua-
les esse debebunt,
dioptræ glutinen-
tur G H, per quas
deinceps loca dis-
piciemus ad quæ
aqua erit deducen-
da: præterea distri-
buantur crura illa
CD. EF. in minuta
æqualia intervalla
& characteribus si-

gnentur.

Vsurus itaque instrumento & exploraturus sit ne locus humilior & proportionatus fonti ad quem optas deduci aquam, ad eum locum per dioptras seu pinnacidia prospice, quod si enim aqua æqualibus intervallis a plano eleuata fuerit, erit locus in æquali cum fonte altitudine quod si crus oculo tuo vicinum pauciores aquæ gradus habuerit, erit locus quæsitus humilior: quod si denique crus remotum minus aqua

92 NOVÆ ET AMENIORIS

tenuerit, erit altior quam ut in eum aqua deduci possit. Scio quosdam adhibere quadrata quæ horizontaliter collocant, sed ea non satis mihi probantur; eo quod perpendiculari leui vento facile loco moueantur, & Hydrometram periculo exponunt. Alij longum canalem quem aqua replent adhibere solent qui ad vtrumque extremum conclusus est sed & hic vento obnoxius quam maxime, quo aqua canali incumbens facillimè agitur, & leges æquilibrij violat. His omnibus instrumento meo occurritur,

Altitudinem porrò alicuius defluentis aquæ puta riu, torrentis, piscinæ &c. non facilius quam per cultellationes siue per mensoris altitudines metieris, totum enim aggregatum altitudinum seu proceritatum mensoris, est quæ sita riu, altitudo &c. in exemplo. in Figura xxxix. Sit altitudo A B tum C D, E F, G H, si statura mensoris fuerit 7. pedum multiplica 4. Stationes per 7. prouenient 28. pedes, riu, quæ sita altitudo.

PROPOSITIO VI.

PROBLEMA VI.

Velocitatem aquarum metiri.



Abæus lib. 7. Meteor: praxim adducit explorandæ velocitatis sed Kicciolo Cosmog. l. 2. Cap. 13. non probatur nec mihi: Benedictus Castellus per gallam iniectam velocitatem fluminum piscatur, cui non satis fido, eò quod hæ quandoque transuerso aquarum incurso retundantur & morosius incedant. si erique potest ut fluxus & impetus vndarum duplo celeritatem gallæ superent.

Putarem ego non melius deprehendi posse impetum fluentis aquæ, quam si colore aliquo eam affeceris, puta rubrica, atramento, sanguine, aut viscosa aliqua materia quæ colorem teneat in decursu. Si enim interea dū ad determinatum aliquē scopum pertigerit coloratus liquor tempus fueris dimensus, animaduertes quanta eius sit celeritas. Plura ad hoc propositum inuenies apud Blancanum, Cabæum, Ricciolum, Marium Merfennum &c.

PRO-

PROPOSITIO VII.

PROBLEMA VII.

Cuius figuræ sint arcus ab aquæ delapsu
cum violentia facti explorare.

FIGVRA XXXI.

Aqua Horizontaliter salientes Parabolam figuram affectant.

Difficile ne dicam temerarium est velle in hoc negotio certū
aliquid statuere & determinare, quo pacto nimirum pro-
iectilia aut vnde, horizontaliter salientes per aera ferantur
& quamnam figuram describant; linea enim recta certum
est non posse ad terminum suum deferri, oportet igitur lationem esse
aut circularē, aut Ellipticā, aut Hyperbolā, aut Parabolā: aut aliquam
aliam mediā ex his compositam quā proiecta delapsu suo imitentur,
Cū enim in quolibet proiecto duos motus communiter consideremus,
Naturalē scilicet & violentū; quorū prior normalitendētia, posterior
eā partem versus, versus quē graue plagam accepit feratur. fit vt inde
medius quidā motus ex vtroque temperatus, quo partim naturali ten-
dētia partim violenta ablatione fertur oriatur: & tunc Sectioni Pa-
rabolicæ admodū affiné & analogū, multi & docti Geometræ (quidquid
Galilæus vel Merfenus dicant) pronunciarunt. Nihil hic itaque de
proiectibilibus solidis agam, salientes horizontaliter & cum aliqua
violētia aquæ radios qui Naturam proiectilium induerunt duntaxat
examinare lubet. Quod antequam facio, artificiatæ Parabolæ gene-
sim & Naturam prius expono, propter eos quibus fortasse conicæ Se-
ctiones ignotiores sunt. Scire igitur ante omnia oportet parabolæ Se-
ctionem artificiatam duobus motibus seu lationibus generari posse,
Vna quidem æquabiliter & parallelus horizonti per æqualia spatia
loci & temporis ab A verbi gratia versus G proiecto incedente; al-
tera secundum perpendicularum quasi lapsu naturali ex A in B æquali
quidem tempore, at inæquali incremento & spatij extensione tenden-
te, qui duo motus seu lationes, quibus proiectum defertur iuxta li-
neam

The diagram shows a rectangular frame divided into four vertical sections by three horizontal lines. The top-left corner is labeled G, followed by F, E, and D along the top edge. The bottom-left corner is labeled C, followed by K, I, and H along the bottom edge. On the right side, from top to bottom, are labels A, N, M, L, and B. A smooth curve begins at point C, rises steeply through point Q, then more gradually through point P, and finally reaches point A. Point O lies on the curve between P and A. To the right of the curve, between the horizontal levels of A/N and L/B, there are five 'X' marks arranged horizontally.

Quod si itaque nulla
aquæ radio inesset grauitas
sed neque obuius aer fluxui
obturbaret, accepto semel
impetu recto calle & paral-
lelus Horizonti graderetur

tā diu, donec ab acceptā plaga propagatus & cōtinuatus impetus elan-
guesceret, sisteretque graue in puncto G motionis termino. Cum au-
tem graue congenita ponderitate sua per lineam perpendiculi centro
suo se approximare conetur, necesse est vt in itinere suo duabus mo-
tionibus latum medio quodam tramite incedat; partim quidem ver-
sus G ab impetu delatum, partim ab ipso grauitatis momento, cen-
trum versus ad C prolabendo, ab utroque participans; & a linea A G
(facto arcu A C) diuergens, mixtus scilicet ex parallelo A G & per-
pendiculari G C seu A B, sed age rem adhuc clarius exponamus;

Partiamur spacium AG (quod aqua nisi grauis foret æqualibus temporibus percurreret) in quatuor partes æquales AD, DE, EF, FG , Cum igitur (vt dixi) a grauitatis momento aquæ radius deorsum vrgeatur, quando proiectum siue aqua propter acceptam plagam volet recta linea ad G ex A ferri, dimouebitur simul a linea AD interuallo lineæ AN siue DO quæ est perpendicularis lineæ AB segmentum. Ducantur deinde ex sectionum punctis parallele ipsi AB, DH, EI, FK, GC , Si concipiamus motum seu fluxum corporis continuari, dimouebitur rursus propter eandem rationem a linea AG statim atque lineam EI attigerit, verbi gratia in P tanto interuallo, quantum est spacium AM in linea perpendiculi AB , & sic deinceps a linea AG dimouebitur ad lineam FK interuallo FQ siue AL , donec tandem perueniat ad lineam GC punctum C lineæ normalis AB qui est terminus suæ lationis. sunt enim interualla inter Horizontalem & punctum sectionis seu diuergentiæ æqualia oppositis lateribus vt pote parallelis; similiter & transuersales seu semiordinate æquales sunt oppositis in linea

linea motus Horizontalis AG . His præmissis sequitur æqualibus temporum interuallis inæqualibus diuergentijs graue a linea AG discendens versus C moueri, sic vt interuallo AD respondeat AN quod est primum, interuallo DE spacium NM quod est tertium, interuallo EF spacium ML quintum, demum interuallo EG spacium LB quod est Septimum.

Atqui pari ratione procedunt quadrata AD . AE . AF . AG . siue NO . MP . LQ . BC . illis æqualia: ergo cum tota MA v.g. sit quadrupla partem AN . erit etiam quadratum MP quadruplum ipsius quadrati MO (est enim linea MP seu AE dupla ipsius AD seu NO ex hypothesi, ergo quadratum quadruplum) pariter discurrendū de alijs. Quia AL est nouemcupla ipsius AM , erit quadratum LQ nouemcuplum quadrati MP seu AE , & sic deinceps. ductus ergo linea $AOPQC$. est figura semiparabolæ. Est enim parabolicae lineæ proprietas vt semiordinatarum quadrata sint inter se, vt axis parabolæ & partes a parabola & semiordinata interceptæ. v.g. vt quadratum semiordinatæ BC . ad quadratum semiordinatæ LQ . sic se habeat, quemadmodum axis AB ad segmentum interceptum AL , quod si enim hanc proprietatem habuerit ducta linea $AOPQC$ parabola erit. Proiectum igitur & quod proiecti rationem induit saliens aqua ad Parabolā proximè accedit, quod erat probandum.

Dixi proximè accedere, nam (vt benè P. Athanasius in Musurgia sua de fluxu globi a tormēto excussi agens animaduertit) certi aliquid in hoc puncto citra temeritatis & proprii arbitrij notam vix asseri potest, Causam subdit ille, quia (inquit) non est fundamentum ex quo sectio hæc Parabolica generetur; deficiente autem fundamento deficiunt etiam sectionum affectiones, Aio ego nō tam ad fundamenti defectum (nam potentia intellectuales extra materiam figuras sibi fingunt vt aliquid postea eliciant & applicēt ad materiā) quā ad incōstantem & inordinatum aquæ fluxum recurri oportere. hæc enim modo violentius, modo remissius, alias largius quandoq; strictius ab orificio in aera eluctatur. Tuborum itaque & orificiorum constare nobis debet ratio, maiore enim hiato magis ad perpendicularum, augustiore orificio quasi vires in vnum colligens a perpendicularo magis diuergit. Præterea alia est ratio ab alto, alia ex humili labentis, nam impetus temporis progressu ita in proiectis elanguescit, vt demum omnino perpendiculariter ferantur, & tunc destruitur parabola. Si quis proinde infallibiter de hoc argumento loqui auet, hæc prius sibi soluenda existimet Primo. Quibus incrementis ferantur proiecta. Secundo. Quantam

vim


96 NOVA ET AMENIORIS
 vim ab aere resistente patiantur. Tertio Quantis decrementis impetus
 a plaga causatus elanguescat. Quarto. Quanta debeat esse
 potentia quæ aquam determinet ad hanc illamue lationem seu intē-
 sionem & remissionem tendentiæ. Demum quæ sit ratio ponderitatis
 aquæ in aere &c. quæ nisi solvantur apparenter solum & ferè euanidis
 discursibus argumenti difficultas proponitur.

PROPOSITIO VIII.

PROBLEMA VIII.

Ad summa montium & domorum fastigia a-
 quam attollere, aut per confragosas rupium
 crepidines in sublime euectam alio rur-
 sum in valles & humilia loca deriuare.

FIG. XXXXII. & XXXXIII.

 Nnui supra Parte prima eum esse aquarum genium ut
 sibimet relictus memor originis suæ semper viuat, neque
 vnquam fastuoso supercilio eam supergrediatur; hinc aut
 in æquali cum fonte subsistet, aut si longo deducatur calle
 in liberum effusus aerem aliquanto humilior profiliet, arte igitur & in-
 genio opus ut animos in sublime surrigat.

Scio multos multa in hoc negotio scripsisse & varia passim machi-
 namenta excogitasse, quibus aquam supra naturalem instinctu erige-
 rent, Consulatur Archimedes, Guidus Vbaldus de Marchionibus &c.

Nihil hic proinde agam de spirali Helica, non de cochleis in subli-
 me aquas deuehentibus, neque de Antlijs quas vulgo pompas vocant
 quæ alterno ascensu & descensu aquas exsorbent & ad altissima mon-
 tium deuehunt hauriendo; Hæc etenim penè omnia perrenè fluentis
 aquæ suffragio, aut rotarum indefessa motione opus habent, & quo-
 tus quisque præterlabentis aquæ vicinia gaudet vertex? facilius au-
 tem piscinas stagna fontes reperies.

Solum igitur dicam quo pacto Hydrostaticæ beneficio præponde-
 rans in longiore fistula seu perpendiculo vis aquæ, aliam in breuiore
 crure


DE FONTIBVS PHILOSOPHIÆ PARS III. 97

erure seu fistula contentam suo pte pondere & delapsu in præceps quasi per suæctum in sublime attollat exhauriendo.

Datum igitur sit stagnū aut puteus ad pedem vicini collis, ad quem aquam deriuari & attolli desideres. Canalis C D in subiectum stagnū immittatur qui secundum crepidines montis ad verticem vsque seu rectus seu obliquus prout tulerit necessitas ascendat: Similiter alius a postica v.g. montis facie priore tamen demissior seu profundior eodem attollatur, qui cū priore concurrens vasi adferruminetur in A, prominente introrsum & producto canaliculo ad B, ad A clauicula esto, vti & in fundo vasis F, in G vero canalis hauriendo Spiritui idoneus sicuti & H K aquæ infundendæ deferuiturus.

His ita comparatis vtrumque ostiolum D E claudere, & per H cana-

Fig: XXXXII.




lem aquam infunde, tum vterque tubus vti & vas I M repleatur clauso deinde benè canaliculo H G A ostiola D E referentur, incipietque aqua ex Stagno puteoue ad D exhauriri, & sum sublatā per longiorem ductum L E descendens, continuum vrgerē ascensum, habebiturque in vase I M ad vsus quotidianos copiosa aqua. Cum enim hauriendum erit, solum opus est clauiculam A claudere, & G aeri laxare, aperto enim epistomio F ad satietatem & abundantiam contentus vase humor fluet; Posteaquā vero vas totum fuerit exinanitum denuo canaliculum G & tubulum F obturabis, & alternis per interualla clauiculæ A gyrationibus nunc aperiendo nunc claudendo aquam per D ascendentem ad inane vas prolicies, donec ad summum vt ante repleatur ad vsum.

Opportet autē apertionem esse valdè moderatam & ostiolum proportionatum canali, ne egressus aer ex vase & aquę descendenti per L E permixtus perpendiculi pondus alleuiet, & sic tota quod aiunt hæreat aqua, nullo operæ pretio.

Sic porro si prior methodus operosior ex piscinis, stagnis, lacubus, puteis, fluminibus &c. alioversum etiam non obstantibus quibuslibet promontorijs, collibus, montibus &c. in loca tamen profundiora poteris exhauriendo aquas deducere magno sumptuum compendio.

Esto stagnum A ex quo velis non perfosso monte ABC in conuallem Caquam deriuari: fiat canalis ex plumbo, ære, vel alia durabili materia qui ex stagno A ad superciliū montis B siue rectus siue incuruus



ut hic, ascendat, indeque rursus continuatus procedat vsque ad C, in fastigio sit canalis cum clauicula B, per quem primo aqua in præfatos tubos, interea ad A & C clausos, infundetur ad summum oris B, tum obturabis rursus B & referatis ostiolis A C liberum aquæ descensum dabis, quoniam igitur perpendiculum B C longius per-

pendiculo B A, præponderabit pondus aquæ B C & superabit. fluet ergo per ostiolum C tam diu, quam diu voles, & aquam in stagno A contentam hauriendo exhauriet sic semel, sic semper.

Si quandoque cursum fluentis aquæ sistere placeat, clauicula C duntaxat ostiolum oppressulandum erit, qua subinde refferata iterum ut ante aqua fluet.

CONSECTARIUM I.

Aquam ex piscina non perfosso aggere in locum decliniorum alioversum deriuare.

Erat incuruus Syphon vna parte productior, huius breuior pars in piscinam aut stagnum immittatur, pars longior extra spectet, attracta semel a foris per os tubi aqua tum primum fluere desinet cum nihil in piscina fuerit super. Hac pragmatia, citra vllum aggeris discrimen magno præterea compendio stagna, lacunæ, paludes, &c. poterunt euacuari.



CONSECTARIVM II.

FIGVRA XXXIV.

*Vrceum construere ex quo nihil haurias nisi ad
summa labra liquor constiterit.*

ESto Vrceus aliquis N. 1. A B C, huic incuruum immitte Syphonem D E F qui ad D fundum respiciat, ad F foras aliquantulum exporrectus & humilior descendat, Quod si igitur voles vt per osculum F infusus liquor exiliat, opuserit ad summa labra A B humido repleti sic vt totus Syphon occultetur, tum enim prædominante longiore perpendiculo E F, semel exorsus nesciet modum ponere, donec totum vas exinanierit.



CONSECTARIVM III.

Craterem fabricare ex quo nihil delibes nisi ad certum tempus.

ESto crater N. 2. E F D, in duo spatia diaphragmate A B inter-
stinctus, habeat autem diaphragma tenue ostiolum C, quo infusus liquor per F G lentè destillare in subiectam concamerationem possit, in eadem statuatur vt prius incuruus syphon D H E, foras spectans vno crure, altero fundum respiciens, sic vt crus H E altero sit longius seu profundius. Hospitibus igitur bibendi auidis orexin facturus, liberaliter ad supremum os vsque craterem vino ingurgita & bibenti fac copiam. Prius eos patientia deficiet quam vel guttam inde eliciant. Nam liquor superiori contentus domicilio lentè admodum per ostiolum C destillat, qui nisi totus defluerit vt syphonem adæquet, nullam omnino bibendi copiam præbet: Sed ne supponere quidem inde bibi poterit, si labrum aut omnino planum aut circulare fuerit, vt in adiecto schemate videre est.

Auem fictitiam efformare qua datum liquorem exsorbere videatur.

QUod efformetur ex aliqua fictili materia auis puta ciconia, per quam
Esset laterculus delicatus syphon trahatur sic, ut rostro ad fundum
Quod poculi aut vitri pertingat, attracto itaque a parte longiore
 cruris violente aere, contentus in vitro liquor vitro consequetur dum
 totus exsorbeatur; putabit vulgus ab aue dictum humorem epotari.
 Res iisdem nititur principiis quibus reliqua præiudicio scilicet per-
 pendiculi longiore ductu crur brevius superantis.

PROPOSITIO IX.

PROBLEMA IX.

Alia Methodo aquam in sublimem vergere.

FIGURA XXXV.



Aliam aquam in sublimem adducendi Methodum aliquanto
 fortasse operosior, at non minus utilem & ingeniosam,
 & quandoque habilioris usus humanis subijcio.

Datus sit rivulus aliquis ad pedem montis, aut etiam in
 plano lento decurrens tra nite, quem in locum editiorem impellere
 aueas, Aptetur receptaculum AB, cum duobus in fundo osculis sy-
 phonum CDF, qui in cucurbitas GH immittantur. Ex cucurbita G,
 ascendat rubus RQ in cucurbitam supremam K, & exinde alius O,
 per quem ultimatè aqua ascendens exiliat foras.

Ex eadè K cucurbita parvus Syphunculus habens claviculā rece-
 ptaculo N adferruminatus ascendat, alius itè ex vase H educatur, per-
 tingens

DE FONTIBVS PHILOSOPHIÆ PARS III. 101

tingens vsque ad idem receptaculum N, ac tandem ad I delicatus pro-

cedat tubulus cucurbitæ H ad ferruminatus. habebit autem tam sy-

phon C D ad D clauiculam, quam F, vt pro libitu laxatis cucurbitis aqua exindè emit-

ti possit. Et sic totam machinam construxisti.

Nota vero casum hunc supponere quod a fonte riui A fabricari possit locus humilior fonte, vt hic factum vides; alioquin negotium non procedit. Hoc enim stratagemate fallenda est Natura, vt supra originem suam promoueri possit, de quo fusius alibi.


Cum igitur voles aquam ad receptaculum A B deciduam sursum contra naturam impelli, aperto ad D syphone sine aquam per C D delabi, quæ replendo cucurbitam G, coget Spiritum partim in vas H partim K, qui occupaturus Spatium H expellit inde hospitem per ductum E S ad receptaculum N; occupaturus vero K, expellet aquam per ductum ad O,

Nota Secundo aquam in N, per canaliculum M in cucurbi-

tam prius debere defluere donec repleatur ad summum, quod fiet si ad T tubulum clauseris, sic vt pressus aer ex G non in K sed E S tubulum aquam in H latentem cogat: quæ ex N per M descendendo cucurbitam replebit. Habita iam aqua in K refert T & vt prius monui negotium aggredere.

Nota Tertio posteaquam vas G fuerit aqua repletum, rursus aperta clauiculi exinanendum esse, Reliqua quæ occurrere possant ne longior sim laboris & Artificis prudentiæ relinquo.

PRO-



PROPOSITIO X.

PROBLEMA X.


Fontem Marinis æstibus coæuum fabricare.

FIGVRA XXXXVI.



Vm reciprocis maris æstibus nuper studiosius inhzrerẽ, cogitare venit posset ne Ars Naturæ simia in hoc tam grandi mysterio & arcano aliquo pacto ipsam æmulari Naturam, in qua cogitatione defixo inflexus Heronis Sypho succurrit, opportunus nimirum cogitationi huic in praxim deducendẽ minister. Cũ enim impleto incuruo Syphone aqua propter longius perpendicularum in FE quam sit ED, N. 2. cogat aquam quæ est in ED defluente & prægrauante aqua FE ascendere ad E, quæ fuit in E, sequitur necessario quidquid est in vase FC cylindrico exhauriri. Concipiamus itaque ex vase seu recipiente GHA aquam per tubulum AB defluere ad C & impleri Cylindrum EC vsque ad E altitudinem cruris DE, aperto epistomiolo ad I prægrauante aquæ perpendiculo longiori in EF, fluet aqua ex F & vt ita dicam ne vacuum in medio relinquatur trahet in locum sui aquam quæ est in crure ED & consequenter debet subsequi aqua quæ est in Cylindro EC donec tota exhauriatur. Quod si iam aquæ quantitatem

Fig. XXXXVI.



DE FONTIBVS PHILOSOPHIÆ PARS III. 103

sex horarum interuallo commensurauerimus; vt nimirum aqua quæ est in recipiente *G A H* sex horas in delapsu consumat, donec tota effluat ad superficiem Syphonis *E* pertingendo, mensuram dedimus ætibus marinis siue incrementis artificiose exprimendis. Decrementa porro exhibebit eiusdem aquæ per inflexum Syphonem eodem horarum interuallo descensus. Quanta autem debeat esse aquæ quantitas, & tubulorum proportio vt præcise fluxus aquæ tempori præfixo commensuretur, ipsa experientia melius docebere. Eiusmodi igitur fontem construere poteris qualem in præsentî diagrammatæ exhibeo *N 1*. *A B C D* quadratum recipiens siue camera pro aqua, *G H I* canalis occultus ex fundo basis descendens & infernè basi cylindri ad *I* adferruminatus, per quem aqua ex vase occultis tramitibus & inuisa in cylindrum deferatur, sic vt ne incrementorum artificium ab obuijs notari possit: Tubulus alter incuruus prope basim cylindri *K M N* occulte ascendat & in parallelepipedam machinam ad *M* ingreditur, descendatque circiter ad *N*, Vtraque hæc machinula cylinder nimirum & quadratum parallelepidum basi alicui superstant, quæ est inanis & aquæ recipiendæ ac per *N* defluxæ capax. Ætius itaque maris expressurus, sine aqua quæ in *A B C D* est, per *G* defluat in Cylindrum, qui descensus durabit sex horarum interuallo, cuiusmodi esse solent vbi maxima sunt maris incrementa. Decrementa dabit eadem aqua eodem interuallo per Syphonem *K L N*, descensura. Iuuabit porro afforis cylindrum signari, vt tanto & venustius & melius incrementa aquarum & decrementa notari possint.

C O N S E C T A R I V M.

¶ X hoc principio diuersa horologia diuersæ aquarum quantitati & tubulorum proportioni accomodata formari possunt pro arbitrio curiosi cuiusuis genij. Machinam ego concepi Vniuersalem in se horologia diuersa Motumque siderum & alia perquam pulcherrima referentem quam pro nunc innuo, Deo dante opportuniori tempori & loco destinatam.



PRO-

PROPOSITIO XI.

PROBLEMA XI.


Aeris rarefacti & addensati beneficio
motum perennem tentare.

FIGURA XXXXVII.



Vamuis multi multa in hoc negotio ingeniosa sanè commenti sint quæ recensere hic longum esset, Tadiumque lectoribus pareret tum fusa earundem descriptio, tum Sumptuosus machinarum apparatus; Ego compendio & facilitati studens hanc experiundi motus in eo rationem.

Fiat vas siue æneum cupreum velis, siue etiam vitreum in Sphæram rotundatum; ab huius fundo ascendat tubulus per assarium extra concham modicè sublatum; alius item incuruus Syphon, cuius assarium fundo conchæ adferruminetur, reliqua pars prope fundum consistat parum remota. Ita constructo vase opus erit ad dimidium circiter aqua repleri & soli calido exponi. Tum enim incalescens sensim aer incipiet dilatare philauteria sua, & aquam subiectam ceu quidam incubus premere, quæ tempore cedens per tubum aperto assario in concham defiliet. Vbi vero Sol æstum posuerit puta occumbens, rursus retrahet se aer ad spatia antiqua, apertoque assario Syphunculi aquam è concha exorbe-



hic


Nota machinamentum hoc non semper effectum suum sortiturum maxime in partibus nostris septentrionalibus, vbi maiore anni parte hybernum frigus aut saltem eius reliquæ aerem exasperant, Calidiores itaque oportet prætolari Soles vti sunt Mense Iunio, Iulio, Augusto. Qui zonam torridam incolunt, felicius hæc experimenta aggredientur vtpotè quibus semper Sol verticalis incumbit.

Alia perpetui motus a Sole dependentis Idea.

FIGVRA XXXXVIII.

Esto Sphæra vitrea ABCD, habens diabetem seu duos tubulos, quorum alter per medium alterius transiens a summo vertice ad fundum vsque vasis HI, non tamen illud contingendo descendat, repræsentatus litteris CDGEF, immissa deinde in vitream Sphæram ad dimidium circiter aqua vi-

Fig. XXXXVIII.



debis ad aduentum Solis aut etiam caloris alius, aerem in Sphæra conclusum sensim rarefieri & ampliora spatia captare quod cum facere non possit nisi foras aquam expellendo; premet igitur impatiens incubus, & coget subiectam vndam in tubum laxiorem ascendere vsque ad C summum scilicet verticem, quo vbi peruentum erit incipiet lentè sublatu humor per tubulum angustiorè delabi in subiectum vas, HI donec iterum aer abscedente Solis calore sensim frigescere incipiat: tunc enim ceu facti penitēs coarctare

re se se, constringere, & in angustiores locum, urgere incipit, quod dum molitur substituit in desertas abs se stationes ex vase HI quas ante angustiarum impatiens excusserat undas. Sole demum post liminia redeunte rursus rarefactus antiquam repetet operationem sic semel sic iterum, sic semper, Causa enim eadem manente, effectus idem sequatur necesse est.


PROPOSITIO XII.

PROBLEMA XII.

Theodori Moreti Societatis Iesu in Vniuersitate Carolo Ferdinanda Pragensi Mathematicum emeriti & Doctissimi Professoris.

Fons perpetuus Solaribus motibus coæuus.

FIGVRA XXXIX.

 Amestiantecedenti Propositione amicum lectorem docuerim quo pacto alterna aeris solisque vicissitudine perpetuum fontem construere possimus: placet nihilominus alienos etiam satis & maximè amicorum in partem honoris vocare & ostendere, vnā eandemque rem diuersis vijs & molitionibus absolui posse, nec adeo pauperem esse naturam vt vni solum methodo sit affixa. P. Theodorus Moretus emeritus & Doctissimus in Vniuersitate Pragensi Mathematicum Professor eiusmodi perpetuando motui machinulam est commentus: (quam etiam mihi sæpius videre contigit cum pro amicitia familiarius cum eius Successoribus isthic agerem: Oblongus vitreus tubulus ex vase cubico in altum assurgebat in summo apice Sphæram affectans qualem ferè figura præsens exhibet. ab imo vasis tubulus seu diabetes ascendebat qui in priorem laxiorem subintrans extra Sphæram collo vitreo incumbentem exporrigebatur, Sole itaque vehementius Sphæram incendente, conten-


tus

DE FONTIBVS PHILOSOPHIÆ PARS III. 107

tus aer angustiarum

Fig.

XXXXIX



impatiens distendebat se se & aquam vase inferiore contentam premens, per osculum A in canalem AB violente protrudebat ita vt quandoque limites B transgrederetur vnda, plerumque tamen ad C vel D subsistebat quam postea nocturnum frigus frigefacta Sphærule rursus exsorbebat & retrahebat, ita vt quandoque ne gutta quidem in patulo vitro appareret. lubet Authoris verba, quæ ex doctissimo quodam eius opusculo excerptimus huc eruditionis gratia inferere Prob. Math. 3. 11. de fontibus.

In perpetuando fontium artificiali fluxu multis sudor fluxit copiosior & diuturnior. Ego Solis motui coeternum dari in Natura posse in Arte nullus dubito. In natura ad locum unde exeunt fontes reuertuntur vt iterum fluant, id est a Mari in sublimem aerem, & inde in rorem & niuem & nimbum & fontigenas lacus. Ab arte habemus diurnam aeris inductionem intra conclusa vasa, & nocturnam frigore constipationem, ex quo illos passim notos frigorū calorumque indices vitreos canales vitreo globo continuatos fabrefacimus, in quibus quod nox frigidum addensans aerem absorbet aqua, id repellit diurnus calor. Quid autem vetat Heronem Ctesibium eius-

que in anthlīs secretas epiglottides siue vt vocant ventilia aut animellas hic amulari, & quod assuxit nox, expellendum præbere diei in vas sublimius eo ex quo aquam assugebant nocturna frigora, vt eidem aquæ ex alto labenti in profundum & salire isthic liceat, & rursus a nocturnis frigoribus ad suum locum restitui. Fontem ergo dare est qui dum Sol gyrabitur perpetuo saliet. nihil enim aliud perpetuando fonti deest nisi vt aqua labens quæ nunquam originis suæ caput vt repetat adduci vlllo astu potest perpetuam quæ tantum defectum suppleat eleuatricem causam nanciscatur. Suppetias autem has vt in gutta adfert globulus aeris tantillus, ita maiori moli suum suppar & proportionatum aderit auxilium. hucusque verba Authoris.

Vidi ingeniosissimi huius viri plures alias fontanas machinulas in eius musæo, quibus libenter supellectilem hanc meam nobilitassem, nisi me tunc longè alia meditantem penè inopina cogitatio Praga eripuisset, Patremque Valentinum ibidem tunc actu Professore Roma ad se euocatum mihiq; auulsum in Indias Orientales (quo quidem

108 NOVÆ ET AMENIORIS
iam pridem illum anhelare suspicatus sum) designasset.

PROPOSITIO XIII.

PROBLEMA XIII.

Machina Hydraulico Pneumatica Kircheriana, qua aeris alterna vicissitudine, nunc rarefcentis, nunc addensati motus perennis specimen exhibere conatur.

FIGURA L.



Vm iam penè prælo Philosophiam hanc meam Hydraulico pneumaticam subijcerem commodè ad manus meas venit Epistola amici sincerissimi R. P. Valentini Stapsel Pragensis olim Mathematici, nunc Romæ commorantis in qua ad instantiam meam suum mihi motus perpetui olim tentati, & publicè in Carolina Vniuersitate disputationi propositi, & cum plausu omnium excepti transmisit, cui & hunc quem mox subijcio auctuarij loco ad materiam meam locupletandam & eruditissimi viri Athanasij Kircheri famam ampliandam me urgente & tantum non imperante adiunxit. Sic porro descriptio fabricæ Hydraulico pneumaticæ Kircherianæ habet, Verba sunt Authoris.

Vas est vitreum C A D, fundum habens cupreum C B D tali cœgmentatum arte ipsi vasi, vt aeri sit vas omnino imperuium. Quaternis id sustentatur collumellis quibus subijcitur vas alterum I K, cupreum & clausum vndique, quod tamen patulum superius esse possit. Ex fundo C B D, per vnâ columnarum deducitur ad fundum vsque vasis I K Sypho N O, instructus superius assario seu platismatio (ego animellam voco) quod versus interiorem vasis partem aperiri potest, & claudi, Eidem fundo C B D inditus est apud B alius syphunculus eius formæ quem figura L ad latus posita repræsentat, instructus platismatio

matio quod versus exteriorem vasis partem aperiri potest & claudi, Huius Syphunculi pars posterior qua vas contingit effigiata est in trochleam, vt eximi vbi opus fuerit ac reponi possit. Tandem in medio machinæ stat receptaculum H cum prominente inferius canali,


quo vasi I K inditur. Receptaculo H coagmentata est singulari arte rotula F E haustris in circuitu instructa, campanulaque G & malleolo F qui rotulæ circumuolutione illisus campanulæ sonum edat. Receptaculum H cum suo canali refert schema M.

Vsus huius machinæ hic est. Exempto syphunculo B impletur vas C A D ad medietatem vsque plus minus, & reponitur Syphunculus B trochleaque conuoluta ita obstruitur os B vt aeri sit imperium. Interdum igitur dum incalescit aut intepescit circumstans aer, rarefit qui inclusus in vase C A D latet. maioremque locum quærens premit aquam; aqua pressa, premit versus exteriores partes platismatium Syphunculi B & exitum nata,

stillat intra haustra rotulæ F E; haustra vero pondere prægrauata dum deorsum tendunt vertunt rotulam, rotula eleuat ac deprimit malleolum, ac in sonum animat; interim vero haustrorum aqua deoneratur intra vas H & per eius canalem defluit in receptaculum I K, Cum vero frigescit aer circumstans noctu aut quocunque tempore, aer vasis C A D constringitur, & minorem occupans locum aduocat aliud corpus; vnde suctu eius aperitur platismatium syphonis N & per istum syphone mattrahitur aqua in receptaculum I K collocata. hucusque.

Author: Scribit porro amicus meus machinulâ hanc non modo ad incalescentis aeris aut frigescens alternam vicissitudinem moueri sed ad ipsam manus calidæ ad summam vasis vitrei C A D applicationem

con-



110 NOVÆ ET AMENIORIS
contingere. Vnde cum sæpius hospitum aduenarum complexionem
curiosus obseruare vellet, iussisse, vt singuli successiue manibus hanc
machinulam contrectarent, qui enim calidioris erant temperamenti,
statim aquas contactu suo eliciebant, qui vero frigidioris, tardius &
in minori quantitate aquam in haustra irritabant.

PROPOSITIO XIV.

PROBLEMA XIV.

Machina Hydrostatica Bettiniana motus
perpetui Specimen referens.

FIGURA LI.



Arius Bettinus in reliqua ingeniosissima Apiariorum suo-
rum suppellectile hanc perpetui motus a se tentati machi-
nam adducit.


Est receptaculum aquæ AB, & in hoc super basi CD in-
sistens vas aliud EF, ad A plantata sit rota denticulis & haustris per
circuitum probè instructa. hanc pone circa axem IL, volubilis & in-
clinatus cylinder statuatur. canali seu spirali tubulo (Archimedis co-
chleam vocant) ab imo ad summum serpentis in modum ascendente,
circumdatus. extremum cylindri ambiat timpanum vel rotula denta-
ta K, Vas superiur propè fundum ex latere habeat canalem horizon-
ti æquidistantem MN, per quem aqua aperto epistomiolo cum libue-
rit decurrere & in subiecta haustra rotæ per N delabi possit, quibus ab-
solutis fabricam perpetui motus æmulam construximus.

Quod si enim dictus Cylinder modice (animaduertendum enim
est, ne tota cochlea in parte inferiori demergatur præterquam quod
enim obisteret vehementer motui vt pote oppido grauata; minus e-
tiam aquæ ne dicam nihil exhauriret quod experientia & ratione
certum est) in subiectam aquam demersus fuerit, sic vt sinuosi canalis
imum osculum P aquam haurire possit; fiet vt defluente per canalem
MN super haustra rotæ aqua ex vase EF ipsa rota in gyrum agi inci-
piat, vnaque secum (rotulam K denticulis suis offensans) in motum

cir-

DE FONTIBVS PHILOSOPHIÆ PARS III. III

circularem cylindrum inclinatum I K L resoluat, atque ita aqua per ostiolum P ingressa ascendendo descēdens & descendendo ascendens ad extremum osculum sursum deferetur & in subiectum vas E F, defluet. (quod iam olim Archimedes, & post hunc Guidus Vbaldus & nouissimè Alphonsus ab Ileo nobilis Parmensis plurimis experiētijs



& rationibus comprobarunt) illudque aquis indefinenter manantibus onerando & replendo iugem etiam Cylindri motum defluus aquæ radius in rotam G H illapsus causabit. Aqua enim circumuolutione Cylindri ab imo osculo P, ad summitatem (quasi lapsu & pondere naturali) deuecta, perennem materiam rotæ mouendæ subministrabit, atque ita perennis motus speciem dabit.

Quod si quis ita machinam hanc adornet quo tātum aquæ in vas E F refundatur, quantum per canalem M N in rotam G H defluit num ille motum (quem tot sæcula operosè indagarunt) perennem est assecutus.

Et hæc est nostra & Marij Bettini ex Archimedeæ coch-

lea deducta de motu perenni speculatio ad cuius meliorem successum & spem aliquam viciniorem motus perpetuandi, obseruari diligenter velim sequentia.

Primo multiplicandos esse canales seu tubulos circa cylindrum, sic enim copiosior aqua in supremum vas E F deuehetur: cum enim, ascensus iste aquarum non causetur ratione vacui aquam in sublimè vrgentis: sed neque vlla violenta aquarum conuulsio aut subsultus fiat, quin imo suo pte pondere descēdendo aqua seipsam in altum promoueat, non requiretur ad motum cylindri multò potentior potentia quam si vnica duntaxat spira in sublimè promota fuisset.

Secun-

Secundo Expedire ut sinuosi isti canales acrius inter se conueniant, maioribusque interuallis in Cylindro dissipentur, sic enim in æquali cylindri longitudine altius aqua euehent, poterit enim tunc cylinder amplius attolli; quantum v. g. sufficit, ut canales cadentes inferius ad horizontem spectent: atque ita non modo aqua altius deuehetur, sed etiam magna parte ponderis agens potentia subleuabitur.

Tertio Denique multum referre ut cylinder sit aliquanto maior & potentior, sic enim & melius præseruatur a curuatura & plures decliuioresque excipiet spiras; quod vnice ad copiosè in sublimè deuehendam aquam est necessarium cui rei ut medeantur quidam, Conicas figuras canalibus sinuosis inducunt, hæ enim & facilius aquam promouent, & magis grauitanti ponderi resistunt.

Quod si porò ascensum illum aquæ intra tubi septa se se in sublime subrigentis spectare aueas, vitreum tubum Cylindro implica, & tunc videbis quo pacto furtiuè aqua in canalem se se insinuet, sensimque quasi descendendo se ipsam in sublimè ferat, quod facile effectum dabis in vitreis officinis; quod si enim candens ad huc massa in longum statu distorqueatur, atque ita cylindro implicetur negotium absolutum erit.



PROPOSITIO XV.

PROBLEMA XV.

P. Valentini Stanfel S.I. Mathematicum in Vniuersitatibus Pragensi & Iuliomontana Professoris. Motus perennis ingeniosè per primi generis vectem tentatus & doctissimorum virorum disceptationi in Carolinæ Vniuersitatis aula datus & approbatus.

FIGVRA LII. LIII. & LIV.

Non possum hic te silente stylo præterire quo dudum ad eundem eras amicorum candidissime P. Valentine Stanfel cuius mihi iam inde a teneris annis singularis primum fauor, tum animi candor, demum & amicitia & singularis in immeritum propensio fuit semper testatissima prorsusque singularis, cui inquam disciplinarum mathematicarum si non prima at pene prima & purissima lineamenta, ne dicam harum cogitationum Ideas me debere lubenter fatebor.


Licebit mihi proinde bona (Vir modestissime venia) motus perennis abs te olim ingeniosissime tentati ab alijs probati, & in Vniuersitatis aula publicæ luci & disputationi dati fabricam huc inferere, non ijs quidè omnino verbis quæ ad purpurâ (Eminentissimos enim auscultatores & approbatores habuisti) nō erubescerēt, sed amici stylo; si no fac accurato & ad votū tuū, amica tamen dictione & quæ pōdus habeat, amici manu. Rude itē eiusedē schema & ideā adfero nō qualē Pragensis Collegij parietinæ & frequentissimus hospes demiratur, sed qualem & præsens occasio & rudis artifex potuit adumbrare. Sic igitur habet.

Esto aquæ receptaculum seu vas cupreum ABC, in formam parallelogrammi efformatum, in quo columellis quatuor insistens statuatur vas minus DE, supernè patulum inferne tubulo ab imo fundi prode-

P

ante

114 NOVA ET AMENIORIS
 unte V T instructum, in C. v. g. plantetur organum Cresibicum modiolis




embolo & assariolo pròbe adorna, ex quo infernè prodeat tubulus
 siue siphon ad P. v. g. ad ferrum iuatus, ascendatque per medium fundi
 vasis D E in altum extra vas puta P Q R S. quemadmodum passim fie-
 ri solet. tum in latere vasis D E in clauo solidè adhærente appendatur
 vectis siue statera, habens Hypomochlion in H, in cuius radijs (in pro-
 portione infra describenda) signatis appendatur Embolus O, & volu-
 bilis cū haustis suis rotæ axis L, Plantabitur autè rota in vase A B C sic,
 vt decidua per canalem V. T aqua recto tramite in haustia defluere
 possit. Impletis demum vasis A B C, D E aqua, datoque motui
 principio aqua per tubulum V. T egressa & in rotæ subiectæ haustia
 decidens eam in gyrum impellet & consequenter axis L vna in orbem
 circumactus radium Stateræ K H sursum deorsum aget, nunc attollen-
 do, nunc rursus deprimendo; atque ita Embolus O, pariter pressus
 & assurgens, aquam ex vase A B C hauriet, & in tubulum P Q R S

com-

DE FONTIBVS PHILOSOPHIÆ PARS III. 115

cōpulsam per ostiolum S in subiectū vas minus D E refundet; sic semel, sic semper; hæc porro aqua per tubulum V T infernè exiliens in rotā inpinget, & iugem rotæ motum vnaque vectis seu Stateræ agitationem causabit, vnde perennem motum (quantum quidem ad vim artificij spectat) prodire necesse est.

Fig. LIII



Quoniā verò obijci posset, plus aquæ ex V T defluere quam embolus per tubulū fursū educat, proindeque tandem motum substiti-

turum defectu potentia rotæ agentis, ingeniosè occurrit difficultati huic auctor, & meo quidem iudicio, totum quod obijci potest Archimedeis fultus principiis eludi. Ostendens minorem potentiam ratione prolongati vectis longè maius pondus attollere posse se ipsa. sic enim discurret.

Est primi generis vectis siue ei æquiualens Statera, A B C, cuius potentia eleuans sit in altero extremorum puta A, hypomeclion seu fulcrum B, pondus in C, Quoniam ex ment. Arist. Mech. qu. 3. *Quod motum pondus ad mouens, longitudo patitur ad longitudinem.* vel Arch. prop. 6. 7. de æquip. *Magnitudines in grauitate commensurabiles æquiponderant si permutatim suspendantur, in distantijs secundum grauitatis rationem institutis,* vel denique Guidus Vbaldus prop. 1. de Vecte. *Potentia sustinens pondus vecti appensum eandem ad ipsum pondus proportionem habet quam vectis distantia inter fulcimentum ac ponderis suspensionem ad distantiam a fulcimento ad potentiam interiectam,* siue cum est distantia ad distantiam, ut reciprocè pondus ad pondus siue potentiam, est pondus cum potentia in æquipondio, hoc est pondus C in distantia B C tantum deponderabit, quantum potentia A siue pondus suspensum in A in radio seu distantia A B.

Exempli gratia. in proposito casu sint data tria; pondus aquæ defluens, seu potentia rotam impellens A, vectis seu Statera A B C pondus alterum (siue potentia aquam per tubulum fursū educens) C. Sit igitur pondus seu potentia C lib. 100. sit potentia in altero extremorum suspendenda A lib. 2. & vectis seu statera v.g. cubitalis (pro ratione ponderis.) Si fiat ut pondus A duarum librarum ad pondus C 100. lib. ita radij seu distantia hoc est B C, ad B A, erit moles centum libræ suspensa ex C, cū mole (seu potentia) in A in æquilibrio, iuxta Hypothesim citatā, & demonstratam ab Arist. Arch: & Guidubaldo.

Appensis ita in æquilibrio ponderibus siue potentijs: si auferas ex pondere C siue potentia pondus D. v. g. vnam quartam aut etiam minus pro arbitrio, degrauabit pondus A radium seu vectem, inclinabitque Statera extremum A B (iuxta 3. post. Arch. lib. de æquipond.) & consequenter attolletur pars vectis B. C siue pondus C. siue potentia C. aufereturque æquilibrium, & consequenter minus pondus attollet, & mouebit maius. Vel; dato quolibet pondere si facias vt distantia maior in Statera seu vecte ad distantiam minorem habeat maiorem proportionem, quam datum pondus A ad C, Sola Statera maior distantia, & ponderatio poterit attollere in sublime datum pondus maiusque se ipso. Hoc discursu ita præmissis concludit, fiat ergo maior proportio radij seu distantie ad distantiam in Statera quam sit ponderis ad pondus reciproce, necesse est ab aqua modica puta duarum librarum, plus aquæ semper attolli, hoc est lib. 100. v. g. atque ita semper restabit quod effluat per præfatum in machina tubulum V T, cum plus semper attrahatur quam effluat, Motum ergo perennem Hydrostatica nostra (quantum quidem ad vim consequentiam à materia enim præscindimus) inuenit, quod erat faciendum, ita ferè ille, non minus feliciter quam ingeniosè; mundus videat vtrum (quod aiunt) rem acutigerit tuleritque punctum, mihi hætenus organicè non licuit rem experiri; faciam tamen maiori otio præditus. hoc solum aio, ex omnibus quæ equidem videre potui, motuum perpetuorum ideis, hanc mihi præ omnibus probatam arrisisse.

Lubet hic adicere obiectionem quam Author ipse sibi opponit. Dato quod vi argumenti concludatur potentiam minorem eleuaturam maiorem siue à minori pondere superatum iri pondus maius: at nego in materia applicata negotium procedere posse. dico enim quod dum aqua defluit per tubulum V T festino lapsu, aqua alia quæ per anthliam attollitur in vas D E tardius ascendendo, tandem minus aquæ relinquit in vase, quam sufficiat motui ad rotam: dato enim per tubum P. Q R S plus aquæ attolli, at quia tardius ascendit quam hæc defluat; plus aquæ intra tempus idem descendat quam ascendat; hoc est collectio aquæ defluentis maior erit collectione sursum eodem tempore deuehentis. Sed respondetur.

Primò. compensari posse hanc tarditatem ascensus; primo si vis aquæ sit tanta quæ ascendit, vt tantundem semper euehat quanta est rota aqua simul sumpta intra illud tempus defluens; in quo nulla est implicancia, minimo enim pondere aquæ docui magnum pondus seu quantitatem aquæ deuehi posse. secundo manente æquali fluxione ex V T.

potest

DE FONTIBVS PHILOSOPHIÆ PARS III. 117


potest accelerari per minutos vectes siue rotularum pluralitatem motus, ita vt compensetur quod timebatur. Aut cetè loco anthliæ accipiantur Archimedææ helicæ per quas eodem omnino tempore quo defluit aqua in haultra subiecta, eodem & in maiori quantitate influet in vas D E, & quidem minori difficultate & renisu quam per anthliam non est ergo in hoc capite quod motum nostrum moretur. Sic ille. Sic quoque ego hæc paucula tum fabricam tum Demonstrationem tam ingeniosi inuenti concernentia ex breuiusculo P. Valentini Themate mihi Roma transmissa paulo fufius deducta pro interim adferenda volui. Attuliffem quidem hic libenter curiosis lectoribus, habitos in Pragenfi Carolo Ferdinandæa Vniuersitate circa idipsum Problema, tum ab ipso Authore proponente tum ab Excellentiffimo Viro D. D. Marco Marci in fauorem Authoris discutiente Discursus, at mala ita disponente fortuna illos minimè consequi potui, quod mihi maximum dolorem affert; nam vt scio tot eruditionibus quot verbis exornati, infinitam adportaturi fuiffent delectationem.

Nihilominus tamen vt appareat quantum Inuentio hæc passim à me quibusdam hic monstrata arriserit, ingeniaque stimulauerit ad eandem tum magis illustrandam tum fugandum si quis reperiri posset Paralogismum; adferam solum vnicum pauculis verbis contentum Illustriffimi, & Excellentiffimi cuiusdam Viri cuius Nomen & debitas laudes eius modestia mihi inuito occultare iussit, in illius inuenti gratiam compositum Auctuarium. sic autem habet.

Aqua per A B defluens in rotam D, habeat tantum ponderis vt rotæ vim decem librarum attollendi impertiatur; si decem libræ sufficient ad attollendam aquam per canalem vel pompam E F, sine dubio fiet motus perpetuus. Sed si obijciatur quod vel decem libræ non sufficient ad attollendum tantum aquæ quantum rota indiget vt possit attollere pondus decem librarum, vel aqua non sufficiet ad impertiendum tantum virium rotæ, vt extollat decem libras.

Respondeo. quod si non decem saltem partem decem librarum attollere poterit, & posito sint quinque libræ, prolongetur vectis vsque ad H. Dico quinque libræ tantum ponderis, & virium habebunt quantum decem in I. sed suppositum est decem in I sufficere ad tantum aquæ proprio pondere euehendum quantum rota indiget ad extollendum pondus quinque librarum, ergo etiam in H; quia eadem est aqua, idè pondus, eadem distantia quoad rotam, ergo aqua per canalem A B C defluens sufficiens erit ad attollendum quinque libras, & quinque libræ ad euehendum tantum aquæ quantum rota indiget. Ergo fiet mo-

118 NOVÆ ET AMENIORIS
 tus perpetuus. Ita Vir Excellentissimus, Et quamvis præterea paulo
 differentem Machinam perpetuo Motui facilitando idoneam com-



mentus sit, quam interferere non abs re fuisset, attamen illo renuente
 intermittere coactus sum. Pro interim gaudeant inuento supra allato
 curiosi, illud bene ruminent, & si quæ penes notatu digna occurrerint
 insinuare non dedignentur.



PRO-

PROPOSITIO XVI.

PROBLEMA XVI.

Motus perpetuus tentatus a P. Nicolao Cabæo
S. I. per spirales orbitas aquam iugiter
in sublimé deuehentes.

FIGVRA LV.




Vbet coronidis loco spiralem seu helicam lineam non iam Cylindro vt fecerunt alij sed planæ orbitæ inhærentem verticaliterque erectam adijcere, quod inuentum tametsi ego pridem noui taciteque sæpius sum speculatus, si forrè hac via motum deprehendere possem; quia tamen fusius super eo discurre P. Cabæum noui, libenter illi hanc speculationem donabo: non quod multum ei fidam, insignem enim illius paralogismum nuper feliciter detexit quem paulo ante nominaui P. Valentinus Stansl. S. I. mirorque à Mario Bettino qui firmitèr sibi persuadet hac machina motum perennem tentari posse non esse animaduersum, Sic itaque in meteorologicis suis quæst. 3. lib. 1. ad textum Arist. 62. n. 379. habet.

Fiat rota magna plana ex materia idonea puta ex ære: Supra illam describe vestigium canalis æqualiter fluentis spiraliter vt vides factum; cuius canalis latitudo sit tota æqualis à circumferentia ad centrum, Super huius canalis vestigium erige canalem quadrilaterum: sed isto artificio vt canalis non sit æqualis altitudinis nec æqualiter assurgat ex plano rotæ ABCD, sed semper quanto magis recedit ab initio A & accedit versus centrum, semper tanto magis assurgat, & in altum dilatetur vt sit semper maioris & maioris capacitatis, Ponatur axis huius machinæ in E, Supra quem rotari possit si verticaliter erigatur Erige ergo machinā iam benè instructā, & constitue primum tibi ita vt linea EF sit perpendiculariter erecta ad centrum terræ: in ista positione sit plena aqua tota pars canalis quæ est infra lineam GH. suppono ita canalem esse instructum, & ita eius altitudinem, & ex altitudine capacitatem

126 NOVÆ ET AMENIORIS

citatem excrefcere, vt quamvis longior pars fit a P ad G quam à P ad H tamen plus aquæ contineat P H quam P G; hoc pofito quamvis aqua fit æquilibrata, fuppono enim lineam GH efle horizontalem: tamen quia eft maior in quantitate erit etiam grauior, & ita præponderabit, & machina vertetur; confequenter fiet linea ED perpendicularis, & IK horizontis, & fic deinceps AC perpendicularis NM horizontalis, &c.

Vides in ifta machina aquam fuo pondere femper grauitare deorfum, & tamen femper afcendere ab ima circumferentia circuli verticalis ad centrum eiuſdem, ſua vi, ſuo niſu, nullo impellente, nullo trahente, &c.



Huiusmodi autem canales in rota, debent fieri minimum quatuor, vt tota rota cooperta fit ex canalibus confequenter pofitis, vt dum vnus canalis defert aquam ad centrũ, alter aliam accipiat deferendam, &c. hac machina

ſi vlla alia vnquam, motum perpetuum efficere poteris. Hucusque Cabæus.

Machina hæc ingenioſa eſt, ſed vereor vt effectum (quem promittit Bettinus, & Cabæus) præſtet, propter rationes, & argumenta ſupra allata. Vt vt ſit hic non diſputo. in Hydroſtatica mea rem penitus examinabimus: hic ſolum ingenioſos conatus aliorum proponere, (alibi diſcutiendos) libuit. & oftendere (vt inquit lib. 4. Conic. Appollonius Pergæus) quomodo aliquid multipliciter fiat, vel quotupliciter; vel rurfus quod nullo modo fiat: quæ etiam ſi abſit vtilitas propter ipſas demonſtrationes digna ſunt vt recipiantur, multa enim in mathematicis diſciplinis ob hoc ipſum, & non ob aliquid aliud recipere conſueuimus.

EPILOGVS



T hac sunt quæ ex amplissima copiosissimaque Philo-
sophia Pneumatica siue de fontibus materie in bre-
uem Synopsim vel inuitus redegi, nisi enim veritus
essem (quod iam sub oleui) ne quis fortè curas me-
as anteiret, iusto Tomo (cuius iam bona pars absolu-
ta est) Vniuersam Hydraulicæ, & Hydrostaticæ ma-
teriam luci dare propositum fuit. Nucleo hoc interim,
& ceu immatura partu nobisque inuitis ab amicis
extorto lector amice fruerè; quem si ex genio tuo fore comperero, stimulos addes
vt cogitationes meas tanto celerius promoueam, demumque quem per aliquot
iam Annos præpolio, & exaggero partum, luci maturiorem omnique ex parte
absolutum edam. Interim Vale, & Viue, meque perennè manaturo æternæ Sa-
pientiæ fonti identidem commenda vt aliquando in simul cum gaudio de fontibus
illius hauriamus.

A. M. D. G.

V. Antonius Fauoritus é Societate Iesu, & pro
Eminentissimo, & Reuerendiss. D. D.
Cardinali Pio Episcopo Ferrarien. &c.
approbavit, &c.

Imprimatur.

Antonius de Federicis Vic. Gen.

Attenta attestatione supradicti P. Fauoriti
Consultoris S. Officij concedo vt.

Imprimatur.

F. Prosper Inquisitor Ferrariæ.



FERRARIAE. CIO. IOC. LVIII.

Apud Alphonsum, & Io: Baptistam
de Mareftis,

Typographos Episcopales.

SVPERIORVM PERMISSV



ERRATA CIO. CCC. LVIII.

Abbas Monasterii, & Jo: Baptista
de Maribus

Typographus Episcopalis.

ANNO DOMINI MDCCLXXII.

Opera di

Mecanismi, non
comuni

4

